






20459

hist. 8. 6 p. 3959

~~II~~
Burmans (Pierre)



346272

PETRI BURMANNI

D E

VECTIGALIBUS

Populi Romani

DISSERTATIO:



TRAJECTI ad RHENUM,
Apud GULIELMUM VANDE WATER;
Bibliopolam. clc. ccI. cxiv.

346373


PETRI BURMANNI

D. E.

VECTIGALIBUS

Populi Romani

DISSERTATIO.



TRANSACTIO RHENUM

APUD GUILIELMUM VAN DE WATER.

Bibliopolam, cl. ccl. cxiv.



Illustrissimo & Excellentissimo

V I R O

D.D. EVERARDO
DE WEEDE,

TOPARCHÆ DE WEEDE, DE
DYCKVELT, RATELES &c.


COLLEGII BEATÆ MARIÆ DECA-
NO, ORDINUM TRAJECTENSI-
UM PRÆSIDI, ET EORUM NO-
MINE AD FOEDERATORUM PO-
PULORUM GENERALES ORDI-
NES DELEGATO, AGGERUM,
QUI SUPERIOREM LECCÆ PAR-
TEM COERCENT, PRÆFECTO,
MUL-

MULTIS LEGATIONIBUS PRO
REPUBLICA BATAVA CUM GLO-
RIA DEFUNCTO,

Hanc Dissertationem

D. D. D.

PETRUS BURMANNUS.

 *Temmatidis antiqui soboles
generosa, Parentum
Gloria, Wedeæ maxime
gentis honos.
Cui nihil arte togæ par secula prisca
dedere,
Nec tulit æquandos Belgica laude
viros.*

Exiit

*Exiit auspiciis vestris Suprema Pa-
rentis*

*Cura, patrocínio nunc quoque tuta
tuo.*

*Auspice te primos conatus filius
edit,*

*Judiciumque subit pagina nostra
tuum.*

*Nec bene se, rector nisi sit qui tem-
peret, audet*

*Parva procelloso credere cymba
mari.*

*Tu mihi Præsidium, Tu primos di-
rige curjús,*

*Sisque, precor, timidae portus &
ara rati.*

*Excipe devotum pacata fronte libel-
lum,*

*Ad te confugiens respice, mitis,
opus.*

*Sit licet indignum, nec quod tua lu-
mina multum*

*Detineat, leviter perlege, parva
mora est.*

*Cum nequeat pretio, forsan brevi-
tate placebit,*

*Est satis haud longum displicuisse
tibi.*

*Temporis at minimum cum dent tibi
pondera rerum,*

*Nec vacet exiguum pervoluisse
librum.*

*Carmen & hæc (placeant quæ Te du-
ce læta moventur)*

*Pauca legas animi verba ministra
mei.*

*Forsitan & molles delectant otia
versus,*

*Et minuunt curas carmina læta
tuas.*

*Quid precor insanus? quo me meus
abripit ardor?*

*Pectore quid foveo gaudia vana
meo?*

*Maxima cum Batavi te moles nomi-
nis urget,*

*Belgica nec vacuum te jubet esse
salus.*

Sci-

Scilicet ut nostras, ista statione re-
lictâ,

Perlegeres nugas? improba Mu-
sa rogat.

Parcaque qui propriis impendis tem-
pora curis,

Excutias, audax otia nostra, pe-
tit?

Inspice (Et hæc nostri jam sit pars
maxima voti)

Quæ titulus prima nomina fronte
gerit.

Invenies illic mentis pia pignora
grata,

Meque tui immemorem pagina pri-
ma negat.

Sum memor, Et mecum cognoscit læta
favorem,

Quem toties sensit te mea dante,
domus.

Muneris esse tui, si quid sumus,
omne fatemur,

Et factum cura credimus esse
tua.

Ut tamen his meritis reddatur gra-
tia, non est

Ingenii, scis hoc, debilius o-
pus.

Nec mea Musa, modis forsan le-
vioribus apta,

Audet in immensum pandere ve-
la fretum.

Ludimus in parvis, virtus tua car-
mine major,

Imminuitque tuum nostra Thalia
decus.

Te celebrent alii, quorum, (sic nam-
que mereris)

Pectora Phæbeus concitat alta
calor.

Hi tua Mæoniis includant versibus
acta,

Et laudes grandi, quo decet, o-
re canant.

Debita qui reddant meritis præco-
nia tantis,

Ut par sit meritis jam tua fama
tuis.

Quid

*Quid Patriæ præstes nobis sentire
sed illis*

*Prodere vena equidem fertilior
datur.*

*Scimus (& hoc omnis scit mecum
Belgica) curas*

*Quas pro² Tui lapsa sponte salute
subis.*

*Nunc procul a laribus , dum nostris
imminet oris*

*Marte ferox Gallus , cogeris ire
tuis.*

*Adflictus te poscit Iber , sociique
tremantes*

*Ut repares blanda vulnera voce
rogant ,*

*Dexter ades , tua res lapsas præ-
sentia firmat ,*

*Et stat consiliis publica causa
tuis.*

*Nunc revocat patriæ te cura dome-
stica terræ ,*

*Teque sibi incolumem Belgica læta
videt.*


*Non timor aut hostis, non mille pe-
ricula terrent,
Et toties dubias isque redisque
vias.
Non grave detrectas, ista jam eta-
te, sed ultro
Utilior patriæ, quam tibi, mu-
nus obis.
Nec tibi cum reliquis laus est com-
munis, at omnis
Ingenio & cura gloria parta
tua.
Vive diu Patriæ, quæ te sibi leta
Parentem
Dicit, & hoc tantum gaudet ha-
bere decus.
At tibi contingat, seculi Lux maxima
nostri,
Semper honorato vivere posse
loco.
Sic tibi crescat honos, tibi sic, quem
facta merentur,
Reddatur Batavi, qua patet, or-
bis amor.*

Quem

*Quem tibi si praesens ingrata nega-
verit aetas,
Praemia posteritas digna labore
dabit.*



PRÆ-



P R Æ F A T I O.

L E C T O R I. S.

Non ambitiosa præfatione te in ipso opusculi hujus limine morabor, amice Lector, nec causam, cur primum hunc studiorum meorum foetum in lucem protrudam, fastidiosis titulis involvam, neque etiam impudenter importunis amicorum postulationibus extortum libellum, quem nemo forte desiderabit, fingam; Mentiri non est meum; bona fide instituti mei rationem dicam, & quid me, qui potius latere debuissem, ex latebris protraxerit, edisseram. Ex quo animum meum humanioribus literis & disciplinæ appuli, maxima me semper voluptate affecere antiqua Urbis Romæ instituta & mores, quos in evolvendis scriptoribus sedulo

P R Æ F A T I O.

lo meditabar, & omnem operam, in indagando, quicquid admirandi illa contineret, ponebam. Nactus autem eram, quæ felicitatis summa erat, ad id Præceptorem V. Ch. J. G. Grævium, cui Apollo & novem surgunt Sorores, qui pro conjunctione & necessitudine, quæ inter eum & Parentem meum quondam intercesserat, me ut filium formabat & fovebat, ad puros & limpidos fontes ducebat, & scopulos, quibus plerumque vel Parentum vel Præceptorum vitio juvenum studia in ingressu illidunt, sedulo vitandos monstrabat. Huic vero unice, quicquid ex eo profeci, me debere lubens fateor. Postea cum Romanæ prudentiæ præcepta, & antiqui juris placita evolvere inciperem, grande adjumentum id re ipsa cognovi, cum perspecta & cognita reipublicæ & Imperii Romani conditione, evidentior legum & juris ratio mihi appareret. Ideoque maxime semper mihi arridebat ea ratio tractandi juris, quæ subsidium ex historia & antiquitate peteret, & cum auctoritas eorum, quibus obsequium debebam, a me postularer, ut secundum morem Academicum specimen aliquod darem, quod quid profecissem, manifestum fieret, non aliud

P R Æ F A T I O.

Id eligere decorum putabam, quam quod veteris juris vestigia exhiberet, & plenam lucem ex antiquis monumentis desideraret. Occurrebant vero statim animo multæ leges, quæ olim a Populo Romano latæ, post virorum doctorum labores & messem, amplum nobis aperiebant campum industriam nostram exercendi, & spicilegia faciendi. Reperiebam inter Leges Julias, ab Augusto latas, unam, quæ minime vulgo, & non nisi initiatis cognita erat, de *Vicesima Hereditarium*. Hanc statim arripui, & quantum eo tempore ingenii imbecillitas & ætatis meæ conditio ferebat, ex antiquis auctoribus illustrabam, & publice Præside Viro Cl. Johanne van Muyden JCto doctissimo, quo præceptore feliciter utebar, proponebam. Cum autem quotidie magis in Musarum recondita penetrare conarer, indies quoque plura occurrebant in frequentiori lectione, quæ augendo & ornando argumento conducerent, donec affinitas materiæ me impulit, ad perscrutanda reliqua vectigalia, quibus vastum hoc Imperium tanquam fulcris insisteret; unde cum maximam voluptatem & uberrimum fructum referrem, statueram mihi seponere, neque unquam animum

P R Æ F A T I O.

mum incessuram cogitationem, in lucem pro-
 deundi, putaveram; sed una res mihi extorsit:
 Ita enim ardor indagandi, quicquid huc
 pertineret, mentem meam obsederat, ut vix
 aliis studiis vacarem; quemcunque veterum
 pervolverem, quasi id solum mihi negotii da-
 tum esset, nihil quærebam, nihil fere excer-
 pebam, nisi quod ad vectigalium materiem
 referri posset; quare devorandam hanc mihi
 molestiam tandem videbam, ut vacuus ad alia
 accedere possem, & quicquid in chartas conje-
 ceram, manu emittendum. Deterrebat qui-
 dem juvenilis mea ætas, quæ vix boni ali-
 quod, & quod doctioribus jure placere posset,
 me proferre posse plane persuadebat, sed quan-
 doquidem ævum, quod mihi Supremum Nu-
 men concesserit, omne literis & Musis devove-
 ram, non turpe judicabam aliquid audere. Præ-
 cipue elegantissimum illud Quintiliani præce-
 ptum cunctantem impellebat. *Non differen-*
dum esse tyrocinium in senectutem: nam quo-
tidie metus crescit, majusque fit semper, quod
ausuri sumus, & dum deliberamus quando
incipiendum sit, incipere jam serum est. Qua-
re fructum viridem, & adhuc dulcem pro-
mi decet, dum venia & spes est, & paratus
favor.

PRÆFATIO.

*favor. Et audere non dedecet, & si quid de-
sit operi, supplet ætas, & si qua dicta sunt
juveniliter, pro indole accipiuntur. Prodit
ergo cum quadam fiducia labor noster, secu-
rus, quid obtrectatores & malevoli de eo sen-
tiant, nobis non fama neque ingenii gloria,
sed laboris & industriæ laus quæritur.*

Alterum est etiam, quod te moneam, Le-
ctor, ne statim inspecto titulo hujus libri,
sinistram opinionem foveas, quasi hoc ma-
xime tempore, quo vectigalia plurima a no-
bis extorquet temporis iniquitas, conscriptus
sit libellus, atque ita invidiam his tempori-
bus faciat. Nemo perlecta hac dissertatione
ita sentiet, cum studiose vitaverim, quic-
quid in nostra, vel aliis Rebus publicis ex Roma-
na derivatum obtineat: nam instituti mei ra-
tio ad solius Romanæ constitutionem perspi-
ciendam me ducebat, neque desiderium me
unquam cepit civilis sapientiæ præcepta ex an-
tiqua Romanorum prudentia nostris tempo-
ribus accommodandi, cum imaginariis sus-
fragiis rempublicam attingere, stultissimum mi-
hi videatur. Nos in otio & umbra dulcibus &
amænis Musis litamus.

I N

Viri Consultissimi atque Eruditissimi

PETRI BURMANNI Jcti

Dissertationem Elegantissimam

D E

Vectigalibus Populi Romani.

INjustis usus nimium feliciter armis,
 Gallica libertas queis labefacta jacet,
 Fert Europæum victricia signa per orbem,
 Et prædam è populis Rex Ludovicus agit.
 Objicit intrepidus sese crudelibus ausis,
 Et læsis Regum Rex Gulielmus adest.
 Oppressi bello dant Vectigalia cives,
 Et Mars ex omni gente Tributa petit.
 Fallor? an in tantis turbis Musæque Themisque
 Horrendos lituos inter & arma silent?
 Fallor: in exilium properantes pergere Divas
 Burmanni in Batavis pagina docta tenet.
 Legibus Astræam revocat, sed carmine Musas,
 Numina Burmanno semper amica suo;
 Omnia victricis qui vectigalia Romæ
 Doctè Cimmeriis eruit è tenebris,
 Et revocat, Populo jam non nocitura, Tributa,
 * * * Qua

*Qua cives Fisco Caesaribusque dabant.
Atque ita de nobis veteri & de fure meretur,
Quo sine stultitia est fuis didicisse novum.
Sed quid ego juris laudo fragmenta vetusti,
Olim pressa quibus Martia Roma fuit?
Romanas leges per me licet abroget usus,
Et patrias, quotquot dura Tributa jubent.
Anglorum aut Regi dent Vexigalia Galli,
Europam aut reditu Pax rediviva beet.
At quid sollicitat nostras ea cura Camenas?
Una salus Batavis Rex Gulielmus adest.
Quocunque eventu dubii cadat alea belli,
Rex Gulielmus erit portus & ara suis.
Nos modò, nos dulces Musas, Burmanne, se-
quamur,
Hoc quibus auspiciis nobile prodit opus.
Gratulor, invito tentem licet omnia Phæbo,
Nec turgent nostras Numina vestra preces,
Gratulor & Themidi & Musis Patriæque
Tibique
Detam Te digno, doctæ Poëta, libro.
Perge ita collapsas Latii reparare ruinas,
Et quæ sub Latio fura sepulta jacent.
Perge, decet, doctas Themidi sociare Camenas,
Quæ tibi præruptum gloria monstrat iter;
Et cum Fratre tuo, qui magni est nominis heres,
Sic immortalem perge referre Patrem,*

CORNELIUS VAN ECK, Jctus
& in Acad. Ultraj. Professor.

I N D E X

C A P I T U M.

C A P. I.

De Agris publicis & vectigalibus. pag. 1.

C A P. II.

De Vectigali ex agris publicis. pag. 18.

C A P. III.

De Vectigali ex agris & eorum fructibus sub
Imperatoribus. pag. 36.

C A P. IV.

De scriptura & Vectigali Pecorum. pag. 57.

C A P. V.

De Portoriis. pag. 69.

C A P. VI.

De vectigali ex Metallis & salinis. 101.

C A P. VII.

De jure constituendi Vectigalia. pag. 121.

C A P. VIII.

De jure Exercendi & locandi vectigalia. 132.
C A P.

CAP. IX.

De Publicanis & Exactoribus vectigalium.
pag. 155.

CAP. X.

De Vigesima Manumissionum. pag. 184.

CAP. XI.

De Vigesima Hereditatium. pag. 194.

CAP. XII.

De Reliquis Populi Romani vectigalibus pag.
235.



DE
VECTIGALIBUS
POPULI ROMANI
DISSERTATIO

CAP. I.

De Agris publicis & Vectigalibus.

Romani Imperii nervi & subsidia
Vectigalia fuere, quibus belli
onera sine privatorum incom-
modo perferebantur, pacis mu-
nera decore & ex dignitate Po-
puli sustinebantur: horum historiam per omnia
Imperii tempora, quantum ex veterum mo-
nu-

2 *De Vectigalibus Pop. Rom.*

nummentis indagare mihi licitum fuerit, perpetua serie contexere constitui, eorumque originem, augmenta, abolitiones & restitutiones proponere. Originem vectigalibus publica necessitas dedit, factiosorum civium in Populum studia ea remiserunt, auxit vero pertinaciter ærarium tuentium optimatum constantia, postea imperantium avaritia ea pro lubitu varie exercuit, ita ut nullo unquam reipublicæ tempore certa fuerint vectigalia, sed subinde vel imposita, vel abolita, vel vetera restituta, prout factiones, quæ rempublicam dividebant, Populari auræ vel utilitati publicæ consulebant; sed redacta ad unius imperium & potestatem republica, Imperatorum vel humanitas, & liberalitas cum justa parcimonia temperata ea tolerabilia subjectis effecit, vel avaritia & inter quotidianas rapinas paupertas, ea in immensum aucta acerbissime exercuit; atque ita, si omnia reipublicæ Romanæ tempora percurrere lubet, rara & pauca vectigalia sub Regibus exacta fuisse comperiemus; non enim sumptibus, qui postea ex publico sustineri debebant, obnoxia erat urbs, bella pro aris & focis, non pro propagando imperio, propriis civium impensis,

sis, nullo ex publico stipendio, gerebantur: deinde vero cum latius pomcerii fines extenderent Romani, & vicinas Italiæ gentes ditioni ac imperio suo adjicerent, ærarium constituerunt, quod perpetuo ac sine difficultate impensas & publicas necessitates suppeditaret, hoc ærarium non tam sustinebant civium collationes vel tributa, quam ex devictarum Gentium opibus captis & agris publicatis locupletabatur, donec tandem, non sufficientibus subjectorum Populorum divitiis, ex propriis visceribus ali debuerit, quæ omnia ex sequentibus clara fient: ac primo ea vectigalia, quæ antiquis reipublicæ temporibus, & ex subactis hostibus exercebantur, examinabimus.

Romani, cum bello aliquem populum vicerent, duabus quam plurimum rationibus cum iis agebant, aut populos liberos suis legibus relinquebant, imposito annuo stipendio in victoriæ præmium & belli poenam, & hoc proprie *tributum* vel *stipendium*, Populi *tributarii* & *stipendiarii* vocabantur: vel devictos exuebant agris, civitatibus & omnibus bonis, quæ publicabant, eorum agros vel in publicum reipublicæ patrimonium redigebant,

4 *De Vectigalibus Pop. Rom.*

vel in eos colonos ex urbe deducebant, quibus dividebantur, & ex eorum proventu aliquam reipublicæ partem tribui jubebant: primum nunc excutere non fert animus, nec tributi vel stipendii naturam & historiam contexere, solus nobis de vectigalibus sermo erit, quæ distincta a tributis fuerunt: quamvis non tam anxie hoc discrimen ab auctoribus semper observatum fuerit, de quo videri potest *Cujac. 7. Obs. 4.*

Vectigal dictum est a *vehendo*: quia proprie illam impositionem notat, quæ pro vectura mercium exigitur, quæ postea sub *Portorii* nomine explicabitur; latius vero postea hujus vocis significatio prolata est, ut omnes omnino redditus & emolumenta comprehendat, quæ ex re aliqua publico obligata ad ærarium perveniunt, & sic ad *Decumas*, & ad *Scripturam*, & reliqua vectigalium genera porrigitur, & ipsæ res, quæ huic præstationi subsunt, *vectigales* dictæ sunt.

Antiquis Reipublicæ temporibus tria præcipue vectigalia in usu celebrata sunt, quæ vel ex agris, qui colebantur, vel ex pascuis, quæ a pecoribus carpebantur, vel ex portubus, qui mercibus invehendis & evehendis

pete-

patebant, redigebantur. Quæ tria dicta *Decuma*, *Scriptura* & *Portorium* fuerunt, quæ ordine explicabimus, explorata prius agrorum & pascuorum publicorum natura & conditione.

Agri hi aliquando *publici*, aliquando *vectigales* a scriptoribus nominantur. *Publici*, quia eorum proprietas ad rempublicam pertinebat, & ex eorum fructibus pro locatione merces capiebatur. *Vectigales* autem, quia vel redditus eorum *vectigal* appellabatur, vel aliquando privatis eorum dominium concedebatur, imposito vectigali. Horum agrorum triplex genus fuisse reperio: pro modo enim & varia deditiois forma ita destinguebantur: aut enim agri ex hostibus capti, toti *publici Romani Populi* habebantur, & rei-publicæ velut patrimonium erant, vel publicati & devictis gentibus ademti, militibus vel inopi plebi dividebantur, vel denique gentibus in deditioem acceptis colendi relinquebantur, sub annuo ex eorum fructibus vectigali.

Primi generis agri *publici* erant, cum *Populus* aliquis omnia divina humanaque in *populi Romani* ditionem dabat, vel cum armis

6 *De Vectigalibus Pop. Rom.*

subactus agro mulctabatur ; sic præcipue illustris est deditio Campanorum , qui bello a Samnitibus vexati, nec cum pares essent Samnitibus , omnia sua Romanis dediderunt , ut narrat *Liv. lib. 7. c. 31.* Qui postea deficientes a Romanis, armis sub imperium redacti, omnibus bonis exuti sunt, ager omnis & terra publica populi Romani facta sunt. *Liv. 26. c. 16.* & ager Campanus uberrimus totius Italiæ factus est caput patrimonii publici, pulcherri-
ma Populi Romani possessio, subsidium anno-
na, horreum belli, sub signo claustrisque rei-
publica positum vectigal, ut eum laudat Cic.
2. Agrar. contr. Rull. Sic etiam in Piceno ager a Gallis captus publicus fuit, qui *Roma-*
nus appellabatur : *Varr. 1. de re. rustic. 2.*
Ager Gallicus Romanus vocatur, qui virtim-
tis Ariminum datus est ultra agrum Picenum,
 & ibidem montes fuisse, Romanos dictos, quia ad Populum Romanum pertinebant, docet *Sicul. Flacc. de condit. agror.* Postquam ergo majores regiones ex hoste capta vacare ceperunt, alios agros dividerunt assignarunt, alii ita remanserunt (ita enim legendum) ut tamen Populi Romani essent, ut est in Piceno, in regione Reatina, in quibus regionibus montes
 Ro-

Romani, quorum vectigal ad ararium pertinet. Omnes si hic agros publicos & latissimas possessiones enumerare vellem, tædio res foret, plurimos recenset Ciceroorat. i. agrar. contr. Rull. Hi agri publici erant certissimum reipublicæ subsidium, & urgentis necessitatis remedium, nam in extremis reipublicæ temporibus hi vendebantur, & pecuniâ ex venditione eorum redactâ publicæ angustiae sublevabantur. Sic Livius narrat lib. 28. c. 46. quia pecunia ad bellum decrat, agri Campani regionem a fossa Græca, ad mare versam, vendere. Questores jussos, & lib. 31. c. 13. cum ærarium non sufficeret magnis exercitibus alendis, Consules agri publici magnam partem vendidisse creditoribus reipublicæ, imposito tamen vectigali, & ea lege, ut si postea ærarium solvendo esset, acciperent pecuniam & redderent agrum, verba ejus sunt. Ut agri publici, qui intra quinquagesimum lapidem esset, copia iis fieret, Consules agrum æstimaturos, & in jugera asses vectigales, testandi causa publicum agrum esse, imposuituros, ut si quis, quam solvere posset populus, pecuniam habere, quam agrum mallet, restitueret Populo.

8 *De Vectigalibus Pop. Rom.*

Sic agri ex devictis gentibus publicabantur; si vero mitius cum devictis gentibus agebatur, non omnis ager adimebatur, sed parte aliqua, vel tertia vel duabus partibus multabantur, sic sub Romulo Veientes agri parte multati. *Liv. 1. 15.* sic Hernicis duæ partes agri ademti. *Liv. 2. 41.* & Privernatibus. *Liv. 8. c. 1.* & Boiis dimidia pars agri ademta. *Liv. 36. c. 39.* Quin & mansuetudo Romanorum aliquando amplior & illustrior fuit, ut devictarum gentium agros jam in publicum redactos restituerent, & antiquo jure possidendos relinquerent; hoc modo aliquas civitates in Sicilia habitas fuisse docet *Cic. 5. Verr.* Nam tota Sicilia Romanis iisdem legibus paruit, quibus olim regibus, exceptæ erant aliquæ civitates, quas bello subegerant Romani, quarum ager cum esset jure belli publicus Populi Romani factus, tamen illis est redditus, & eæ civitates cum reliqua Sicilia æquali Jure a Romanis fuerunt habitæ, quem locum postea excutiemus.

Quemadmodum vero in quasdam gentes benigni & faciles erant Romani, sic etiam rigide & severe animadvertebant in municipia & colonias, quæ delinquebant, & iis civitatem

sem & omnia jura adimebant, & agris quos possidebant, mulctabant. Sic *Etruria* pene tota, quæ Marianas partes contra Sullam foverat, agro spoliata est, Arretinis agri ademti: de quo v. *Cic. l. ad Att. Ep. 19.* & ibi *Malaspinam*.

Alterum genus agrorum vectigalium est, cum *Populus Romanus* agrum ex hostibus captum, non in publicum reipublicæ patrimonium redigebat, sed ademtum victis, militibus in emeritorum stipendiorum, & strenue in bello navatæ operæ præmium dividebat, vel etiam plebem inopem & seditiosam in eos deducebat, quod præclarum civilis sapientiæ institutum fuit: hac enim ratione & milites alacriores, spe agrorum ostentata, faciebat, & urbem inutili & ad res novas audendum avida multitudine exonerabat, deinde populos novo imperio nondum assuetos, injecto quasi fræno regebat & in obsequio continebat; de deductione vero coloniarum hic agere & earum constitutiones proponere non constitui: Si quis hæc nosse desideret, satisficient ei *rei agraria auctores*, & *Sigon. de Ant. Jur. Italia. 2. c. 2.* Solum, quod huc maxime facit, notandum est,

A 5

10 *De Vectigalibus Pop. Rom.*

est, Colonos vectigali obstrictos fuisse, ita
ut pro modo jugerum quem accipiebant, aliquid in ararium Populi Romani inferrent.
Hunc morem docet *Plutarch. in Gracch.*
Ῥωμαῖοι μὲν δὲ τὴν ἀσυγκρίτων χώρας ἔσσην ἐπι-
τέμοντο πολέμῳ, τὴν μὲν ἐπίπρασκον, τὴν δὲ ποιεῖ-
μενοι δημόσιαν, ἐδίδουσαν νέμεσθαι τοῖς ἀκτήμοσι
καὶ ἀπόροις τῶν πολιτῶν, ἀποφορὰν δὲ πόλιν
λὴν εἰς τὸ δημόσιον τέλῃσιν. *Romani populo-*
rum vicinorum agros, quos bello acquisiver-
ant, partim vendebant, partim publicos fa-
ciebant & dabant inopibus & tenuibus civibus,
exiguo vectigali imposito. Hinc apud Liv.
lib. 4. c. 36. seditiosæ tribunorum plebis ora-
tionibus incitabant plurimos, ad petendum tri-
bunatum militum, alium alia de commodis
plebis laturum se in magistratu profitemem, &
agri publici dividendi, coloniarii quoque deduc-
endarum ostentata spes, & vectigali posses-
soribus agrorum imposito, in stipendium ero-
gandi eris. Illustrat hæc maxime Appiani lo-
cus de Bell. Civ. lib. 1. ubi dicit Ῥωμαῖοι
τὴν Ἰταλίαν πολέμῳ κατὰ μέγλη χειρήμενοι,
γῆς μέρος ἐλάμβανον, καὶ πόλεις ἐνώπιζαν, ἢ
εἰς τὰς πρότερον ἔσσης κληρέχους ἀπὸ σφῶν κα-
τέλεγον, καὶ ταῦτα μὲν ἀντι Φερρέϊων ἔπενόντων,
δὲ δὲ

ἡ δὲ γῆς τῆς δορυκτῆς σφισιν ἑκάστοτε γιγνο-
 μένης, τὴν μὲν ἐξεργασμένην αὐτικά τοις οἰκι-
 ζομένοις ἐπιδίηρουν ἢ ἐπίπρασκον, ἢ ἐξεμίδαν.
 τὴν δὲ ἀργὸν ἐκ τῆς πολέμῃς τότε ἔσαν, ἢ δὴ καὶ
 μάλιστ' ἐπλήθυνεν, ἔκ ἀγάγοντες πω σχολὴν δια-
 λαχεῖν, ἐπεκέρυττον ἐν τοσῶδε τοῖς ἐθέλουσιν ἐκ-
 πονεῖν, ἐπὶ τέλει τ' ἐτησιων κάρπων, δεκάτῃ μὲν
 τ' σπειρομένων, πέμπτῃ δὲ τ' φύτευομένων.
Romani bello Italian per partes subigentes so-
lebant partem agri adimere, & in eum colo-
nias deducere, vel in jam ante condita oppi-
da novos colonos ex suis adscribere, hæ colo-
nia tanquam præsidia devictis gentibus impo-
nebantur, in quibus quod erat culti agri co-
lonis dividebatur, aut vendebatur & loca-
batur, inculta vero, ut ex bello plerum-
que sequitur vastitas, quia dividere non va-
cabat, per præconem volentibus colere addice-
bant sub vectigali annuorum fructuum, deci-
ma partis ex frugibus, quinta ex arbutis.
aperte id Aggen. Urb. in comm. ad Front. de
agror. qual. Nam ideo publica hoc loco cum
dixisse existimo, quod omnes etiam privati
agri tributa atque vectigalia persolvant. Ad
quem locum tamen notat Vir Ampliss. Goe-
fius, falsum hoc esse in republica Romana,
 quod

12 *De Vectigalibus Pop. Rom.*

quod verissime notavit Vir Doctissimus, si de agris, quos privati possidebant per Italiam & provincias, hunc Aggeni locum intellexit, ut fecisse videtur; sed sententia Aggeni verissima est, cum loquatur de agris publicis assignatis & divisis, qui per divisionem privatorum censebantur esse facti: sic expresse passim hi colonorum agri *Vectigales* appellantur ab auctoribus rei agrar. *Hygin. de condit. Agror. Vectigales autem agri sunt obligati, quidam reipublice Pop. Rom. quidam Coloniarum aut municipiorum aut civitatum aliquarum, qui & ipsi plerumque ad Populum Romanum pertinent, ex hoste capti partitque ac divisi sunt per centurias, ut assignarentur militibus, quorum virtute capti sunt non autem semper illos agros vectigales fuisse, sed aliquando benigne colonis sine onere immunes concessos fuisse, verosimile est; hinc Annibal, apud Liv. 21. c. 45. Romano more loquens introducit ad milites nam dicit Livius eum, vocatis militibus ad concionem, certa premia pronuntiasse, in quorum spem pugnarent, agrum se daturum esse in Italia, Africa, Hispania, ubi quisque velit, immunem ipsi, qui accepisset, liberisque*

que. Denique cum non eodem semper jure & conditione deducerentur coloniae, aliae aliis pluribus privilegiis gaudebant, sic quaedam militiae vacationem habebant, quaedam milites & pecuniam suppeditabant. De quibus v. *Sigon. d. l.*

Accidebat autem aliquando in assignandis agris, ut aut. modus agri, qui dividebatur, excederet numerum colonorum, qui deducerentur, quo casu illi agri qui supererant, vel vectigalibus agris jam divisus subiciebantur, vel in commune relinquebantur omnibus colonis, vel denique aliquando veteribus possessoribus reddebantur, vel etiam publici fiebant & locabantur. *Hygin. d. l. nam qui superfuerant agri vectigalibus subjecti sunt.* Redditos fuisse veteribus possessoribus idem auctor paulo post declarat, dicens in quo tamen genere agrorum sunt aliquibus nominatim redditae possessiones. Qui non obligantur vectigalibus, quoniam scilicet prioribus dominis redditum sunt. Si in commune colonis utendi fruendi relinquebantur, *compascua* dicebantur, quibus omnes coloni aequaliter gaudebant, soluto tamen vectigali, quamvis exiguo, teste eodem *Hygin. de lim. constit.*

&

14 *De Vectigalibus Pop. Rom.*

& *Aggen. urbic. comm. ad Front.* Hæc fere pascua certis personis data sunt depascenda, sed in commune. Si vero respublica Romana hos superstites agros sibi retinebat, eos vel colonis locabat in quinquennium, vel in centum annos mancipibus vendebat. *Hygin. de de cond. agr.* atque ita naturam publicorum agrorum primi generis æquabant. Aliud etiam genus agrorum fuit in coloniis, nam in descriptione perticæ, plerumque pars illa agri, quæ inculta erat, resecabatur, quæ *subsecivum* dicebatur, quod erat, describente *Amplissimo Guesio Antiq. agrar. c. 12.* rudis locus extra regionem divisam, nullis obligatus limitum regulis. Atque hi inculti agri vel vendebantur, vel volentibus colere addicebantur sub vectigali. *Aggen. Urbic. comm. ad Front.* quæ subseciva quidam vendiderunt, quidam vectigalibus certo tempore locant. & ex supra citato loco *Appiani* & ex *Hygin. de condit. agror.* liquidum est.

Tertium vectigalium agrorum genus fuisse diximus, cum populis devictis & imperio subjectis agri relinquebantur, sub certo & annuo vectigali, hocque modo plerumque Provincias extra Italiam tractarunt: sic Sardinia,

dinia, Africa, Hispania, Asia & reliquæ Provincie ex fructibus constitutam partem pro vectigali dederunt; hinc Manlius, in oratione ad Senatum, dicit, *alias agro multatis, aliis vectigal imponitis* apud Liv. 38. c. 48. illustre vero in hanc rem exemplum est Sicilia, quæ in Provincie formam redacta, nihil pristini juris & libertatis amisit, sed a Romanis eodem modo, quo a regibus fuit habita, regebatur, agri Siculis relictæ, decumæ, quas regibus pendebant, exactæ. Cic. 5. Verr. *Inter Siciliam ceterasque Provincias hoc interest, quod ceteris impositum est vectigal certum, quod stipendiarium dicitur, aut censoria locatio constituta est, Sicilia vero sic in amicitiam & fidem recepta, ut eodem jure esset, quo fuisset sub regibus.*

Sub agris publicis & vectigalibus etiam pascua, de quibus postea agemus, cum de scriptura nobis erit agendum, & *Lacus*, comprehenduntur: nam & ex his vectigal ad rem publicam pervenisse, ex Festo in voce *Lacus Lucrinus* patet, ubi *Lacus Lucrinus* dicitur a Censoribus locari. Fructus lacuum erat piscatio, & hinc in censum lacus piscatorii sunt referendi l. 4. §. 6. ff. de Censib. ex Lucrino lacu

16 *De Vectigalibus Pop. Rom.*

cu præcipuus proventus erat ostrearum, quæ in maximis deliciis habebantur. vid. *Senec. Epist.* 78. *Plin.* 9. c. 54. & *Petron. de bell. civ.* Ridicule autem *Lazius de republ. Rom.* l. 2. c. 13. probat, Romanos piscatorios Lacus, & inde vectigal vel redditum aliquem habuisse ex *Ovidio.* 4. *fast.* v. 888. ubi dicit.

Premia de lacubus proxima musta tuis.

cum ibi Lacus, non aquarum aliquam congeriem significet, sed receptaculum illud, quod in cella vinaria sub calcatorio erat, in quo mustum expressum ex uvis excipiebatur, ex quibus Lacubus canales erant, per quos vinum in dolia dilabebatur; vid. *Caton. de re rust.* c. 25. & *Pallad. de rerust.* l. 1. c. 18. *Columell.* 12. 18. sic & *Lacus Olearii* erant; *Columell.* 12. c. 50.

Antequam ab his discedamus, breviter etiam attingere libet aliud illud genus agrorum vectigalium, cujus tam crebra in jure mentio occurrit, quæque non publici, ut priores, sed privati juris censebantur. Nim. municipiis quosdam agros habere permittebatur, ex quorum redditu municipiorum onera sustinebantur, sacra perficiebantur, ædes sacre & communes sartæ tectæ conservabantur.

Me-

Meminit Cic. *Epist. ad famul.* 13. 7. municipii Attellani agri vectigalis, qui est in Gallia, & *cod. lib. Epist.* 11. Cicero de municipibus suis Arpinatibus testatur, eorum omnia commoda, omnesque facultates, quibus & sacra consistere, & sacra tecta adium sacrarum, locorumque communium fieri possunt, consistere in vectigalibus, quæ habent in provincia Gallia. sic in l. 13. §. 6. de act. empt. fundus aliquis dicitur, vectigalia municipiis pluribus debere; ut recte Cujac. 5. obs. ult. ex Græcis emendat. Hos agros municipia solebant locare in perpetuum, id est, hac lege, ut quamdiu pro illis vectigal pendatur, tamdiu neque ipsis, qui conduxerunt, neque his, qui in eorum locum successerunt, auferri eos liceat l. i. ff. si ager vectig. Sic Plinius etiam agrum sibi proprium, quem in locum pecuniæ, quam in alimenta puerorum municipio promiserat, eidem mancipatum, imposito vectigali tricenorum millium annuorum, receperat, per quæ & reipublica fors in tuto, nec redditus incertus esset, lib. 9. *epist.* 18. Hos agros fructuarios appellat Cælius ad Cicero-
nem lib. 8. *epist.* 9. ad fam. unde colligitur, hos agros a magistratibus Romanis, qui in
B pro-

provincias mittebantur, non potuisse hoc fructu, qui ad arcam civitatum pertinebat, privari, ne civitatum vectigalia imminuerentur: petierat enim Cælius, ut *Marcus Feridius* hos agros, *Ciceronis* beneficio, immunes haberet, quod ei Cicero negavit, utpote foedum, & illicitum, quemadmodum ad Atticum scribit. *lib. 6. ep. 1.* Hos agros beneficio Principis possidebant civitates, ut postea de reliquis civitatum & coloniarum vectigalibus demonstrabimus.

C A P. II.

De Vectigali ex Agris Publicis

ITa breviter, & quantum nostrum institutum postulat, explicata natura & conditione agrorum publicorum & vectigalium, examinandum restat ipsum vectigal, quod ex eorum fructibus reipublicæ Romanæ persolvebatur: non autem eodem modo obnoxii erant agri publico, sed vectigal pro diversitate agrorum varium & dissimile fuit: aliud enim pendebant agri, quorum

quorum proprietas penes rempublicam permanerat, aliud agri colonis divisi & assignati, aliud denique devictis gentibus ad colendum relictum.

Ex agris, qui patrimonium reipublicæ erant, omnis reditus ad ærarium pertinebat, & merces, qua elocabantur, in publicum tota redigebatur: hocque erat luculentissimum reipublicæ subsidium, quo, intactis reliquis introitibus, plurima onera sustinebant, *sic Ciceroorat. 2. agrar. cont. Rull. testatur, Romanos, Italico bello, amissis cæteris vectigalibus, multos exercitus agri Campani fructibus aluisse.* Unde facile ratio iniri potest, quantum ex tot agris, quos possidebant, publicis perceperint Romani, cum unus Campanus tot sumptibus sufficeret.

Diversa ratio erat in agris vectigalibus, qui Colonis divisi & assignati erant, cum eorum fructus, non ad publicum, sed ad colonos pertinerent, qui tamen vectigal aliquod, quod quasi merces constitutum erat, publico pendebant. Non æquale vero ac idem vectigal omnes ubique Coloniae repræsentabant, sed pro jure & legibus, quibus deductio earum facta erat, vel pro terræ ubertate vel sterili-

20 *De Vectigalibus Pop. Rom.*

tate, majus vel minus exigebatur: sic Hygin. de *Limit. constit.* dicit, *Agri autem vectigales multas habent constitutiones, in quibusdam provinciis fructus partem constitutam præstant: alii quintas, alii septimas, nunc multi pecuniam, & hoc per soli estimationem.* Certa enim pretia agris constituta sunt, ut in Pannonia arvi primi, arvi secundi, partis sylvæ glandiferae, sylvæ vulgaris pascua. His omnibus agris vectigal ad modum ubertatis per singula jugera constitutum est. Maximum autem, quod exigi solitum, erat. Quinta pars fructuum, ut ex Hygino liquet: cum quo convenit locus supra adductus Appiani, ubi dicuntur agri addicti fuisse ἐπὶ τέλει τῶν ἐτησίων καρπῶν, δεκάτη μὲν τῶν σπειρομένων, πέμ-
 πτη δὲ τῶν φυτευομένων. Sub vectigali annuorum fructuum, decima partis ex satis, quinta vero ex plantatis. Hæc quinta deducebatur ex φυτευομένοις, ut prodit Appianus. Quæ vox cum generalis sit, & omnia, quæ plantantur, significet, dubium facit, unde hoc vectigal coactum sit. *Lips. de magn. Rom. lib. 2. c. 1.* dubitat, num de silva cædua, num vero ex pomo, vino, nuce, ficu & reliquis arborum fructibus sit collectum?

etum? quod postremum, rejecto priori vectigali, cujus nullum apud veteres auctores vestigium est, cum illo verum esse putamus: nam arbores, & earum fructus vectigali subjacuisse, ex superiori loco *Hygin. de limit. const.* clarum est, ubi *Sylvæ glandifera* inter agros, qui vectigal præstant, enumerantur, & in *l. 17. ff. de V. S.* inter publica vectigalia recensetur vectigal *Picariarum* (ita enim cum *Florentinis* recte legitur) quod fuit vectigal redactum ex locatione arborum, ex quibus pix defluebat: picem enim ex arboribus, etsi & fossilis reperiatur, plurimum distillare docet *Plin. lib. 16. c. 11. & Salmas. exerc. Plin. tom. 1. pag. 356.* Hujus etiam vectigalis mentionem facit *Cicero in Bruto*, ubi *Redemptores Picariarum* referuntur: verba ejus sunt. *Nam cum in silva Scantia* (hanc publicam fuisse postea, ubi de pascuis erit agendum, ostendemus) *cædes facta esset, notique homines interfecti, insimulareturque familia, partim etiam liberi societatis, quæ Picarius a P. Cornelio & L. Mummiæ censoribus redemisset.* Vectigales etiam arbores fuisse colligit *Bulenger. de Vectig. Pop. Rom. c. 13. ex loco Juvenal. sat. 3. v. 13. ubi dicit*

22 *De Vectigalibus Pop. Rom.*

*Nunc sacri fontis nemus & delubra locantur
Judæis, quorum Cophinus fœnumque supellex:
Omnis enim Populo mercedē pendere iussa est
Arbor.*

Sed male : non enim id sententiæ Poetæ convenit, sed melius ab Interpretibus ad Judæos refertur, qui urbe expulsi vagabantur, & in silvis pernoctabant, conductis arboribus, quibus ut ædibus & tectis utebantur, & sub quarum umbra latebant, & sacra perficiebant: quod & ex voce *mercedis* colligi potest, quæ hic pretium locationis, non pecuniam pro vectigali solutam notat: insolens namque vocis significatio hæc esset, quæ semper id, quod ex fructibus, operis, ædibus vel aliis rebus locatis conductis percipitur, denotat, ut multis illud docet Vir Ampliss. *Cuperus* 1. obs. 17. & sic merces recte sumitur pro eo pretio, quo vectigalia conducunt Publicani; inde *Suet. Cæs.* 20. dicit, *Cæsarem publicanos tertia mercedis parte levasse*; non inscite vero *Phil. Ruben.* 2. elect. 26. hunc Juvenalis locum ad Judæorum sacra, quæ in silvis & sub arboribus peragebantur, refert, quo & forte alludit alter ejusdem auctoris locus *sat.* 6. v. 544. ubi Judæa dicitur

Magna

Magna sacerdos arboris.

Hi ergo agri *quintam* ex plantatis debebant, *decumas* vero ex *στρατοδικούς* sive satis præstabant, quæ cum itidem ex provinciis & subjectis populis, exactæ fuerint, ad eas explicandas accedemus.

Ultra vectigal & redditus, quos publici & colonis assignati agri reipublicæ præbebant, pinguisimum ex subjectorum & provinciarum agris commodum capiebatur: horum enim aratores magnam Populo Romano partem frumenti & frugum tribuere erant obstricti, quibus tot hominum millibus referta urbs, & maxima, quæ sub signis erat, militum multitudo aleretur: sterilis enim, nec tantæ hominum copię sustinendæ apta erat ea Italiæ pars, quam Romani insederant; itaque, antequam jam imperium late protendissent, ex vicinis gentibus, quibus laxior annona erat, frumentum advehebant, ut ex Volscis, Campanis, & ex Sicilia, frumenti feracissima *Liv. lib. 2. 9. & 34. & passim.* Postea his subactis vectigal impositum est, quod perpetuo annonam Urbi suppeditaret. Sic, præter alias, præcipue Romam alebat Sicilia, quæ, frumento abundans, jam antiquis temporibus *decumas*

24 *De Vectigalibus Pop. Rom.*

Regibus suis præstabat, & postquam Romanorum provincia facta est, omnem agrum retinuit, & veteres possessores eodem jure & onere eum ararunt, ut easdem decumas, quas Hieroni regi pependissent, Romanis darent, quæ etiam eadem lege, quam Hiero præscripserat, exigebantur. *Quæque ita diligenter erat posita, ut decumanus nihil, plus decuma, posset auferre, nec arator sine maxima pœna decumanum fraudare.* teste Cicer. 5. Verrin. quam postea evertit sceleratissimus & rapacissimus Verres, qui cum Prætor Siciliam obtineret, ita in ea grassatus est, ut nihil aratoribus, ne ipsas quidem decumas, reliquerit, & fere totam a cultoribus, post ejus præturam, vacuam reddiderit Siciliam. Vid. Cic. in Verrinis.

Non sufficiente vero Sicilia, etsi feracissima, alendæ Romæ, aliæ frumentariæ provinciae adjectæ sunt; ei vicina Sardinia, quæ etsi cœli & aëris gravioris erat, terræ tamen benigne creditas fruges cum scœnore reddebatur, largiter quoque decumas frumenti Romam mittebat, ut multis apud Livium locis narratur lib. 42. c. 1. &c. sic apud Jul. Cæs. de bell. Afric. c. ult. dicuntur Sulcitani (qui

(qui est Populus Sardiniae) quod *Nasidinum*,
 & ejus classem receperant, copiasque juverant,
HS. C. millibus multati, & pro decumis octa-
vas pendere jussi. Deleta postea Carthagine
 maxima vis & frumenti copia horreis Roma-
 nis accessit ex Africa, cui etiam decumae im-
 positae fuere; hoc colligere licet ex antiquo
 monumento, cujus nobis fragmentum exhi-
 bet *Gruter. in corpore inscriptionum. pag. 512.*
 Refertur enim ibi, post Carthaginem captam,
 plurimos agros esse publicos factos, & a magi-
 stratu Romano locatos, (quod & ipsum *Cic.*
pro Balb. dicit, *Afros agris & stipendio mul-*
tatos esse asserens) alios vero agros relictos
 esse quibusdam populis, qui bello Punico in
 fide Romanorum permanferant, quibus sine
 onere & vectigali immunes concedebantur
 colendi agri, hac praerogativa, *neive vecti-*
gal, neive decumas, neive scripturam dent.
 Unde recte concluditur, reliquos veteribus
 possessoribus relictos agros decumas pependis-
 se. Nec subactam Asiam immunem fuisse a
 praestatione decumae putem, cum *Cicer. 5. ad*
Attic. ep. 13. meminerit *Decumanorum*, qui
 illum, cum Ephesum veniret, comitabantur.
 Et Syrorum agros etiam vectigali obnoxios
 fuisse

26 *De Vectigalibus Pop. Rom.*

fuisse ex *Cic. 2. agrar. contr. Rull.* patet, ubi dicit. *Quid nos Asia portus, quid Syria rura, quid transmarina vectigalia iuvabunt.* Hæ provinciæ erant veluti horrea reipublicæ Romanæ, quibus postea accessit Ægyptus, quæ sola fere alere poterat Romam. Sed de hac differemus, cum, quale hoc vectigal fuerit sub Imperatoribus, examinabimus. Mitius, quam cæteræ, habebatur Hispania, ea enim, non tam ferax ac benigna, minus vectigal præbebat: eam enim vicesimas tantum dedisse auctor est *Livius lib. 43. c. 2.* Reliquarum etiam frugum minutarum, ut olei & vini, decumæ exigebantur, ut testatur *Cic. 5. Verr.*

Hæ decumæ porro ex provinciis exigebantur ad modum jugerum: ex singulis enim jugeris quæ arabantur, pars decuma detrahebatur, quemadmodum & locatio decumarum in jugera fiebat. Hinc *Cic. 5. Verrin.* rationem init, quantum hoc emolumentum sit Romanis, cum, si fertilis annus sit, ex singulis jugeris medimnus decumæ nomine capiebatur, decem enim medimnos ex jugero aratores ferre poterant: non cogebantur autem aratores profiteri numerum jugerum, quæ

quæ arabant, sed quotannis apud Magistratum, ex præscripto & instituto legis Hieronicæ, numerus aratorum publice annotabatur. Verres vero, aratores accusandi & iudicii postulandi causam quærens, edictum in Sicilia proponebat, ut arator, quot jugera araret, profiteretur, quod iniquissimum & novum inventum vehementer exagitat Cicero.

Nec pecunia hæ decumæ, sed frumento solvebantur, unde passim apud Ciceronem, per medimnos decumarum ratio putatur. Hoc frumentum aratores debebant ad mare perducere, ut inde Romam transmitteretur: sic in Sicilia ad fretum Siculum advehebatur, & edicto Verres jusserat, ut *ante kal. Sext. omnes decumæ ad aquam deportatæ essent*. Ultra decumas nihil debebant aratores, nec accessiorem pecuniæ, neque aliquam mantissam, sed *si largissimus esset arator, cumulatione mensura utebatur*. Verres vero, omnia inique cum extorqueret, & decumas magni venditas, & insuper pecuniam exigebat, ut ea omnia luculenter describit Cicero.

Summa autem totius frumenti, quod ex decumis colligebatur, in tabulis publicis scribebatur, secundum quas eadem quantitas Ro-

28 *De Vectigalibus Pop. Rom.*

mæ reddi debebat, nec licebat Prætori vel Quæstori, eam summam mutare, vel aliquid ei detrahere, quod tamen Verres fecit, multum de capite demendo, quod tam grave crimen Cic. 5. *Verx.* dicit, ut illud Senatus, non ipsi Sullæ, cui uni post Romam conditam respublica se totam tradidit, qui tantum potuit, ut nemo illo invito nec bona, nec patriam, nec vitam retinere posset, permiserit, sed publica auctoritate reprehenderit. Aliquando vero, cum publica necessitas & angustia temporum exigebant, provinciis imperabantur alteræ decumæ, ultra debitas & exigis solitas, quo tamen casu Senatus ita decernebat, ut pecunia pro his decumis solvatur avarioribus, ut, quod plus sumitur, quam debetur, idem non auferri putetur. Cic. d. l. hoc, que dicitur frumentum emptum, quod duplex est, vel enim *Decumanum* dicitur, quod quasi altera decumæ, & ejusdem quantitatis exiguntur, vel *Imperatum* sive emptum proprie, quod præterea civitatibus aqualiter distributum est. Exempli frumenti hujus, imperati & decumani, plurima occurrunt apud *Livium* l. 36. c. 2. l. 37. c. 2. & 50. l. 42. c. 3. & passim. Pretium vero, quod huic frumen-

ro constituebatur, a Senatu definiebatur, & Magistratui, ad illud cogendum, pecunia ex aerario decernebatur, ut ex *Verri* 5. apparet, ubi Cicero probat Verrem illam pecuniam domum suam auverisse, & peculatum commisisse, qui permultis civitatibus nihil omnino pro frumento solvit, aliis detraxit quantum commodum fuit, nulli, quod dubium est, reddidit. Ita a Senatu provisum est, ne magistratus Romanus in Hispania grassaretur, & provinciam vexaret. Consultum enim ab senatu Hispanis, ne frumenti estimationem magistratus Romanus haberet, neve cogeret vicissimas vendere Hispanos, quanti ipse vellet. Inspectionem & frumenti probationem habebat Magistratus Romanus v. *Cic. d. l.*

Quamvis autem exacte satis Magistratuum potestas, in exigendo a subjectis frumento, erat circumscripta, mittebatur tamen Prætori vel Proconsuli a provincialibus aliquid exigere *cellæ nomine*, id est, ad se & familiam suam alendam. Hoc ex senatusconsulto & legibus ei mittebatur, & a Senatu definiebatur, quantum Prætori sumere liceret: cum autem more invaluisset, ut in commodum aratorum, qui aut frumentum jam vendidisset,

sent,

sent, aut servare vellent, aut in eum locum, quo imperabatur, portare nollent, Prætor loco frumenti pecuniam acciperet, consuetudo æstimationis introducta est, qua Prætor frumentum, quod ipsi in cellam debebant aratores dare, æstimaret, unde *æstimatum* dicitur. *Ascon. Ped. in Verr. de Prætur. Urban.* Licebat enim Magistratibus in usus suos frumentum accipere, si vellent, aut pro frumento pretium, quæ æstimatio dicebatur, in qua re avarissimi quique infinitam pecuniam contrahabant, iniquum præterea sociis imperando. Et in divinat. Dabat Sicilia æstimatum, quod decretum Prætor in cellam, hoc est, in usus cellæ æstimare solebat, cum interdum pro frumento pecuniam sumeret. Veris etiam avaritiam & extorsiones, circa frumentum æstimatum, late describit idem Cicero, loco sæpe citato. Hoc frumento Prætor vel Proconsul domum suam, cohortem & præfectos alebat, hinc *Cic. 6. ad Att. 3.* scribit, Gavium, qui se præfectum gerebat, impudenter a se *Cibaria* petiisse. Ultra hoc frumentum in cellam, vel æstimatum, etiam Prætori aliquid a Publicanis tribuebatur: hoc ideo publicani instituerant, ut

ut in litibus cum provincialibus sibi faventes haberent magistratus, & fortasse hoc est illud *Honorarium* frumentum, cujus meminit *Cic. in Pison.* Sed hoc magis malo more & avaritia magistratuum quam lege vel Scto introductum puto, quare id ab æqui observantissimo Catone, cum Prætor Sardiniam obtineret, non acceptum est. *Liv. 32. a. 2.* Nam fœneratores ex insula fugati, sumptus, quos in cultum Prætorum socii (id est publicani) facere soliti erant, circumcisi aut ablati ab eo, referuntur.

Antequam autem a decumis interpretandis abeamus, excutiendus nobis est locus insignis & ab omnibus viris, qui commentarios in eum auctorem scripserunt, vexatus *Sueton. Caligul. 26.* ubi mentio fit *decumarum* aliquarum. Verba sunt: *Scenicis ludis, inter plebem & equitem causam discordiarum serens, decumas maturius dabat, ut equestria ab infimo quoque occuparentur.* Quænam hæ decumæ sint, *Torrentius* se nescire, ingenue fatetur, alii nescio quas decumas Bierculi & Diis votas comminiscuntur, ut *Turneb. 18. adv. 5.* quæ, quomodo theatri sparsioni inservierint, vellem docuissent viri docti. *Scaliger Epist.*

32. *De Vectigalibus Pop. Rom.*

Epist. 37. Casaubonio, qui illum de hoc loco consuluerat, rescribit, hæc fuisse missilia & nummos, ex, nescio qua, exactione decumarum suppeditatos, quæ dicata erat sparsioni theatri, sed nullo antiqui testimonio sententiam suam firmat. Probabilior plerisque visa est emendatio & explicatio magni *Casauboni*, qui locum, conjectura ductus, ita legit. *Causam discordiarum serens tesseras decumaturius dabat*, infarciens vocem *tesseras*, quam a voce præcedente, ob similitudinem literarum, *serens* absorptam fuisse credit, & *tesseras* has missilia, in theatris, post finitos ludos spargi solita, interpretatur: cui sententiæ ut non subscribam, facit, quod ex hac explicatione nulla potest causa discordiæ inter equites & plebem colligi: nam tesseras quidem & missilia sparsa fuisse, negari non potest, sed si ea modo & Equitibus & plebi spargerentur æqualiter, & eo tempore, quo equites una cum plebe, frequentes in theatro erant, nihil erat, de quo alteruter quereretur: nam si ante decimam horam hæc sparsio a Caligula facta sit, ut vult Casanbonus, plebs nullo modo poterat occupare equestria, utpote Equitibus ea adhuc tenentibus, nec ut rarum aliquod

aliquid & insolitum Caligulae factum notaret Suetonius, si ante decimam finitos diceret ludos scenicos, & sparsa fuisse missilia, cum semper & ab omni tempore finis ante id tempus ludis imponi soleret. Ita enim tempus diurnum Romani diviserant, ut matutinum spectaculis & gladiatorii ludis impenderent, unde saepe in inscriptionibus mentio fit *Ludi matutini*; & ex *Sueton. August. c. 44.* apparet: Post meridiem vero tranquilliores ludi in scena exhibebantur, quod ideo institutum erat, ut *lusus & sales aliquid laxamenti* afferrent, quo hominum oculi ab humano cruore acquiescerent, ut dicit *Senec. epist. 7.* A meridie ergo incipiebant ludi scenici & rarissime ad decimam protrahebantur, unde ut insolitum & a communi consuetudine abhorrens de Nerone narrat *Sueton. c. 21. cum in horam FERRE decimam perseverasse*; & ratio finiendi ludorum erat, quia nona hora erat tempus coenae, ut ex vulgato *Martialis versu* pater.

Imperat exstructos frangere nona toros.
Nec, quia res in foro aliquando ad decimam protrahebantur, idem illud in theatris fieri consuevisse colligi potest. Superest ergo ut
C alia

alia fuerit discordiæ causa, quæ plebem cum Equite commiserit, eaque peti debet ex re aliqua, quæ ante equitum in ludos adventum in gratiam plebis a Caligula facta sit, ita ut plebs equestria vacua occupare potuerit, quæ tamen, an recte a nobis conjici possit diffidimus: sed cum depositus sit locus, nec ullum a MSS. auxilium sperandum sit, conjecturis indulgere licet, easque eruditorum arbitrio & censuræ subicere, Posset itaque fingi Suetonium scripsisse, *Causam discordiarum ferens, Mimos maturius dabat* (formatis primis literis DEC in decimis ex M, qui lapsus librariis facilis est) & hic sensus loco apponi. Caligulam, non missilia spargendi, sed ipsum ludos & mimos edendi tempus maturasse, & mimos in scenam eduxisse, cum plebs, quæ plerumque maturius ad ludos ruibat, sola esset frequens, & equestres cuneos occuparet, ita ut postea, adveniente equite, & locum, sibi a plebe discretum, tuente, rixæ & discordiæ orirentur.

Mimi autem semper scenicis ludis exhibebantur, & cum antiquis temporibus inter actus comœdiæ inseri solerent, posteriori ætate, inventoribus præcipue Pylade & Ba-

Bathyllo, separatim in orchestram veniebant, ut multis docuerunt *Scalig. de poet. l. c. 10.* & *Salmas. ad Vopis. Carin. c. 19.* & exinde fere totæ comœdiæ mimicæ factæ fuerunt, ut probat *Vales. ad Amm. lib. 23, c. 6.* ubi simili loquendi modo dicitur, *Scenicis ludis mimus immissus*, quo & alibi ipse *Sueton. Cas. 39.* utitur, dicens. *Ludis (nim. scenicis) Laberius Eques Romanus mimum suum egit.* Quæ conjectura nostra, mimos maturius, & ante tempus, more ludis inchoandis præfinitum, editos hic significari, forte inde etiam confirmari posset, quod ex eo tempore videtur invaluisse prava illa consuetudo, ut plebs, quæ insano ludorum & mimorum ardore furebat, negotia & mercimonia (nam plerumque nundinis edebantur ludi) negligeret & prætermitteret, nec, ut olim, tempus postmeridianum, sed totos dies mimis & ludis spectandis absumeret; quam vulgi insaniam postea correxit Imperator Antoninus Philosophus, & abolito eo more, tempus ludorum ad pristinam consuetudinem retraxit, nam eum, ne mercimonia impedirentur, tardius Pantomimos exhibere, non totis diebus, iussisse, narrat *Capitolin. c. 23.*

De Vectigali ex agris & eorum fructibus sub Imperatoribus.

HÆc fuit agrorum & vectigalis ex
 iis ratio, stante republica, quæ
 multum immutata est imminu-
 ta libertate & eversa republica.
 Et jam sub extremis liberæ &
 suis legibus viventis reipublicæ temporibus,
 factionum civium machinationibus, hæc
 luculentissima pars & firmissimum reipublicæ
 subsidium appetebatur & labefactabatur: nam
 plurimis legibus agrariis, quas seditiosi, &
 qui auram popularem captarent, cives ferebant,
 publici agri viritim dividebantur, & quoti-
 die quædam reipublicæ pars decerpebatur; do-
 nec tandem Tribunus Pl. Thorius lege, quam
vitiosam & inutilem Cicero in Bruto dicit,
 lata, omnem agrum publicum vectigali le-
 vavit, & possessoribus immunem præstitit.
 Deinde C. Cæsar Consul omnem agrum pu-
 blicum, excepto solo Campano, Populo di-
 visit, &, perlata lege, postea etiam Rempubli-
 cam unico, qui supererat, agro Campano
 exiit

exiit, *Suet. Caf. 20. Agrum Stellatam & Campanum, ultimum subsidium reipublicæ, divisi-
sit populo.* Atque ita ærarium præcipuo fru-
ctu & emolumento destitutum & nudatum
est, graviter hoc ferentibus optimatibus &
reipublicæ studiosis, unde frequentes illæ Ci-
ceronis querelæ, *Agro campano diviso, por-
toris sublatis, quod vectigal superest domesti-
cum, præter vicesimam, quæ mihi videtur u-
na concinnula, clamore pedissequorum nostro-
rum, peritura. ad Att. 2. ep. 16.* In eum au-
tem finem hæc divisio instituebatur, ut mul-
tudo civium, quæ Urbem replebat, & sedi-
tiosa plerumque consilia meditabatur, ab o-
tio urbano ad agriculturam & laborem tradu-
ceretur, & ut solitudines, quæ per bella ci-
vilia Italiam deformaverant, frequentarentur;
sed præsens tantum illud remedium, nec in-
futurum consulebat: major enim in dies co-
pia suppullulabat, quæ ali publice deberet,
& agri, ex quibus frumentum olim Populo di-
stribuebatur, in patrimonium & commodum
privatorum cesserant. Accedebat summa ho-
minum socordia & agriculturæ neglectus,
quam sordidum opus esse, jam confirmata eo
tempore erat opinio: populus enim, qui fru-
mento

38 *De Vectigalibus Pop. Rom.*

mento publico pascebatur, fiducia frumentationum a cultura agrorum cessabat, unde Augustus dicitur voluisse tollere omnes frumentationes. *Sueton. c. 42.* quod tamen non perfecit. Itaque ut tantæ multitudini, quæ tesseras frumentarias accipiebat, consuleretur, ex Provinciis vectigal frumenti exigi perseveratum est sub Imperatoribus, quo damna amissorum in Italia agrorum refarcirentur. Eleganter agriculturæ negligentiam, & necessitatem ex provinciis frumentum & subsidia vitæ humanæ petendi, deplorat *Columell. in præf. lib. 1. de re rustic.* Itaque, inquit, in hoc Latio, in hac Saturnia terra, ubi Dii cultus agrorum progeniem suam docuerunt, ibi nunc ad hastam locantur, ut nobis ex transmarinis provinciis frumentum adveniat, ne fame laboremus, vindemias condimus ex insulis Cycladum, ac regionibus Baticis Gallicisque. Et *Tacit. 12. ann. 43.* At hercle olim ex Italia regionibus longinquas in Provincias commeatus portabant, nec nunc infœcunditate laboratur, sed Africam potius & Ægyptum exercemus, navibusque & casibus vita Populi Romani permissa est.

Exdem vero provinciæ, quæ reipublicæ vectigal

Etigal ex agris suis præstabant, Imperatoribus obnoxie fuere; Sicilia, Sardinia, Africa & Asia Romanis arabat, his *vita ipsa* (ut loquitur Tacitus 3. ann. 54. & 12. 43) Populi Romani sustentabatur. De quibus omnibus hic multa congerere supersedeo, cum clara & manifesta res sit, & auctorum loci, qui de his provinciis passim mentionem injiciunt, obvii sint. His accessit postea fertilissima Ægyptus, quæ, ab Augusto in Provinciæ formam redacta, certissimum horreum & subsidium Romanorum fuit: hæc annua ducenta centena millia frumenti inferebat, computante *Aurel. Victor. poster.* quantumque hæc provincia commodi Romanis, frumenti præstatione, adtulerit, multis demonstrat *Plin. paneg. c. 30. & seqq.*

Non autem amplius decumarum vel vicissimarum frumenti præbitione desungebantur subjecti populi: altum enim harum apud auctores, post reipublicæ mutatam formam, est silentium, sed unicuique, pro modo & ubertate agrorum, certa & fixa quantitas imperabatur, quam quotannis Imperatori transmitterent, ut inde domus Augusta, milites & plebs inops aleretur: in hunc finem ab Im-

40 *De Vectigalibus Pop. Rom.*

peratoribus, fortasse jam ab ipso Augusto, confectus est *Canon* quidam, *Frumentarius* dictus, quo, quid quæque provincia quotannis præstare deberet, comprehensum erat. Augustum hunc canonem frumentarium primum composuisse credibile est: hic enim, cum imperium nomine Principis accepisset, confecit rationarium sive breviarium imperii, quo continebantur vires totius imperii, & in quo ratio introituum & expensarum deducta erat, *Suet. Aug. cap. 28. & ult. Tacit. 1. ann. 11.* deinde id etiam elici potest ex alio loco *Taciti 6. ann. 13.* ubi, cum Senatus & Magistratus Romani populum, licentius de gravitate annonæ querentem, non coërcuissent, Tiberius Patribus scribit, *quibus e provinciis & quanto majorem, quam Augustus, rei frumentariae copiam advectaret, qua epistola tota frumenti ratio continebatur.* Et aperte quantitatem frumenti, quod Ægyptus suppeditabat sub Augusto, definit *Aurel. Victor*, loco supra citato. Sub sequentibus Imperatoribus clariora hujus Canonis indicia exstant: sic de Septimio Severo narrat *Spartianus*, eum *Canonem septem annorum morientem reliquisse, &* ipsi dissimilis, Imperator *Elagabalus*

lus, Canonem Populi Romani unius anni, metreticibus, lenonibus & exoletis dedisse, refertur a Lamprid. c. 27. Hinc frequentissima huius canonis apud Auctores mentio reperitur, & de eo in utroque Codice titulus ab Imperatoribus est insertus; multa enim circa huius canonis curam Imperatores constituerunt, quæ omnia recensere operosa & fastidio plena res esset, plurima de eo Doctissimus Theodosiani Codicis Interpres Jacobus Gothofredus ad tit. C. Theod. de Canon frum. U. R. congeffit, qui utiliter consuli potest; hoc tantum subjiciemus, Imperatores plerunque, si Canon hic non sufficeret, a subjectis gentibus, pretio dato emere consuevisse (ut & sub republica moris fuisse, supra ostendimus) & eo casu coactos fuisse Provinciales, pretio a fisco accepto, frumentum vendere, quod onus dicitur *Sitonia*, latine *Coemptio*, C. *Just. lib. 10. tit. 27.* De hac etiam publica comparatione est titulus in C. Theod. lib. 11. tit. 15. & multa de hac constituit Theodosius Junior, cujus constitutiones reperiuntur sub titulo C. Theod. de frum. Urb. Const. Varii etiam ab antiquariis nummi adducuntur, quibus incisum est AD FRUM. EM. EX. SC Huic coemptioni

C 5

præ-

præficiiebantur certæ personæ, quas *curatores*
 & frumentarios vocant J.Cti in l. 18. §. 5. ff.
de muner. & honor. eratque hoc munus per-
 sonale l. 1. ff. *eod.* a quo excusabat ætas sep-
 tuaginta annorum, & numerus quinque inco-
 lumium liberorum l. 3. §. 12. ff. *eod.* Ab hoc
 onere quidam, ut pauperes & plebei, & aliæ
 personæ excipiebantur de quibus est l. 2. C.
Theod. de compar. publ. Quemadmodum ve-
 ro avari & impotentes Imperatores hoc fru-
 mentum nullo, vel perexiguo, pretio provin-
 cialibus extorquebant, sic boni & justî Prin-
 cipes pretium congruens solvi jubebant, unde
 eam laudem Trajano *Plin. paneg. c. 29.* tri-
 buit. *Emit fiscus, quicquid videtur emere,*
inde copie, inde annona, de qua inter licentem
vendentemque conveniat.

Hoc frumentum, sive pro vectigali secun-
 dum canonem exactum, sive coemptum, in
 Provinciis & Romæ in publica condebatur
 Horrea, de quibus cum jam plurima conge-
 serint viri dicti, nos illa omitemus & lecto-
 rem avidum ad *Buleng. de Vect. P. R. c. 8.*
Salm. & Casaub. ad Lampr. Alex. Sever. c. 39.
Pancir. var. lect. 1. § 1. & Gothofr. ad l. 7.
ff. de instr. & instr. leg. & l. 21. §. 6. ff. de furi.

remittimus. Inde per curatores annonæ populo & militibus distribuebatur, quod vulgo notum & ab aliis uberius explicatum non referemus v. *Lips. 1. elect. 8. & Jacob. Gothofr. ad Tit. C. Theod. de re Militar. & ad tit. de erogat. milit. ann.* hoc tantum addimus, militibus, qui male rem gesserant, hordeum loco frumenti datum, cujus moris varia exempla congessit *Torrent. ad Suet. Ang. 6. 24.* ubi illud ab Augusto factitatum narratur. v. & *Stewech. ad Veget. de re milit. c. 13.* hæc distributio frumenti postea exolevit, & in commodum plebis & militum instituto collegio Pistorum, ipsi panes pro frumento divisi sunt, de quib. *Salmas. ad Vopisc. Aurel. c. 35.*

Quemadmodum autem olim, non solum frumenti vectigal, sed & vini & olei decumas præstitas esse docuimus, sic postea ab Imperatoribus in Canonem frumentarium relata est exactio olei & vini, & Provinciis, quæ harum frugum feraces erant, illorum præstatio imperata; eademque Africa, quæ cum frumenti copia uberrimum olei proventum habebat, illud subvehebat ut ex *l. 3. Cod. Theod. de Canon. frum. U. R.* apparet; & ex Africanis, utpote apud quos oleum feliciter nasce-

44 *De Vectigalibus Pop. Rom.*

nascebatur, plurimum Tripolitani erant obnoxii, *Spart. Sever. c. 18.*, qui locus, cum maxime torserit & vexaverit eruditorum interpretum ingenia, non sine aliquo examine omittendus mihi videtur. Agit eo loco Spartianus de variis & insignibus victoriis, quas Imperator Severus obtinuerat contra varias gentes, Persas, Arabes, Adiabenos & Britannos, quibus subnectit; *Tripolim, unde oriundus erat, contusis bellicosissimis gentibus, securam reddidit, ac pacem diuturnam, oleum gratuitum, & fecundissimum agrum donavit.* Difficultatem huic loco duo præcipue faciunt, primo, quod absurdum videatur, Severum Tripolitanos oleo donasse, cum eorum terra esset olei feracissima & uberrima, deinde quod Spartano refragari videatur *Anrelius Victor* prior, qui in *Constantino* scribit. *Remota olei frumentique adventitia præbitiones, quibus Tripolis ac Nicaa acerbiusangebantur. Quas res superiores, Severi Imperio gratantes, civi obtulerant, verteratque gratiam muneribus in perniciem posterorum dissimulatio.* Unde colligunt viri docti, non Tripolitanis oleum donasse Severum, sed Imperatori a civibus pro pace & securitate ipsis præstita, oleum oblatum

blatum esse. Quæ duobus diversa auctorum loca ut concilient viri docti, medicam adhibent manum, & Casaubonus & Gruterus ex MSS. legunt, *securam reddidit, ac Populo Romano diurnum oleum gratuitum, & fecundissimum agrum donavit.* Quod tamen alienum hic a mente auctoris recte videri potest, cum non verosimile sit, Spartianum narrationi, quam de rebus gestis & victoriis, a gentibus, Romanorum hostibus, reportatis contexit, inseruisse ex abrupto, & non satis commode, gratiam & munus aliquod Populo Romano factum. Quare, ut filum narrationis recte contextum Spartiano ostenderet, Jac. Gothof. aliter hunc locum constituit, & ita legit. *in comm. ad l. 3. C. Theod. de Canon. frument. U. R. Securam reddidit: ad vicem diurnum ea oleum gratuitum, & fecundissimum agrum donavit.* Quod tamen probare non possumus, cum nulla MSSorum auctoritate subnixæ sit hæc conjectura; nec diurno oleo præbendo Romæ, sufficere Tripolis æstimari possit. Putamus ergo salvam & inconcussam Spartiano scripturam conservari posse, si modo commoda explicatione subleveretur, qua & Victori concilietur, & historiæ veritas confirmetur. Pri-

46 *De Vectigalibus Pop. Rom.*

mum itaque Victoris locum sic accipiemus, ut
 ille dicat, a Tripolitanis oblatum fuisse Severo
 olei vectigal præstandum, quia ipsius benefi-
 cio jam securi a gentibus barbaris agros cole-
 bant, cum antea continuis incursionibus in-
 festabantur, atque ideo cum reliquis Africæ
 Populis non poterant vectigalia præstare, (nam
 eo casu non exacta fuisse vectigalia ac tributa
 a subjectis gentibus, ex l. 2. *C. ut nemini li-
 ceat in emptione specier: se excusare* l. 10. col-
 ligi potest, ubi Thraciæ tributa ideo non in-
 ferri memorantur) jam vero remotis barba-
 ris, offerebant oleum & frumentum, Seve-
 rus vero civibus suis gratiam faciens, hoc il-
 lis remissit, sed posterii Imperatores hanc il-
 lis a Severo gratiam factam dissimulantes,
 (nam male Gothofred. apud Victorem pro
dissimulatio reponit *distimulatio*) eos æquali
 cum reliquis Africis onere premebant, & in
 canonem frumentarium Tripolitanorum præ-
 bitiones referebant, quas ideo *adventitias* di-
 cit Victor, quia non erant comprehensæ in
 canone a Severo confecto, sed postea insertæ a
 sequentibus Imperatoribus, donec Constanti-
 nus tandem gratiam, illis a Severo factam, con-
 firmavit. Hoc ita constituto, clara est & ma-
 nifesta

nifesta Spartiani sententia, & cum Victore conveniens. Severum Tripolitanos a barbarorum incursionibus securos reddidisse, ac pacem diuturnam illis præstitisse, ac simul oleum, quod cives Tripolitani Imperatori gratuitum offerabant, non accepisse, sed donasse, & agros fecundos illis immunes, & sine ullo vectigali frumenti reliquisse, atque ita donasse videri. Atque hæc est nostra de obscuro illo loco sententia, quam tamen eruditorum censuræ lubentes submittimus.

Inter Provincias quæ Romano Imperio oleum præbebant, præcipua erat etiam Lacedæmoniorum terra, quippe feracissima olearum, teste *Plin. lib. 17. c. 18. hinc Sidon. Apoll. carm. 5.* ubi referens, quid quæque provincia Romæ tribueret, dicit

Exponit Lacedæmon olivum.

Collectum hoc oleum, ut de frumento supra diximus, inserviebat distributioni publicæ: antiquis vero reipublicæ temporibus, Populo non dividebatur, ad luxum enim & voluptatem magis, quam ad sustinendam vitam necessariam, a priscis Romanis censebatur, nec nisi semel & extra ordinem id plebi datum legimus, a Scipione Africano, qui cum Ædilitatem curulem

48 *De Vectigalibus Pop. Rom.*

curulem auspicaretur, congeum olei in vicos singulos dedit, teste *Liv. lib. 25. c. 2.* ad cuius imitationem, postea idem in gratiam plebis fecit Agrippa sub Augusto, ut narrat. *Dio lib. 49.* Sub Imperatoribus vero olei divisio magis frequentata fuit, accrescente voluptatis & luxus studio: ac primo quidem ad gymnasium Senatui & Equiti illud præbuit Nero *Sueton. Ner. c. 13. Tacit. 14. ann. 47.* Deinde vero a Severo ordinarie populo dari cepit. *Spart. c. 23.* quod ab Elagabalo imminutum restituit Alexander Severus. *Lampr. Alex. Sev. 22.* Oleum, quod Severus Populo dederat, quodque Elagabalus imminuerat, turpissimis hominibus præfecturam annonæ tribuendo, integrum restituit. Qui etiam ultra illud, quod populo dividebat, in usum balnearum publicarum, oleum suppeditavit. *Lamp. c. 24.* Addidit & oleum luminibus thermarum, quum antea, non ante auroram, paterent, & ante solis occasum clauderentur. Hæc olei distributio, ad Præfectum annonæ pertinebat, ut ex loco Lampridii mox citato, & Symmach. 10. ep. 48. patet, & id docet inscriptio *l. unic. C. Theod. de Mens. Olear.* Præfectus vero per ministros suos oleum Populo admetiebatur

batur *capulis*, quæ vasa ansata erant, quibus olei mensura fiebat: inde hi dicebantur *Capnatores*, quorum schola, in descriptione Urbis Romæ in regione tertia, collocatur. Portio, quam quisque ex plebe accipiebat, vocabatur *Mensa Olearia*, leg. unic. Cod. Theod. de mens. olear. ut ex illa lege docet Jacob. Gothofr. Cum vero a Victore in descriptione Urbis memorentur LXXIV. mille mensæ olearia, dubitatur, num eæ de iis mensis, in quibus expositum erat venale oleum, an vero de his portionibus olei, quod dividebatur, sint accipiendæ; quod nondum mihi constare ingenuè fateor, cum utrinque difficultates plurimæ, quæ certum aliquid statuere prohibent, oriantur. videatur Jacob. Gothofr. d. l. Non sola autem plebs & milites oleum ab Imperatoribus accipiebant, sed & officialibus & ministris Domus Augustæ depromebatur, qui inter eas species, quas in salarium ferebant, etiam oleum accipiebant: sic inter alia, quæ Valerianus Probo dat, etiam olei per biduum sextarium unum recenset, Vopisc. Prob. c. 4. & ita passim in lectione historiarum Augustarum observare licet.

Superest ut pauca de vectigali & exactione

D

vini

50. *De Vectigalibus Pop. Rom.*

vini, quod etiam in canone frumentario continebatur, subjiciamus. Hoc maxime dabant beatæ illæ Italiæ provinciæ, Campania & Tuscia, in quibus generosissima vina ubertim proveniebant, *Sidon. Apoll. d.l.*

Desert Campanus Facchum

De Tuscia & Campania *Symm. l. 9. ep. 125.* agens de vini exactione. *Exstat verus professio Campanie consularis, exstant acta apud Herculæ confecta rectorem, quibus docetur exactio promissa reliquorum.* Africa, ut omnia fere, quæ ad vitæ commoda & voluptates requiruntur, benigne ferebat, etiam vinum præbebat (unde *susceptorum vini per provinciam Africam* mentio fit in *l. ult. §. 20. ff. de muner. & honor.*) &, quæ hodie adhuc præstantissimum profert vinum, Pannonia olim Romanis subministrabat. *Claudian. de Laud. Stilic. 2. v. 204.*

*Restituit terras, & opacum vitibus Istrum
Conferit, & Patrium vectigal solvere gaudet.*
Ex insulis etiam Cycladibus, & reliquis vitiferis regionibus, vinum exigebatur. *Columel. præfat. lib. 1. de re rust. Vindemias condimus ex insulis Cycladibus, ac regionibus Baticis Gallicisque.* Non licebat vero omnibus gentibus

tibus & populis, Romano imperio subjectis;
vitis agros conferere; vetitum nempe id e-
rat lege Domitiani, quam refert Sueton. c. 7.
Domitianus ad summam ubertatem vini, fru-
menti vero inopiam, existimans nimio vinea-
rum studio negligi arva, edixit, ne quis in I-
talia novellaret, utque in provinciis vineta suc-
ciderentur, relicta, ubi plurimum, dimidia
parte. Hinc ex laudes & adulationes, qui-
bus Domitiano blanditur Statius. Silv. 4. 2.
v. 36.

— sic vitifero sub palmitē nados
Umbravit colles, & sobria rura Lyæo.
& 4. 3. v. 11.

Qui castæ Cereræ diu negata
Reddit jugera sobriasque terras.
Et deinde, si qua provincia, aut populus ite-
rum vites conferere vellet, prius hoc ab Im-
peratoribus debebat impetrari, qui illud vel
abnuébant, vel si permitterent, vectigal ex
vino exigebant: sic Probus Imperator Gallis,
Hispanis & Pannoniis vites habere permisit,
testibus *Vopisco c. 18. & utroque Victore.*

Collectum vinum ex provinciis & subjectis
populis condebatur in cellis, quas Imperato-
res habebant, unde, in usum domus Impe-
ratoris,

52 *De Vectigalibus Pop. Rom.*

ratoriæ, depromebatur; Officialibus etiam & ministris, in partem salarii, ut cæteræ species, dabatur, ut ex infinitis Historiæ Augustæ locis patet v. *Vopisc. Prob. c. 4.* & passim. Distributio fiebat per *Cellarios*, qui curam cellarum gerebant *Lamp. Elagab. c. 26.* Mutebat *Parasitis* per *cellarios* *salaria annua, vasa cum ranis, & scorpiis & cum serpentibus & hujusmodi monstris.* Hi etiam appellantur *Cellarienses* in *l. 32. C. Theod. de Erogat. milit. ann.* Ipsa autem portio, quam quisque accipiebat, dicebantur *Cellaria*, de quibus latius vide *Jac. Gothofr. ad l. ult. C. Theod. de offic. judic. omn.* Plebi vero vel militibus, neque reipublicæ temporibus, neque sub Imperatoribus, facile vinum dividebatur: insignis est Augusti severitas, quam refert *Sueton. c. 42.* Sed ut salutarem magis, quam ambitiosum principem scires, querentem de inopia, & caritate vini populum, severissima coercuit voce, satis provisum a genero suo *Agrippa*, perductis pluribus aquis, ne homines sitirent. Cui similis est objurgatio illa *Pescennii Nigri*, qui milites limitaneos, in *Ægypto* tumultuantes, & vinum petentes, hoc responso inhibuit, *Nillum habetis, & vinum quaritis. Spart. Pesc.*

c. 7: Deinde autem Imperator Aurelianus, referente Vopisco in eius vita c. 47. Statuerat vinum gratuitum dare Populo Romano, ut quemadmodum oleum & panis, & porcina gratuita praeberetur, sic etiam vinum daretur, sed prohibitus est a Praefecto Praetorii sui, qui dicebat, si & vinum Populo damus, superest, ut & pullos & anseres demus. Qui tamen non omnino ab hoc beneficio abstinuit, sed in porticibus templi Solis fiscalia vina, ex cella sua deprompta, venalia proposuit, unde Populus modico, & ab Imperatore definito pretio, ea comparare posset. Primus deinde & solus, & fortasse semel tantum, gratuitum Populo dedit Constantinus Magnus, cum consulatum gereret. Testis locuples in hanc rem est Suidas in voce παλατινοί. Παλατινοί εἰδὲ αὐτῶν, ὅς ἐφιλοτιμήσατο τῷ δήμῳ κωνσταντῖνῳ ὁ μέγας καθ' ὃν ὑπάρτετε χρόνον, ἄρως ὀνομάσας αὐτῶν, ὅτι ἐκ τοῦ παλλατίου χορηγούμενης. προσέθηκε δὲ ἰστροῖς καὶ κρέα καὶ οἶνον καὶ ἐλαιον. Palatini; species panyum, quos Constantinus Magnus, cum Consul esset, Populo gratuitos dabat, ita eos appellans, quod ex Palatio dividerentur. Addit vero vis & carnem & vinum & oleum:

D 3

quod

quod tamen exemplum reliqui eum secuti Imperatores imitati non sunt, sed, probato facto Aureliani, vina ex cella sua, quæ vocabatur *Arca vinaria*, deprompta, venalia publice populo proposuere. Hujus arcæ cura spectabat ad Præfectum Urbi, *Symmach. l. 7. ep. 25. & 10. ep. 42.* qui pretia vini vel intendebat vel moderabatur, prout ipsi visum erat, vel ab Imperatore, cujus vicem gerebat, præscribebantur: hinc, pro Imperatorum vel etiam Præfectorum Urbi ingenio, liberalitate vel avaritia, diversum subinde pretium definiebatur. Sic legimus Valentinianum & Valentem, quartam partem pretii, quo tunc vendebatur vinum, in gratiam plebis detraxisse, *l. 2. C. Theod. tribut. in ips. specieb. inferr.* & graves sæpe tumultus & motus oriebantur, si Præfectus Urbi vinum magno pretio venale haberet: hinc illæ iræ plebis, vini avidissimæ, in Symmachum Præfectum Urbi, cujus ædes a plebe accensas, ea re percitâ (refert *Ammian. Marcell. 27. c. 3.*) quod vilis quidam plebejus, sine indice ullo vel teste, insinxerat Symmachum dixisse, libenter se vino proprio calcarias exstincturum, quam id venditurum pretiis, quibus spectabatur. Sub Præfecti Urbis dispositione erat

E C

Ra-

Rationalis Vinorum dictus, cujus mentio fit in *Notitia dignitatum Imperii*: hic inventum a negotiatoribus vinariis (quos instituit Alexander Severus *Lampr. c. 33.*) vinum annotabat, & venditionis rationes tractabat. A *Symmacho lib. 10. ep. 35.* memorantur *Tribuni fori vinarii*, quos eosdem cum Rationalibus fuisse putat *Panciroli. in. comm. ad Notit. dign. Imp. occid. c. 11.* & eos curasse, ut justo pretio, & sine fraude, Populo venderentur vina.

Ut autem ex arca vinaria Populus & milites nihil, nisi dato pretio, consequerentur, sic officiales & ministri, eodem modo, ut frumentum & oleum, etiam vini aliquam quantitatem, salarii nomine, accipiebant, quod cum cuique, historias Imperatorum percurrenti, notissimum esse debeat, hic non adstruemus. Ultra hos, etiam quibusdam collegiis & corporibus, quæ negotiationibus vel opera publica curando, imperio proderant, & quorum ministerio tantæ Urbis onera sustinebantur. *Symmach. 10. ep. 27.* dabatur. Sic Suarii, qui pecus & carnes Romam advehebant, certa quantitas vini concessa est *l. 4. Cod. Theod. de Suar.* quod & Edictum Aproniani V.C. Præfecti Urbi, quod exstat apud *Gruter. p. 547.*

56 *De Vectigalibus Pop. Rom.*

n. 7. probat. Sic & calcis coctoribus l. i c. Theod. de calcis coctor. & reliquis, quos enumerare longum esset. Quibusdam etiam ex Arca vinaria, non ipsum vinum, sed pecunia, quæ ex venditione vini redacta erat, dabatur. Sic Symmach. lib. 10. ep. 42. scribit *Collectarium corpori arcam vinariam statutum precium sumministrare.*

Atque hæc de primo & pinguissimo vectigali, quod ex agrorum fructibus exigebatur, dicta sufficiant: subjiciendum esset, ut absolveretur plena hujus rei tractatio, ad quos Magistratus, hujus vectigalis constituendi, exigendi & locandi cura pertinuerit, & quid sub republica vel sub Imperatoribus, in jure vectigalis exercendi mutatum sit: tum de publicanis annectenda foret disputatio; sed cum idem fere in reliquis, quæ explicanda nobis summus, vectigalibus, Scriptura, Portorio, & Metallis obtinuerit, melius visum fuit, hujus rei tractationem post illa rejicere, ne bis idem inculcare cogamur, annotaturi etiam, si qua in illis diversa ratio fuerit.

CAP. IV.

De Scriptura & Vectigali Pecorum.

Alterum veteris reipublicæ vectigal illud erat, quod ex pascuis & saltibus, quorum proprietas ad rempublicam pertinebat, colligebatur: quosdam enim agros, culturæ inhabiles, silvis & salictis impeditos, pascendis gregibus, qui vectigal publico pro pastione solverent, destinabant. Hos saltus, silvas & calles dicebant; vulgarter vero pascua publica ab auctoribus appellantur. Varr. de ling. lat. lib. 4. Quos agros non colebant, propter silvas & id genus, ubi pecus posset pasci, ab usu suo saltus nominaverunt. Fest: in voce saltum. Saltus est ubi silvæ & pastiones sunt. Virgil. 4. Georg. v. 324.

In saltus utrumque gregem, atque in pascua mittes,

Sic sæpe in jure nostro, saltuum & pastorum, qui inde saltuarii dicuntur, mentio fit l. S. §. l. ff. de instr. & instr. leg. Hi etiam calles appellantur, quia callo pecudum perduratum est iter, ut dicit Isidor. lib. 15. c. ult. Vid. Turneb. 3. advers. 22. vulgo vero & communiter pascua

58 *De Vectigalibus Pop. Rom.*

dicuntur *Plin. lib. 18. c. 3.* Etiam nunc in tabulis Censoriis Pascua dicuntur omnia, ex quibus populus reditus habet. Plurima autem possidebant Romani per totam Italiam & provincias pascua, præcipua autem erant in Apulia & illa Italiæ parte. Sic *Varr. de rer. rust. 2. c. 1.* dicit. greges ovium longe abigi ex Apulia in Samnium æstivatum, & ad publicanum profiteri: sic conjurationem & tumultum pastorum in Apulia memorat *Liv. lib. 39. c. 29.* in provinciis etiam saltus & pascua fuisse, indicant Ciceronis loca, quibus meminit Magistrorum scriptura in Asia & Sicilia, de quibus postea agemus. Ut vero inter agros publicos, maximum vectigalis fundamentum & caput fuisse diximus *Agrum Campanum*, sic inter pascua publica maxime celebratur *Silva Scantia*, de qua multis agit Cicero in orat. agr. contra Rullum, qui eam cum reliquis vectigalibus agris vendere volebat: erant etiam, quorum ibidem meminit Cic. *Salicta ad Minurnas*. Denique sub Pascuis publicis etiam montes comprehendi puto, qui maxime ad pascendos greges ovium apti erant, sic Cic. 2. orat. agrar. contra Rull. recenset inter patrimonia populi Rom. *Montem Gaurum*, & Si-

Sicul. Flaccus Montium Romanorum, inter agros vectigales, meminisse, loco supra a nobis adducto.

Ex his igitur pascuis, saltibus & silvis publicis magnum ærario Romano vectigal obveniebat, quod a pastoribus pro gregum pascione solvebatur: & antiquissimum hoc vectigal fuit, & diu solum & unicum Reipublicæ emolumentum, ut prodit *Plin. l. 18. c. 3.* antiqui tamen temporibus, non videntur pascua publica tam stricte privatis clausa & depasci vetita fuisse, vel saltem licentiâ vulgi invaluerat, ut quisque suas pecudes in pascua publica immitteret, donec ab Ædilibus plebis Publiciis, publicis redivisibus consultum est, lege lata, & multa imposita iis, quorum pecudes agrum publicum depascerent. Eleganter hoc describit *Ovid. 5. fast. v. 283.*

Venerat in morem, populi depascere saltus,

Idque diu licuit, pœnaque nulla fuit.

Vindice servabant nullo sua pabula vulgus,

Famque in privato pascere inertis erat.

Plebis ad Ædiles delata licentia talis

Publicios, animus defuit ante viris.

Rem populus recipit, multam subiere nocentes

Vindicibus laudi publica cura fuit.

.....

Ab

60 *De Vectigalibus Pop. Rom.*

Ab eo tempore magna cura publicorum pascuorum habita fuit, & multa, qua pecuarios Ædiles afficiebant, frequens mentio apud *Liv. 10. c. ult. 33. c. 42. & 35. c. 10.* quæ ad ludos Florales plerumque adhibebatur; ut docet *Ovid. d. 1.* deinde publice etiam abhinc pascua locata fuere publicanis; qui a pascere volentibus certum æs accipiebant, vectigalis nomine; quod dicebatur *Scriptura*; ita appellata; quia pastores debebant apud Publicanum numerum pecudum; quas in pascua publica immittere vellent, profiteri; quem publicanus in tabulis suis annotabat & scribebat; ex qua scriptura postea ratio inter pastorem & publicanum conficiebatur; inde etiam ager sive pascuum ipsum; dicitur *ager scripturarius. Festus. Scripturarius ager publicus appellatur in quo; ut pecora pascantur, certum æs est; quia publicanus scribendo conficit rationem cum pastore.* Quicumque vero pecudes; quas non erat professus; vel etiam plures; quam publicano annotandas dederat, pavisset; in legem Censoriam incidebat: *Varr. lib. 2. de re rust. c. 1. Ad Publicanum profertur; ne si inscriptum pecus paverint, lege Censoria committant. Hæ pecudes; profiteri*
omissæ,

omissæ, *inscriptæ* a Varrone dicuntur, quod ideo notari debet; quia video multos viros doctos *inscriptas* pecudes interpretari, eas, quæ in tabulas publicanorum relatæ & annotatæ sunt, cum contrarium hic Varronis locus evincit, & exemplo *inscriptarum mercium*, id est, quas in portu mercator non professus est, probat *Turneb.* 10. *adv. c.* 6. Omissæ vero professionis pœna videtur fuisse, ut *inscriptæ* pecudes caderent in commissum, & Publicanus eas sibi pro fraudato vectigali vindicaret. Nam errare puto *Bulenger. de Vect. Pop. R. c.* 10. qui censet, non licuisse publicano pecudem, ob omissam professionem & non solutam scripturam, retinere: neque enim locus Plauti, quo in hanc sententiam adductus est, illud innuit, imo vero, si modo totum & integrum illum apposuisset, plane contrarium ex eo doctus fuisset: nam non ideo contra legem ibi commiserat publicanus, quod pecudem pro commissio caperet, sed quod & pecus retineret, & simul æs sive pecuniam pro scriptura debitam, exigeret: accipiendo enim pecuniam, poterat videri, de pœna transgressisse & eam remisisse. verba *Plauti* sunt *Trucul.* 1. 2. 42.

Nam

62 *De Vectigalibus Pop. Rom.*

Nam adversum legem a me, ob meam scripturam pecudem accepit,

Araque

Professi ergo pecudes soluto vectigali, tuto pascebant suos greges pastores, quibus frequentes tamen cum publicanis & cotidiana rixæ fuerunt, unde toties pecuariorum ad iudicium adductorum & condemnatorum meminit Livius in locis, quos superius adduximus: erant enim Pastores silvestre genus hominum, & ab humanitate alienum, unde & vias publicas latrociniis eos infestasse narrat *Liv. lib. 39. c. 29.* Nec etiam continua illis erat cum aratoribus, qui agros publicos conduxerant, concordia, ut ex monumento antiquo, quod exhibet *Gruter. p. 150. n. 6. & 7.* patet, ubi quidam Magistratus de se gloriatur. *Idemque feci, ut ex agro publico aratoribus cederent pastores.*

Usus autem horum pascuorum valde Italiae gentibus erat necessarius, quia in ea regione, neque eadem loca, æstiva & hiberna, idonea erant omnibus ad pascendum, ut Varro docet, sed aliis pascuis æstate, aliis hyeme indigebant, cumque privati & mediocres pastores non utriusque generis pascua possiderent,

rent, quod ipsis deficiebat, publica pascua præstabant, sic *Varro, loc. citato*. Itaque greges ovium longe abiguntur ex *Apulia in Samnium æstivatum*, atque ad publicanum proficuntur & ita in l. 12. §. 8. ff. de instr. & instr. leg. dicuntur aliquâ parte anni pecora in fundo, nimirum proprio pastoris, pasci, aliâ parte pabula, publica, conducî.

Hæc erat, stante & libera republica, hujus vectigalis ratio, quæ tota sub Imperatoribus subversa & immutata fuit, & eandem cum agris publicis sortem habuere pascua publica: omnia enim a seditiosis & populari studio devotis civibus, a publico patrimonio decerpta fuere. Lege *Thoria*, qua omnes agri vectigales immunes facti sunt, cautum etiam erat: *Neive Populo neive Publicano pecuniam, scripturam, vectigalve det, dareve debeat*. Deinde omnia, cum reliquis Italiæ agris, aut vendita, (quod tentabat *Rullus*) aut divisa sunt, & ita vectigal scripturæ exolevit: nam nulla, quod equidem sciam, apud auctores, qui res Imperatorum literis mandarunt, scripturæ mentio vel memoria occurrit. Pascua vero, quæ in provinciis & subjectis regionibus quondam publica censebantur, videntur ab

64 *De Vectigalibus Pop. Rom.*

ab Imperatoribus fuisse occupata, & eorum reditus in fiscum redacti. Sane in Utroque Codice mentio & titulus specialis est de *pascuis publicis & privatis*: est & alter de *fundis & saltibus rei Dominice*, ex quibus constat, Imperatores possedisse jure Dominico multa pascua & saltus; tales erant etiam prædia Tamiaca, ex quorum fructibus annuis vectigal præstabatur, quo alimenta domui Imperatoriæ suppeterent; ut docet *Alciat. ad tit. C. de præd. Tamiac. lib. 11. tit. 68.* pascua hæc Imperatorum, a gregibus propriis plerunque depascebantur, qui *greges dominici* appellantur. *l. unic C. Theod. de Grege. Dominic.* Hi greges, ut plurimum, Equorum erant, quos Imperatores, ad usus bellicos, plurimos in provinciis coëmebant, & in sua pascua immittebant, ex quibus, si quis eos furto abigeret, nec redderet sponte, multa libræ auri pro singulis equis puniebatur. *d. l. unic.* si vero, vel non magna satis copia equorum, vel amplior pascuorum modus esset, quam ut decerpi a Dominico grege posset, locabatur ea pascuorum pars, quæ supererat, pastoribus, qui proprios greges cum dominicis miscebant, & fixa & annua pensione jus pascen-

pascendi redimebant, quam augeri Julianus, & deinde Valentinianus & Valens prohibere; ne prætextu, quod majorem, quam antiquis temporibus solebant, pensionem solverent, sibi tota pascua vindicarent depascenda, & greges dominicos ab illis excluderent. *l. 1. & 2. C. Theod. de Pascuis.* Plurima vero per omnes provincias prata & pascua possidebant Imperatores; præcipue autem in Syria latissima *ac amœna* prata fuerunt, ut ex *l. 5. C. Th. de pasc.* docetur, ubi inconstans MSS. lectio varie doctos Viros exercet: *Cujac. ad l. 2. C. Justin. eod.* legit *Apamenis pascuis*, quæ in Syria plurima, & pascendis equis & bobus amplissima fuisse ex Strabone docet. *fac. Goth. ad l. 3.* postquam diu fluctuasset, quamnam eligeret lectionem, præfert tandem vulgata, *ac amœna*, quam locutionem, & aptum pratis epitheton, multis locis autorum adductis defendit, quibus addi potest insignis, & qui huc unice facit, *Taciti* locus 3: *ann. c. 7.* ubi querelæ de Pisone, protrahente reditum Romam, ut probationes cædis Germanici enervaret, referuntur, quod *vagus interim, per AMOENA Asia atque Achaie adroganti & subdola mora scelerum probationes subverteret.*

66 *De Vectigalibus Pop. Rom.*

Hi erant reditus ex pascuis, quæ patrimonii Principum censebantur; ex privatorum etiam pascuis commodum obvenisse fisco puto, quod consistebat in subministrando fœno stabulis Imperatoriis, unde equitibus & eorum Ducibus depromebatur. Hinc in *l. 9. C. Just. & l. ult. C. Theod. de jure fisc.* mentio fit *susceptorum*, quos vectigalium & tributorum exactores fuisse, postea amplius docebimus, *qui familie pabula & sumtus ministrant.* Extraordinarii vero & summi honoris documentum erat, si Imperator alicui in Urbe Roma *Pabula & sumptus* decerneret; pabula dabantur, ut jumenta, quæ quis secum adduxerat, inde publicis impensis alerentur sumptus in hominum alimentum Imperatores largiebantur, unde hæc duo plurimum conjunctim data legimus. Sic *Valerianus Aureliano*, quamdiu Roma fuit, pabula extra ordinem decrevit, & ad sumptus, aureos Antoninianos diurnos duos, tradente *Vopisc. Aurel. c. 9.* Ultra scæni præstationem, ad quam prata obligata erant, tenebantur etiam Provinciæ, in quibus commoda pabula erant, militibus hybernantibus ea dare, hoc colligo ex *Trebel. Pol. trig. tyr. Balist.* Ubi *Valerianus Ragonio Claro Præfecto*
Illyrici

Illyrici & Galliarum scribit, *ut dispositionem Balistæ prosequeretur, ne provinciales graver, sed illic equos contineat, ubi sunt pabula.* Et postea. *Thraciam, in cujus campis multum fœni colligitur, idoneam ad hyemandum militibus asserit.* Hoc vectigal a viris doctis capitum sive capita appellatur, quia in numerum capitum equorum definiebatur. Vide *Cujac. ad d. l. 9. C. de jur. fisc. Salmas. ad Vopis. Aurel. c. 7. & imprimis Jacob. Gœthofr. ad l. 7. 8. & 9. C. Theod. de erog. milit. annon.* qui, ut ubique, doctissime & eleganter ibi argumentum hoc exequitur.

Hoc vectigal & onus impositum subjectis gentibus, veteris aliquantum scripturæ species & imago erat; accessit vero novum sub Imperatoribus vectigal, quod non ex pascuis & fœno, sed ex ipsis gregibus pecorum deducebatur. Scilicet frumentum, vinum, oleum jam abunde suppeditabant provinciæ, deerat caro, quam provinciis domui Augustæ tribuere postea imperatum est. Certus enim numerus Italiæ & reliquis, Imperio Romano parentibus, regionibus, pecudum, tam suum, quam boum & ovium impositus est, quem quotannis tribuerent; sic Lucani & Brut-

tii, quorum regio pecore erat fœcundissima; sues & alias pecudes repræsentabant. *Cassiod. ii. var. 39. Montuosa Lucania sues pendat, Bruttii bonum pecus indigena ubertate præstent.* Samnium & Campania etiam hoc vectigali atterebantur. *l. 3. Cod Theod. de suar. pecuar. & nov. 15. Valentinian.* Imo nec remotæ provinciæ immunes habebantur, sic Armenia carnem sive pecudes tribuebat. Ultra pecudes, quæ alendo Populo inserviebant, etiam quædam provinciæ equis præstandis erant obnoxia. Clare id probat dictum Probi apud *Vopisc. c. 15. Pascuntur ad nostram alimoniam gentium pecora diversarum, equinum pecus nostro jam fœcundatur equitatui. Pancirol. var. lect. 13. c. 31.* putat, decimas ex gregibus exactas fuisse, quia in *d. novell. Valent.* mentio aliquarum decimarum injicitur: quod tamen inde colligi non posse arbitramur, cum decimæ ibi non vectigal ipsum pecudum, quod secundum canonem Imperatori solvebatur, significet, sed illam vectigalis accessionem, quam, pro epimetro & interpretio, de quibus postea agendi locus erit, susceptores accipiebant. Verosimilius est unicuique provinciæ, prout abundaret, vel minorem copiam pe-

pecudum proferret, imperatam fuisse certam quantitatem, quemadmodum supra, in canone frumentario, annonæ modum singulis provinciis descriptum fuisse demonstravimus.

Harum pecudum carne, undique ex provinciis exacta, Roma & domus Augusta alebatur, ministri & officiales partem inde pro salario capiebant, militibus & populo sæpe gratuito distributebatur, quæ omnia cum eodem modo se habuerint, ut de frumento, oleo & vino supra annotavimus, hic repetere non lubet, & ex tralatitia tantum Historiarum Augustarum lectione unicuique manifesta esse possunt. Vide *Vopisc. Aurel. c. 47. Victor. Epit. in Aurel. & passim.*

C A P. V.

De Portoriis.

Scripturam excipit tertium vectigal, quod, Sex portibus Italiæ & provinciarum, pro invehendis & evehendis mercibus exactum, *Portorium* ab auctoribus appellatur: huic vero proprie Vectigalis denominatio convenit, quippe pro vehendis mercibus, (unde *Vecti-*
E 3 *gal*

70 *De Vectigalibus Pop. Rom.*

gal) soluto, quod examinabimus hoc capite, eo nobis proposito ordine, ut, quando Portoria instituta, abolita & rursus restituta sint, prius inquiramus, deinde ubi, & quibus pro mercibus solvebantur, tertio merces & personas a portoriis immunes, deinde ejus vectigalis quantitatem indagaturi; ultimo vero quædam de vectigali, huic affini, & sæpe cum portorio confundi solito, adjiciamus.

Tempus, quo Portoria primum exerceri cæperunt, certum definiri non potest, cum illud non accurate ab auctoribus notatum inveni; & certe primis Urbis Romæ temporibus, quibus nulla vel rara cum externis gentibus, Romanis intercedebant commercia, incognita fuere; nullos etiam cum portus haberet Respublica, qui mercibus recipiendis paterent, illa exigi non poterant, & an Ancus Marcius, qui primum Romanis Portum patefecit Ostiæ, simul vectigal mercibus imposuerit, dubium est. Sub Regibus tamen Portoria jam invaluisse, colligi potest ex *Plutarch. in vita Poplicolæ*, qui inter commoda, quæ Valerius exactis regibus populo reddidit, etiam narrat sublata ab eo vectigalia, quod idem quoque *Dionis. Halicarn.* asserit, & apertius

pertius *Livius lib. 2. cap. 9.* dicens, *Portoriis quoque & tributo plebem liberatam.* Deinde crescentibus Imperii Romani limitibus, cum opus esset majori pecunia ad bella gerenda, rursus restituta fuerunt portoria. Sic *Livius lib. 40. c. 51.* prodit, *M. Æmiliū Lepidum & M. Fulvium Nobiliorem, portoria & multa vectigalia instituisse,* quibus postea nova portoria addidit Gracchus, auctore *Vellei. lib. 2. c. 6.* & subinde, redactis multis populis in ditionem, portoria, quę apud illas gentes exigi jam solebant, vel nova etiam Romani exercuerunt. Sic narrat *Liv. lib. 32. c. 7.* *Censores P. Cornelium Scipionem Africanum & P. Ælium Pætum portoria venalium Capuę Puteolisque, itemque Castrorum portorium, quo in loco nunc oppidum est, fruendum locasse.* Unde imperite *Buleng. c. 5.* *Castrorum* ali-quod portorium peculiare interpretatur, cum sit idem, ac ubique solvebatur, portorium in castris illis, quę postea in urbem mutata sunt, ut sæpe accidit: nam alias, res, quę exercitui paratę erant, immunes erant *l. 9. §. 7. ff. de public.* Sicilia etiam, in Provinciam redacta, portoria Romanis luculenta dedit, unde *Cicer. in Verr. dicit socios ex Verris exportatione, per-*
didisse

72 *De Vectigalibus Pop. Rom.*

didisse sexaginta HS, idque ex vigesima portus tantum Syracusani & in l. 203. ff. de V.S. refertur lex Censoria Portus Sicilie. Asia etiam devicta ex plurimis portubus vectigal Romanis pendebat. Cic. 2. agrar. contr. Rull. *Quid nos Asiae portus, quid Syriae rura, quid transmarina vectigalia juvabunt?* In remota etiam Britannia Portoriis victas gentes vexavisse Romanos, ex oratione Galgaci apud Tacit. in vit. Agric. c. 31. colligi potest. Ubi Caledonios contra Romanos incitans Galgacus, illis triste servitium, si victi fuerint, ominatur, & majorem ipsis quam Britannis calamitatem instare, quia hi vectigalibus & redditibus terræ suæ, corporum servitutum redimebant: Caledonios autem futuros ludibrio & vilissimos. *Neque enim, inquit, arva nobis, aut metalla, aut portus sunt, quibus exercendis reservemur.* Omnia deinde Italiæ portoria lege perniciosissima sustulit Cæcilius Metellus Prætor: de qua lege Dion. lib. 37. καὶ ἐπέδαν τὰ τέλη δεινῶς τὴν τε πόλιν, καὶ ἄλλην Ἰταλίαν ἐλύπει, ὁ μὲν νόμος ὁ καταλύσας πᾶσιν ἄρεσος ἐγένετο, quia vectigalia urbem & reliquam Italiam vehementer affligebant, lex, qua ea tollebat, omnibus gratissima erat: non

non vero accepta erat Patribus & Optimatibus, qui, teste ibidem *Dione*, infesti Metello, ejus nomen legi detrahare volebant, & aliud adscribere, quod quidem effectum non esse scribit, sed eo solum apparuisse, Patres ne beneficia quidem grata habere, quæ a malis & seditiosis civibus dantur; graviter id etiam indignatur *Cicero. ad Att. 2. ep. 15. Agro Campano diviso, Portoriis sublatis, quod vectigal superest domesticum, præter vicesimam:* & ad *Q. Fratr. lib. 1. ep. 1.* causam tollendi porteriorum, quam innuit *Dion*, scribit fuisse, non ipsius portorii onus, sed portitorum injurias, de quibus cives querebantur. Ita jam omnibus suis subsidiis respublica Romana nudata, agris divisis, scriptura abolita, portoriis sublatis, solis provinciarum vectigalibus sustentabatur, donec in manus Cæsaris & Imperatorum subsequantium venerit, qui, ut de prioribus supra ostendimus, paulatim ea vectigalia reduxerunt, vel nova iis substituerunt. *Portoria rerum peregrinarum restituit Caesar. teste Sueton. c. 43.* Nec Augustus illud compendium neglexisse credi potest, cum ille, ut prodit *Dion l. 47. vectigalia partim prius abrogata renovaverit, partim*

74 *De Vectigalibus Pop. Rom.*

nova excogitata instituerit. Deinde de iis omnibus, ut & cæteris vectigalibus, tollendis dubitasse Neronem scribit Tacit. 13. ann. 51. & solis tributis contentum voluisse imperii vires sustinere, sed impetum ejus attinuerunt Senatores, dissolutionem imperii docendo, si fructus, quibus Respublica sustineretur, diminuerentur: quippe sublatis portoriis, tributorum etiam abolitionem exoptulaturam plebem. Et hoc modo servata portoria, ab sequentibus omnibus Imperatoribus magna cum cura exercita fuere, qui ea vel pro liberalitate contraxerunt, vel pro avaritia auxerunt, ut, cum quantitas hujus vectigalis indaganda erit, latius explicabimus.

*Ex ipsa vocis Portorii etymologia, & ex omnibus, quæ huc usque adduximus, auctorum locis, manifestum est, hoc vectigal solutum fuisse in portubus, quos Romani vel in Italia, vel in reliquis Provinciis habebant, ideoque rem claram illustrare super-
vacuum erit. Illud hic subjiciendum est, vectigal illud etiam in pontibus & in itinere fuisse quandoque exactum. Vectigalis in pontibus meminit Senec. de constant. sapient. c. 14. Cogitans, inquit, & in pontibus quibusdam
vecti-*

vectigal pro transitu dari; & expresse hoc portorium vocat *Justus* in *l. 60. §. 8. ff. locat.* ubi dicitur *Redemptor portorium pontis exegisse.* In via & itinere illud præstitum fuisse docet *l. 21. ff. de donat. in. vir. & ux.* ubi quaeritur, an *uxor locupletior censeatur facta esse? si maritus vectigal pro ea, quod in itinere præstari solet, solvisset.* Hoc etiam portorium vocat *Sueton. in Vitell. c. 14. Fæneratorum & stipulatorum publicanorumque, qui unquam se aut Romæ debitum, aut in via portorium flagitassent, vix ulli pepercit.* Hoc vectigal etiam in itinere præstabatur pro cadavere, quod, non nisi permissu maximi Pontificis vel jussu Principis *l. 8. ff. de relig. l. 3. §. 4. ff. de sepulch. viol,* transferri in alium, quam ubi defunctus obierat, vel temporariæ sepulturæ erat commissum, locum, licebat. Hujus vectigalis mentio fit in *l. 37. ff. de relig. & sumt. fun.* Hæc vectigalia, in pontibus & viis exacta, sublata sunt a *Pertinace* ut narrat *Herodian. lib. 2. c. 4. τέλη τε πάντα πρότερον ἐπὶ τῇ τυραννίδος εἰς εὐπορίαν χρημάτων ἐπινοηθέντα ἐπὶ τε ὄχθαις ποταμῶν καὶ λίμναις πύλων, ἐν τε ὁδῶν πορείαις, καταλύσας εἰς τοὺς ἀρχαῖον καὶ ἐλεύθερον ἀφῆκεν.* Vectigalia quoque

76 *De Vectigalibus Pop. Rom.*

que omnia, sub Tyrannide ad contrahendas pecunias excogitata in fluminum ripis, urbium portibus, perque vias & itinera, remisit, & in antiquam libertatem revocavit. Quod tamen an omnino verum sit? dubitari potest, cum leges J. Ctorum, quas citavimus, post Pertinacem adhuc, horum vectigalium mentionem faciant, & Ulpianus qui l. 21. de donat. int. vir. & ux. auctor est, post ea tempora diu vixerit. Nec credibile est Pertinacem ita ærarium labefactasse, ut omnia portoria, etiam quæ in portibus exigebantur, sustulerit: quare eam tantum gratiam a Pertinace populo factam esse putamus, ut hæc vectigalia, quæ superiores tyranni & avari Imperatores maxime auxerant, contraxerit, & ea quantitate, qua olim exigebantur, cogi præceperit. Vectigal autem, pro funere transferendo, sublatum est constitutione, quæ est l. ult. C. de Rel. quam ex græcis Cujac. restituit. l. 11. obs. 21.

Sequuntur examinandæ res & eæ merces, quæ portoria pro earum invectione & evectione debebant. Atque hic ita statuere possumus, omnes eas merces, quæ promercii causa, & ad negotiandum portibus importabantur, fuisse vectigali subjectas. Hinc rerum
vena-

venalium portoria vocantur á Liv. lib. 32. c. 7. & in l. 5. C. de vectigal. res, quæ negotiationis causa portantur, dicuntur: quarum catalogum contexuit § Cuius in lib. 39. ff. de publican. Unde invicem colligitur, omnes alias res, quas quis non negotiandi animo, sed utendi, deferrebat, fuisse immunes. d. l. 5. C. & l. 4. §. 1. ff. de public. Sicque in lege Censoria Sici- liæ portus cautum erat, publicis tabulis, ser- vos, quos quis domo ducet suo usu, pro his por- torum ne dato. Qua lege etiam enumeran- tur servi, qui recte inter usuales haberi pos- sunt, sub quibus Eunuchi non comprehende- bantur, qui magis luxui & molliciei, quam usus domestici gratia comparabantur; hinc & pro Eunuchis portorium solvi debebat, ut recte ex l. 2. C. de Eunuch. colligitur. Extra res usuales, immunes etiam quædam aliæ re- periuntur, quas breviter recensebimus: sic res, quas legati exterarum vel sociarum gentium Româ ad proprias sedes deferrebant. l. 18. C. de vectig. non vero si ex patria sua Romam deportabant. Immunitate etiam gaudebant res exercitui paratæ, l. 9. §. 7. ff. de publi- can. Instrumenta quoque itineris immu- nia fuisse, docet fragmentum legis Censoriæ a-
pud

78 *De Vectigalibus Pop. Rom.*

pud *Quintil. declam.* 359. *Præter instrumenta Itineris, omnes res Quadragesimam publicano debeant.* Cum autem, ut diximus, portorium pro venalibus & promercialibus mercibus exigeretur, illæ etiam immunes debere portus invehì, videri possunt, quæ per Provincias a negotiatoribus vendendi gratia circumvehebantur, sed quæ, cum emptorem invenire non possent, iterum domum reportabantur: dubium autem circa hanc circumvectionem jus apud antiquos fuit, cum utrinque rationes, & pro publicanis, qui portoria flagitabant, & pro negotiatoribus, qui recusabant, allegarentur. Exemplum hujus altercationis est apud *Cic. 2. ad Att. Ep.* 16. ubi Quintus Fratrem Ciceronem consuluerat, num portorium circumvectionis deberetur publicanis, qui illud petebant, obloquentibus negotiatoribus; Ciceronis sententia erat, non deberi, Quintus vero rem ex concilii sententia ad Senatum rejecit, cujus decretum ignoramus.

Præter has quas enumeravimus res, & si quæ forte aliæ fuerunt, omnes vectigal debebant publicanis, qui, ne fraudarentur a callidis negotiatoribus, omnium mercium profectio-

tionem exigebant. Nec tantum res vectigali obnoxias, sed etiam immunes debebant profiteri mercatores. *l. 16. §. 3. ff. de publican.* ubi & usualia mancipia, quæ immunia fuisse demonstravimus, profiteri debere negotiatores dicuntur. Professio mercium a publicanis scribebatur in tabulis, unde & scripturæ nomen in portorii tractatione sæpe occurrit. hinc *Lucil. lib. 27.* inscriptas merces dicit, quas profiteri omiserant, ut supra de inscripto pecore ostendimus. verba ejus sunt

Facit idem quod illi, qui inscriptum e portu Exportant clanculum, ne portorium dent.

Pœna omissæ professionis erat, quod res caderet in commissum *d. l. 16. §. 5.* & in fragmentis legum Cenloriarum apud *Quintil. declam. 341.* Quod quis per Publicanos improfessum transtulerit, commissum sit. Et *declamat. 359.* Quod quis professus non est, perdat. & a commissi pœna nemo nisi minor excusabatur *l. 16. §. 9. ff. de publican.* non vero ignorantia excusabat, sed errore lapsus res non perdebat, sed duplex vectigal præstando eas servabat. *d. l. 16. §. 5. & 10.* Satisfaciebant vero mercatores profitendo, etsi vectigal ipsum non solverent: tunc enim fidem de pretio

80 *De Vectigalibus Pop. Rom.*

pretio censebatur habuisse publicanus *d. l. 16. §. 12.* Et si vero professi quam maxime essent merces suas negotiatores, non licebat eas navi efferri, antequam vectigal portorii solutum esset: hoc ex Plauto *Trinum. 4. 4. 15.* desumitur.

*Jubeto Sangarionem, quæ imperaverim
Curare, ut efferantur, & in ito simul,
Solutum est portitori jam portorium.*

Ita cautum erat publicanis contra machinationes & fraudes negotiatorum, vicissim vero his consulendum erat, ne iniquis & improbis publicanorum exactionibus & injuriis vexarentur: insolens namque hominum genus erant publicanorum ministri & servi, quibus ad colligenda portoria utebantur, hincque portitorum injurias ansam tollendi portoriorum dedisse, testatur *Cic. 1. ad Q. Fratr. 1.* hinc continuæ de exactionibus querelæ apud auctores reperiuntur, & varie coercitam Publicanorum libidinem & avaritiam legimus: sic a Nerone *Tacit. 13. ann. c. 51.* ab Antonino Philosopho *Capitolin. c. 11.* remedia & pœnæ, quibus huic malo obviam itum est, inventæ referuntur; & in pandectis a Jctis luculenter Edictum, quod contra fraudes, & furta

furta publicanorum est propositum, explicatur *lib. 39. tit. 4.*

Portoria solvere, cum rebus & mercibus, non hominibus impositum onus erat, nemo detrectare jure poterat. *l. 6. C. de Vect.* unde nec ipsis militibus immunitas indulgebatur, sola iis commissi poena remittebatur *l. 3. C. eod.* Quibusdam tamen specialiter immunitates ab Imperatoribus datas legimus, quod a bonis & justis Principibus in utilitatem publicam, & ad reddendum bene meritis præmium, frequentabatur, ab avaris autem etiam immunitates solebant vendi, sic de Galba narrat *Sueton. c. 15.* *Nihil non per comites atque libertos pretio addici aut donari gratia passus est, vectigalia, immunitates &c.* de Commodio *Lampr. c. 14.* *Vendidit etiam suppliciorum diversitates & sepulturas & immunitates.* Utilitatis publicæ causa multis personis immunitates a portoriis concessæ fuere, sic militibus immunes res, quas usui suo, non quas vœno exercerent, concessit Nero. *Tacit. 13. ann. 51.* postea ab sequentibus Imperatoribus militibus, & iis, qui in Palatio degunt, immunitas concessa est, ex Valentiniani & Valentis constitutione, quæ est *l. 3. C. Theod. de immun. concess.* Veteranis & eorum filiis idem

F

pri-

82 *De Vectigalibus Pop. Rom.*

privilegium continuatum est a Constantino
l. 2. C. Theod. de vectig. quod postea iidem
 Imperatores confirmaverunt. *l. 9. C. Theod.*
 Quæstores etiam Senatorii portoria non solve-
 bant, pro feris, quas ex remotis regionibus
 Romam ad spectacula deportari curabant.
Grave enim majoribus visum est, ut toleran-
tibus onera Senatorie dignitatis, sumptus im-
modicus adderetur. inquit *Symmach. lib. 5. ep.*
60. & 63. Naviculariis, qui frumentum ex
 Provinciis vectigalibus Romam vehabant, de
 quibus postea amplior agendi locus erit,
 concessum est, ut quasdam merces, quas sibi &
 propriæ utilitatis causa, una cum frumento
 apportabant, immunes inferrent; dummodo
 sub prætextu fiscalium specierum, mer-
 catoribus latebram & fraudandi occasionem
 non præberent. *l. 23. & 24. C. Theod. de Navi-*
cular. plures forte, qui immunitate gauderent,
 adferri possent, ut ipse fiscus *l. 9. §. 8. ff. de*
publican. sed, ne tædio res sit, subsistemus.
 Reliqui, omnis sortis & conditionis, homines
 obligati erant portoriis; nam *Vectigalium non*
parva functio est, quæ debet ab omnibus, qui
negotiationis, seu transferendarum mercium
curam habent, æqua ratione dependi *l. 3. C.*
Theod.

Theod. de immun. A vectigali portorii etiam immunes quasdam Provincias fuisse, vult *Bulenger. de Vect. P. R. c. 5. in fin.* utque id probet, locum *Tacit. de morib. Germ. c. 29.* affert, ubi de Batavis dicit, *eos nec tributis conteri, nec publicanos eos atterere, exemptos oneribus & collationibus*: quem tamen male cepisse videtur, cum inde non recte concludatur, Batavos speciali privilegio gaudere, ut, si merces in portus inferant, qui Romanæ ditionis sunt, immunes habeantur a portoriis, sed eos, qui socii & amici æquo scedere Romanorum erant, a tributis, quæ devictis vel inæquali pacto sociis gentibus imperabantur, non conteri, nec eorum vectigalia a Publicano Romano redimi; dixerat enim paulo ante, *Manner honos & antiqua societatis insigne*: quid mirum ergo, si illis, propriis utentibus legibus, nulla onera imposuerint Romani, & vectigalia in proprios usus exercere permiserint. Cum aliis vero gentibus, quas sibi subiciebant, plerumque severius agebant & illis portoria, quæ prius in proprii ærarii commodum instituerant, adimebant; si vero committer & benigne agere vellent, portoria exercere, & pecuniam inde redactam sibi habere,

84 *De Vectigalibus Pop. Rom.*

bere, gentibus & civitatibus quibusdam permittebant. Sic de Ambracensibus narrat Liv. lib. 38. c. 44. *senatusconsultum esse factum, ut illis omnes res sue redderentur; in libertate essent, ac legibus suis uterentur, portoria, quæ vellent, terra marique caperent, dum eorum immunes Romani ac Socii latini nominis essent: insigne hujus liberalitatis Romanæ monumentum est, quod Gruter. insc. p. 500. & Sigon. de jur. Provinc. lib. 1. c. 10. exhibent; ubi Termensibus Majoribus Pisidis inter reliqua, quæ illis a Populo Romano concessa sunt, de portoriis ita cautum erat. Quam legem Portoriis terrestribus maritumeisque Termenses Majores Pisida capiundis, intra suos fineis dixerint, ea lex iis portoriis capiundis esto, dum nequid portori ab iis capiatur, qui publica Populi Romani vectigalia redempta habebunt, quos per eorum fineis publicani ex eo vectigali transportabunt. Unde luculentius hoc Termensium privilegium, quam Ambracensium fuisse colligitur, cum in horum portubus omnes Romani ac Socii latini nominis immunes erant, in illorum, soli publicani excipiuntur, qui aliquid ex vectigali, quod in vicinis provinciis redemerant, per*

eorum

eorum fines transportarent. His Populis, quibus portoria exercere concedebatur, aliquando iterum ea facultas ademta est, & portoria publicata ærarium Romanum auxerunt: sic a Sulla, qui universas Provincias immanibus tributis exhauriebat, quædam gentes agris & portubus, ex quibus vectigal capiebant, multati sunt. *Appian. de bell. civ. lib. 1. p. 689.*

χώρας τε ἔναι καὶ λιμένων κατὰ συνθήκας σφίσι δεδομένων ἀφηγῶντο. *Quædam gentes, agris & portubus, ex fœdere sibi concessis multatæ.*

Superest, ut, cum amplissimum hoc vectigal fuerit, ejus quantitatem investigemus, ut inde conficere liceat, quantum ærario Romano accesserit. Difficulter vero, quænam antiquis sub republica temporibus, huic vectigali definita sit quantitas, dici potest, cum auctores, qui de portorio loquuntur, quantum ejus nomine exigebatur, reticeant, nec per omnes provincias, & in omnibus portubus, eadem quantitate solutum fuisse, credibile sit, sed vel secundum leges, quas quisque portus habebat, vel secundum legem Censoriam, in locationibus impositam, diverse coactum esse. In Sicilia portu vicesimam exactam fuisse ex *Cic. Verr.* apparet, ubi dicit *socios* (id est Publicanos)

86 *De Vectigalibus Pop. Rom.*

canos) ex *Verris* exportatione sexaginta HS perdidisse, idque ex vigesima portus *Syracusani*. Post *Rempublicam* a *Cæsaribus* oppressam frequentior mentio & clariora indicia, ex quibus, ad quem modum exercebatur hoc vectigal, colligere licet, exstant. Ordinarie enim *Quadragesimam* mercium, quæ importabantur, partem exactam & solutam fuisse legimus. Hujus meminit *Quintil. declam.* 359. ubi legis fragmentum est. *Præter Instrumenta itineris omnes res Quadragesimam publicano debeant.* sic apud *Sueton. Vesp. 1. publicum Quadragesima* appellatur, & frequens postea hujus memoria est, nam & ad *Symmachii* tempora *Quadragesimam* pervenisse ex *lib. 5. epist. 62. & 63.* patet, ubi cum uno loco *Quadragesima*, altero *Quinquagesima* mentio fiat, & agatur de eodem vectigali, utroque loco *Quadragesimam* legerim, quæ usitatior fuit; nec *Quinquagesimam* unquam pro portorio solutam fuisse, sed pro rebus venalibus, postea docebimus. Non tam diu vero *Quadragesimam* durasse ex nobili & ab omnibus vexato *Taciti* loco 13. ann. c. 51. videtur posse colligi. Manet inquit, tamen abolitio *Quadragesima*, *Quinquagesimaque*,

& quæ alia exactionibus illicitis nomina publicani invenerant. varie hunc locum explicant viri docti. *Cujacius 6. obs. 28.* & eum secutus *Panciroli. 3. var. lect. 31.* Tacitum de abolitione Quadragesimæ litium, quam introduxit impurus ille Caligula, *Suet. cap. 40.* locutum fuisse volunt, quorum sententiam omnes postea, eos secuti, Commentatores rejecerunt, ut *Lips. ad d. l. Tacit.* nuperrime vero eam impugnavit vir Amplissimus *Ezechiel Spanhemius de usu & præstant. numism. dissert. 9.* Qui etiam Tacito omnem hic fidem abrogat, & abolitionem Quadragesimæ, Galbæ beneficium esse, credit, inductus nummis, quibus Galba Quadragesimam remisisse legitur; & illud, quia paucis tantum mensibus Galba imperium obtinuerit, ommissa ejus mentione, Tacitum ad Neronem referre. Ego vero verissimam Cujacii sententiam de hoc loco esse credo, & eam defendendam hic suscipiam, non invalidis, ut puto, rationibus; ac primo, inde probabilis Cujacii opinio videtur, quod post Neronis tempora nusquam mentio Quadragesimæ litium ab ullo auctore fiat, unde eam a Nerone abolitam esse facile credi potest: Quadragesimæ portorii vero frequens usque

80 *De Vectigalibus Pop. Rom.*

pretio censebatur habuisse publicanus *d. l. 16.*

§. 12. Etsi vero professi quam maxime essent merces suas negotiatores, non licebat eas navi efferri, antequam vectigal portorii solutum esset: hoc ex Plauto Trinum. 4. 4. 15. desumitur.

*Jubeto Sangarionem, quæ imperaverim
Curare, ut efferantur, & in ito simul,
Solutum est portitori jam portorium.*

Ita cautum erat publicanis contra machinationes & fraudes negotiatorum, vicissim vero his consulendum erat, ne iniquis & improbis publicanorum exactiōibus & injuriis vexarentur: insolens namque hominum genus erant publicanorum ministri & servi, quibus ad colligenda portoria utebantur, hincque portitorum injurias ansam tollendi portoriorum dedisse, testatur *Cic. 1. ad Q. Fratr. 1.* hinc continuæ de exactiōibus querelæ apud auctores reperiuntur, & varie coercitam Publicanorum libidinem & avaritiam legimus: sic a Nerone *Tacit. 13. ann. c. 51.* ab Antoino Philosophio *Capitolin. c. 11.* remedia & poenæ, quibus huic malo obviam itum est, inventæ referuntur; & in pandectis a Jctis luculenter Edictum, quod contra fraudes, & furta

furta publicanorum est propositum, explicatur *lib. 39. tit. 4.*

Portoria solvere, cum rebus & mercibus, non hominibus impositum onus erat, nemo detrectare jure poterat. *l. 6. C. de Vect.* unde nec ipsis militibus immunitas indulgebatur, sola iis commissi poena remittebatur *l. 3. C. eod.* Quibusdam tamen specialiter immunitates ab Imperatoribus datas legimus, quod a bonis & justis Principibus in utilitatem publicam, & ad reddendum bene meritis præmium, frequentabatur, ab avaris autem etiam immunitates solebant vendi, sic de Galba narrat *Sueton. c. 15.* Nihil non per comites atque liberos pretio addici aut donari gratia passus est, vectigalia, immunitates &c. de Commodio *Lampr. c. 14.* Vendidit etiam suppliciorum diversitates & sepulturas & immunitates. Utilitatis publicæ causa multis personis immunitates a portoriis concessæ fuere, sic militibus immunes res, quas usui suo, non quas vœno exercerent, concessit Nero. *Tacit. 13. ann. 51.* postea ab sequentibus Imperatoribus militibus, & iis, qui in Palatio degunt, immunitas concessa est, ex Valentiniani & Valentis constitutione, quæ est *l. 3. C. Theod. de immun. concess.* Veteranis & eorum filiis idem

82 *De Vectigalibus Pop. Rom.*

privilegium continuatum est a Constantino
l. 2. C. Theod. de vectig. quod postea iidem
 Imperatores confirmaverunt. *l. 9. C. Theod.*
 Quæstores etiam Senatorii portoria non solve-
 bant, pro feris, quas ex remotis regionibus
 Romam ad spectacula deportari curabant:
Grave enim majoribus visum est, ut toleran-
tibus onera Senatoria dignitatis, sumptus im-
modicus adderetur. inquit *Symmach. lib. 5. ep.*
60. & 63. Naviculariis, qui frumentum ex
 Provinciis vectigalibus Romam vehebant, de
 quibus postea amplior agendi locus erit,
 concessum est, ut quasdam merces, quas sibi &
 propriæ utilitatis causa, una cum frumento
 apportabant, immunes inferrent; dummodo
 sub prætextu fiscalium specierum, mer-
 catoribus latebram & fraudandi occasionem
 non præberent. *l. 23. & 24. C. Theod. de Navi-*
cular. plures forte, qui immunitate gauderent,
 adferri possent, ut ipse fiscus *l. 9. §. 8. ff. de*
publican. sed, ne tædio res sit, subsistemus.
 Reliqui, omnis sortis & conditionis, homines
 obligati erant portoriis; *nam Vectigalium non*
parva functio est, quæ debet ab omnibus, qui
negotiationis, seu transferendarum mercium
curam habent, æqua ratione dependi *l. 3. C.*
Theod.

Theod. de immun. A vectigali portorii etiam immunes quasdam Provincias fuisse, vult *Bulenger. de Vect. P. R. c. 5. in fin.* utque id probet, locum *Tacit. de morib. Germ. c. 29.* affert, ubi de Batavis dicit, *eos nec tributis conteri, nec publicanos eos atterere, exemptos oneribus & collationibus*: quem tamen male cepisse videtur, cum inde non recte concludatur, Batavos speciali privilegio gaudere, ut, si merces in portus inferant, qui Romanæ ditionis sunt, immunes habeantur a portoriis, sed eos, qui socii & amici æquo scedere Romanorum erant, a tributis, quæ devictis vel inæquali pacto sociis gentibus imperabantur, non conteri, nec eorum vectigalia a Publicano Romano redimi; dixerat enim paulo ante, *Manet honos & antiqua societatis insigne*: quid mirum ergo, si illis, propriis utentibus legibus, nulla onera imposuerint Romani, & vectigalia in proprios usus exercere permiserint. Cum aliis vero gentibus, quas sibi subiciebant, plerumque severius agebant & illis portoria, quæ prius in proprii æarii commodum instituerant, adimebant; si vero committere & benigne agere vellent, portoria exercere, & pecuniam inde redactam sibi habere,

84 *De Vectigalibus Pop. Rom.*

bere, gentibus & civitatibus quibusdam permittebant. Sic de Ambracensibus narrat Liv. lib. 38. c. 44. *senatusconsultum esse factum, ut illis omnes res sue redderentur; in libertate essent, ac legibus suis uterentur, portoria, quæ vellent, terra marique caperent, dum eorum immunes Romani ac Socii latini nominis essent: insigne hujus liberalitatis Romanæ monumentum est, quod Gruter. insc. p. 500. & Sigon. de jur. Provinc. lib. 1. c. 10. exhibent; ubi Termensibus Majoribus Pisidis inter reliqua, quæ illis a Populo Romano concessa sunt, de portoriis ita cautum erat. Quam legem Portoriis terrestribus maritumeisque Termenses Majores Pisidæ capiundis, intra suos sineis dixerint, ea lex iis portorieis capiundis esto, dum nequid portori ab iis capiat, qui publica Populi Romani vectigalia redempta habebunt, quos per eorum sineis publicani ex eo vectigali transportabunt. Unde luculentius hoc Termensium privilegium, quam Ambracensium fuisse colligitur, cum in horum portubus omnes Romani ac Socii latini nominis immunes erant, in illorum, soli publicani excipiuntur, qui aliquid ex vectigali, quod in vicinis provinciis redemerant, per*

eorum

eorum fines transportarent. His Populis, quibus portoria exercere concedebatur, aliquando iterum ea facultas ademta est, & portoria publicata ærarium Romanum auxerunt: sic a Sulla, qui universas Provincias immanibus tributis exhauriebat, quædam gentes agris & portubus, ex quibus vectigal capiebant, multati sunt. *Appian. de bell. civ. lib. 1. p. 689.*

χώρας τε ἔναι καὶ λιμένων κατὰ συνθήκας σφίσι δεδομένων ἀφηγῶντο. *Quædam gentes, agris & portubus, ex fœdere sibi concessis multatæ.*

Superest, ut, cum amplissimum hoc vectigal fuerit, ejus quantitatem investigemus, ut inde conficere liceat, quantum ærario Romano accesserit. Difficulter vero, quænam antiquis sub republica temporibus, huic vectigali definita sit quantitas, dici potest, cum auctores, qui de portorio loquuntur, quantum ejus nomine exigebatur, reticeant, nec per omnes provincias, & in omnibus portubus, eadem quantitate solutum fuisse, credibile sit, sed vel secundum leges, quas quisque portus habebat, vel secundum legem Censoriam, in locationibus impositam, diverse coactum esse. In Siciliæ portu vicesimam exactam fuisse ex *Cic. Verr.* apparet, ubi dicit *socios* (id est Publicanos)

86 *De Vectigalibus Pop. Rom.*

canos) ex Verris exportatione sexaginta HS perdidisse, idque ex vigesima portus Syracusani. Post Rempublicam a Cæsaribus oppressam frequentior mentio & clariora indicia, ex quibus, ad quem modum exercebatur hoc vectigal, colligere licet, exstant. Ordinarie enim *Quadragesimam* mercium, quæ importabantur, partem exactam & solutam fuisse legimus. Hujus meminit *Quintil. declam.* 359. ubi legis fragmentum est. *Præter Instrumenta itineris omnes res Quadragesimam publicano debeant.* sic apud *Sueton. Vesp. 1. publicum Quadragesima* appellatur, & frequens postea hujus memoria est, nam & ad Symmachi tempora *Quadragesimam* pervenisse ex lib. 5. epist. 62. & 63. patet, ubi cum uno loco *Quadragesima*, altero *Quinquagesima* mentio fiat, & agatur de eodem vectigali, utroque loco *Quadragesimam* legerim, quæ usitatio fuit; nec *Quinquagesimam* unquam pro portorio solutam fuisse, sed pro rebus venalibus, postea docebimus. Non tam diu vero *Quadragesimam* durasse ex nobili & ab omnibus vexato *Taciti loco* 13. ann. c. 51. videtur posse colligi. *Manet inquit, tamen abolitio Quadragesima, Quinquagesimæque,*

& quæ alia exactionibus illicitis nomina publicani invenerant. varie hunc locum explicant viri docti. *Cujacius 6. obs. 28.* & eum secutus *Panciroli. 3. var. lect. 31.* Tacitum de abolitione Quadragesimæ litium, quam introduxit impurus ille Caligula, *Suet. cap. 40.* locutum fuisse volunt, quorum sententiam omnes postea, eos secuti, Commentatores rejecerunt, ut *Lips. ad d. l. Tacit.* nuperrime vero eam impugnavit vir Amplissimus *Ezechiel Spanhemius de usu & præstant. numism. dissert. 9.* Qui etiam Tacito omnem hic fidem abrogat, & abolitionem Quadragesimæ, Galbæ beneficium esse, credit, inductus nummis, quibus Galba Quadragesimam remisisse legitur; & illud, quia paucis tantum mensibus Galba imperium obtinuerit, ommissa ejus mentione, Tacitum ad Neronem referre. Ego vero verissimam Cujacii sententiam de hoc loco esse credo, & eam defendendam hic suscipiam, non invalidis, ut putô, rationibus; ac primo, inde probabilis Cujacii opinio videtur, quod post Neronis tempora nusquam mentio Quadragesimæ litium ab ullo auctore fiat, unde eam a Nerone abolitam esse facile credi potest: Quadragesimæ portorii vero frequens usque

F 4 ad

88 *De Vectigalibus Pop. Rom.*

ad Symmahi tempora memoria reperiatur, nec, si abolita fuerit a Nerone, a quo restituta sit, a viris doctis doceatur: accedunt sub Galba cusi nummi, qualem unum adduxit *Casaub. ad Suet. Galb. c. 15.* quibus Quadragesima remissa a Galba docetur, qui certe ridicule remitteret aliquod vectigal, jam ab imperatore præcedente abolitum: neque hic gravissimi, & qui omnia ex annalibus & diurnis actis diligenter conquiisvit, scriptoris fides elevanda est, cum non potuerit ignorare, ad quem referenda esset abolitio tam celebris vectigalis portorii, luculentissimi reipublicæ subsidii: præcipue cum eo loco referat Senatusconsulta & Edicta, quæ eum fallere non poterant. Deinde si attentius totus Taciti locus consideretur, manifeste, portoria non fuisse sublata a Nerone, patebit: dicit enim *Tacitus dubitasse Neronem, an non omnia vectigalia* (quibus hic, uti sæpe alibi, portoria proprie intelliguntur) *omitti juberet, idque pulcherrimum donum generi mortalium daret. Sed impetum ejus attentum a Senatoribus, qui docebant, dissolvi eo pacto Imperium, cum omnia ita provisa essent, ut ratio quæstuum & necessitas erogationum inter se*
con-

congruerent. Aperte Senatores, hoc dissuadentes, respiciunt ad Commentarios sive rationarium, quod Augustus de viribus totius imperii Romani confecerat, & quo omnes redditus & onera inter se erant comparata. v *Suet. Aug. c. 28. & ult. Tacit. i. ann. xi.* hocque rationarium ad successores transmiserat, qui secundum illud imperii vires semper exigebant. Docebant ergo senatores Neronem, si portoria tolleret, quæ magnam imperii reddituum partem constituebant, dissolvi vires imperii, & rationem & ordinem subverti, si ordinaria commoda auferret; suadebant potius, si liberalitate aliqua vellet homines sibi devincire, aboleret aliquod vectigal, quod extra ordinem erat introductum, & quod, in rationarium imperii non relatum, nihil incommodi afferret ærario vel fisco, si tolleretur, cum rationes impensarum ad hoc vectigal non essent comparatæ: commodum itaque visum fuit Neroni abolere Quadragesimam litium, quam non in usus imperii, sed ad sustinendos nepotinos sumptus, Caligula cum reliquis novis vectigalibus introduxerat. Firma & stabilita itaque est Cujacii sententia, portoria, vel Quadragesimam a Nerone abolitam non esse,

esse, imo nec a Galba eam esse abrogatam credo, quod frustra ex nummis eliciunt viri docti: non enim tam pingue erat Galbæ beneficium, ut omnino tolleretur hoc vectigal, solum de *Remissa Quadragesima* loquuntur nummi. Jam vero notissimus est ille Imperatorum mos, ut aliquando civitatibus vel provinciis, bello aut aliis calamitatibus afflictis, vectigal aliquod remitterent, quo earum miseras levarent, aliis in quosdam annos immunitates a vectigali darent, manente tamen & non abolito vectigali: sic *Sueton.* narrat. *Caligulam ducentessimam auctiorum Italia*, non reliquis provinciis, remississe *cap. 16.* de qua etiam remissione nummi exstant: non inde tamen recte concluditur ducentessimam ab eo sublatam. Sic *Augustus are alieno laborantes urbes levavit. Suet. c. 47.* & ut rarum, & avaritiæ *Tiberii* manifestum documentum, refert *Sueton. c. 48. cum ne provincias quidem ulla liberalitate sublevasse.* Recte ergo omnia se habebunt, si nummos de temporario aliquo beneficio, quo Galba auspicia imperii sui commendaret, interpretemur, non de abolitione vectigalis, cum illud longe post ea tempora superfuerit, nec unquam restitutum

ab

ab aliquo Imperatore legatur. Deinde etiam Galbæ munificentia de remissione reliquorum potest accipi; nam & eo munere beabant aliquando provincias Imperatores, ut illis multorum annorum reliqua ex vectigalibus condonarent. Sic de Hadriano scribit *Spart. c. 7. Provinciis vero etiam ex reliquis ingentes summas remisit, syngraphis in foro divi Trajani, quo magis securitas omnibus roboraretur, accensis.* Ad quem locum plura de hoc Imperatorum liberalitate doctissimi interpretes *Cassaubonus & Salmasius*: & plurimas constitutiones Imperatorum de hac remissione subtit. *C. Theod. de indulg. debit.* reperiet lector. Nec novum est, interpretes remissionem hanc reliquorum pro abolitione vectigalis ipsius accepisse. Sic postea, cum eo nos deduxerit tractationis ordo, ostendemus, male a viris doctis abolitionem vigesimæ hæreditatium adscribi Gratiano, non alio argumento, quam, quod eum reliqua remisisse, testetur *Ausonius*. Hæc de quadragesima, quæ ordinarie pro portorio exigebatur, dicta sunt. Alia tamen etiam in Codice vectigalis hujus, & immane quantum distans, quantitas vulgo exigi solita fuisse refertur. In *l. 7. C. de vectig.* mentio fit

92 *De Vectigalibus Pop. Rom.*

fit *Octava* partis, quæ pro mercibus exigebatur; quam quis instituerit, vel an in locum Quadragesimæ successerit, vel an quibusdam tantum mercibus imposita sit, nostrum non est definire: dicuntur ibi *Octava more constituta* esse, qui jam a temporibus Alexandri Severi, cujus est *l. 7. C. de locat. & cond.* invaluisse debuerit, mirum tamen est, nusquam in Pandectis, vel ullis, quod sciam, auctoribus, qui ejus ævi res gestas literis mandarunt, octavas reperiri. *Panciroli in comm. ad notit. dign. orien. c. 73.* putat, olim tempore Elagabali hujus vectigalis quantitatem fuisse decimam partem pretii, quo merces æstimabantur, quam deinde Alexander Severus ad tricesimam contraxit, in cujus postea locum alii Imperatores Octavam substituerunt. Quod tamen verosimile non est, cum nullo auctoris testimonio probet, unquam decimam pro portorio exactam & solutam fuisse, & quod verba *Lampridi in Alex. Sever. c. 37.* (ubi narratur Alexander Severus vectigalia publica in id contraxisse, ut qui decem aureos sub Elagabalo præstiterant, tertiam partem auri præstarent, hoc est trigesimam) huc detorquet, infelici sane & invita Minerva illud molitur;

tur; nam ea de tributis accipiendaeffe, luculentissime docuit, vir meliore sæculo natus, *Salmasius*.

Priusquam finis Portorii explicandis imponatur, aliud huic affine vectigal examinandum nobis venit, dictum *Vectigal rerum venalium*, quod exigebatur pro rebus, quæ in foro venalia erant, vel quæ sub hasta, publice posita, licitantibus addicebantur, hoc plerumque cum portorio confunditur, & unum ac idem habetur, cum tamen diversum plane vectigal sit: non enim in portubus pro invectione vel evectione, sed in foro pro venditione exigebatur. Hincque male plurimi viri docti, ab *Accursio ad l. 17. §. 1. ff. de V. S.* viro subtili, sed literarum rudi, decepti, eandem quantitatem huic vectigali tribuerunt, quam portorio, *Octavam* nempe. Sic enim *Alciat. ad d. l. Guther. de Off. dom. Aug. lib. 3. c. 17. & Bulengerus de Vect. P. R. c. 19.* quos omnes jure reprehendit & refutat *Cujac. 6. obs. 28.* neque etiam placet *Goedd. ad d. l. 17. de V. S.* qui in eo solum recte Glossam a Cujacio reprehensam dicit, quod illa octavam solam statuatur rerum venalium, cum ex ipsius sententia, duplex rerum venalium fuerit Vectigal; Unum, si vendita res ex-

por-

portanda esset, nec exportari prohibita; Alterum, cum a venditore aliquid exigitur ob venditionem, quod idem quoque *Bulenger. d. l.* sentit. Sed uterque male, cum, quod illi primum statuunt, nullo modo dici possit vectigal rerum venalium, sed ipsum portorium, quod pro rebus promercialibus exigebatur, cujus quantitas nobis supra est declarata, & portorii solvebatur nomine, nullo respectu habito, an res essent venditæ nec ne, sed pro solo usu & commoditate portûs exigebatur. Alterum vero vectigal, illud est, quod nos rerum venalium dicimus, & exigebatur ab emtore vel venditore, ob venditionem proponendam, describente *Cujac. d. l.* & sic fere definitur in *l. i. C. de Veteran.* & absolute venalitium vocatur in *l. 4. C. de prox. sacror. scrip.* Hujus quantitas nunquam Octava pars mercis fuit, sed alia, ut ex sequentibus apparebit; & in *l. i. ff. de V. S.* aperte Portorium & rerum venalium vectigal distinguuntur. Hujus vectigalis auctor videtur fuisse Augustus; narrat enim *Dion. l. 55. in fin.* eum pro mancipiis, que vendebantur, quinquagesimæ vectigal instituisse, cum egeret pecunia ad bella & nocturnos vigiles alendos. Unde etiam hujus vectigalis quantitas, nim. quinquagesimæ.

quagesima, apparet. Cum Dione tamen non idem scribit Tacitus, qui *ann. lib. 13. c. 31.* mentionem facit *quinta & vigesima mancipiorum venalium*. Quare, ut hos Auctores sibi concilient *Lips. ad eum locum & Cujac. 6. obs. 28.* apud Tacitum reponunt *Quinquagesimam*, alii vero apud Dionem pro πεντηχο-
 σῆς substituunt πέντε εικοσῆς; deinde manifestius a Dione dissentit *Tacit. lib. 1. c. 78.* ubi referens originem hujus vectigalis, ut & Dion, dicit, *Centesimam venalium, post bella civilia institutam*. Quæ omnia ut concilientur & utrique Auctori sua fides constet, credimus rem sine ulla lectionis mutatione ita posse componi, si statuamus, non æqualiter omnibus mercibus vectigal hoc impositum fuisse, sed quibusdam rebus ducentesimam, (de qua paulo post agendum) aliis centesimam, mancipiis vero quinquagesimam: neque enim uterque auctor totam instituti hujus vectigalis rationem tradidit, sed Dion de mancipiis, Tacitus vero *1. ann.* de rebus aliis, quæ venales proponebantur, egit: quod autem: *Tacit. 13. ann. 31.* meminerit vectigalis *quinta & vigesima mancipiorum venalium*, inde fortasse factum est, quia tempore Neronis eo usque excre-

96 *De Vectigalibus Pop. Rom.*

excreverat ejus quantitas, ut loco quinquagesimæ ab Augusto institutæ, quinta & vicessima exacta fuerit. Idque posset conjici a Caligula introductum esse, quem, cum varia nova & inaudita vectigalia exercuerit, teste *Sueton. c. 40.* credibile est, hoc vectigal auxisse; nam avaram & crudelem illam bestiam aliquid in hoc vectigali innovasse, indicio illud est, quod *Suetonius d. l.* prodat, eum, inter res vectigali obnoxias, voluisse haberi *Edulia*, quæ ante ab Augusto videntur excepta fuisse, ne nimis acerbum hoc vectigal videretur, quod ex quotidianis vitæ humanæ subsidiis cogeretur: sed a Caligula introductum est, ut pro eduliis, quæ tota urbe venirent, certum statumque vectigal exigere.

Alterum etiam circa hoc vectigal eorundem Auctorum, Taciti & Dionis, a viris doctis dissidium animadversum est: hic enim *lib. 57.* scribit, Tiberium *Ducentesimam* mutasse in *Centesimam*, ita ut ex ejus sententia necesse fuerit, ducentesimam ab Augusto institutam fuisse, cui aperte refragatur *Tacit. ann. l. c. 78.* dicens *Centesimam post bella civilia ab Augusto institutam*, & deinde *2. ann. c. 42.* tradens Tiberium, cum Archelao Cappadociæ

ciæ rege mortuo, ejus regnum vacuum inva-
fisset, & in provinciæ formam rede-
gisset, fructibus ejus levari posse centesima vectigal pro-
fessum, ducentesimam in posterum statuisse. Quæ
loca optime conciliavit Lipsius, qui Dionem
loqui de tempore post mortem Sejani autumat,
quo liberalitatem suam Tiberius revocavit, re-
stituta centesima, in cujus locum olim, au-
ctus Cappadociæ fructibus, ducentesimam sub-
stituerat. Et sic Tacito suffragabitur Sueton:
Cal. 15. dicens *Caligulam centesimam auctio-*
num Italiæ remisisse. Ut recte ibi legi Viri
docti contendunt. Male vero, ut hoc verbo
addam, vectigal hoc *vigesimam rerum vena-*
lium vocat maximus nostri seculi J Ctus *Anth.*
Mattheus in libr. 2. c. 2. de Auction. cum nul-
lo antiqui auctoris suffragio confirmari possit,
ea quantitate unquam illud exactum fuisse, &
ex adductis jam locis error hic manifestus sit.

Vectigal hoc ex *rebus venalibus* capiebatur,
sub quibus præcipue continebantur mancipia,
quæ a negotiatoribus coëmebantur, ut ite-
rum venderentur, hoc negotiationis genus fre-
quentissimum erat Romæ, & proprie hi servi
Venalitii dicebantur, de quibus multa *Torrent.*
ad Suet. Aug. c. 42. & de Clar. Rhetor. & ne-
gotiatores

98 *De Vectigalibus Pop. Rom.*

gotiatores distincti erant a reliquis mercatoribus, quibus aliquantum inferiores habebantur, & a genere commercii *venalitiarii* dicebantur, de quibus vid. *Valesiad. Ann. Marcel. lib. 22. c. 7.* Hinc colligitur vectigal hoc datum non fuisse, quoties quis servum suum alteri venderet, vel alterius emeret, sed ita demum, si in nundinis vel foro a venalitiariis aliquem compararet. Atque ita in cæteris rebus venalibus observatum quoque fuit, ut ita demum vectigali obnoxia essent, si in foro vel in locis, vendundis rebus destinatis, venditæ & emptæ essent. Hinc etiam in inscriptione apud Gruter. pag. 199. 6. hoc vectigal designari credo, & appellari *promercialium vectigal Foricularii & Ansarii*: difficile vero dictum est, unde nomina hæc Foricularii & Ansarii deducta sint, verosimile est quidem, quod *Guther. de Off. Dom. Aug. lib. 3. c. 17.* conjicit, legendum esse, *Fori Cullearii & Ansarii*, & indicari vectigal frugum minutarum vini, tritici & olei, quæ in foro, a culleis & vasibus ansatis, quibus fruges venum exponebantur, denominato, vendebantur. Idque maxime de bleo verum esse credimus, quod culleis semper conditum in forum deferabatur, ut venderetur;

deretur; hinc Leno apud *Plant. Pseud. act. I. Scen. 2. v. 78.* minatur mulieri, quæ amatores habebat divites olei,

Si mihi non jam huc culleis oleum deportatur,

Te ipsam culleo ego cras faciam ut deportere in pergulam.

Ansarium, autem a vasis ansatis, quibus merces quædam, præcipue vinum, condiebantur, dictum videtur: male legisse videtur *Lazius de rep. Rom. 2. 13.* qui Ansarium interpretatur: Quod subjungit vero *Gutherius*, Ansarium etiam posse trahi ad arma promercialia, quia jacula ab *Ennio*, *Ansata* appellantur, prorsus a re alienum est, cum non nisi improprie ansata tela ab *Ennio* dicantur, quia figura eorum ansas quasi quasdam repræsentabat, has *Turneb. 18. adv. 3.* interpretatur *amentum telorum*. Sed melius conjici posset, ansas in telo, esse duas illas furculas, quæ circa medium cuspidis prominent, atque ita ansata tela efficiunt, hæ a *Gratio in Cyneget.* appellantur *Mora*, quia exstantes utrinque impediunt & morantur telum, ne totum corpus, quod vulneravit, transeat. Verba ejus sunt de venabuli structione



100 *De Vectigalibus Pop. Rom.*

*Ille etiam valido primus venabula dente
 - Induit, & proni moderatus vulneris iram
 Omne moris exceptit onus. Tum stricta verutis
 Dentibus, & geminas subiere hastilia furcas.*
 Ad quem locum erudite, de teli hujus constructione, disputat optimus Gratii Interpres *Vlitius*. Non verosimile ergo est, ab histellis, quæ non, nisi tropice, ansata dici possunt, vectigal exactum, nam si ejusmodi ingenii ludibriis indulgere licitum esset, eodem jure forum Cullearium dictum fuisse asserere possumus, a Culleis, quos milites inter instrumenta sua habebant, *Cornel. Nep. Eum. c. 8.* atque ita inscriptionem nostram, ad milites transferre, ut *Lazius l. 4. c. 1.* fecit, qui hinc milites a vectigali immunes fuisse colligit, cum ne verbum quidem unum in toto saxo de militibus legatur. Solæ ergo res & merces, quæ in foro vendebantur, vectigali obligatæ erant, si vero alibi venderentur, non inter promercales numeratæ fuisse videntur, donec tandem Caligula etiam hanc exceptionem submoverit, & jussit *pro eduliis, quæ TOTA URBE venirent vectigal exigi. Suet. Cal. c. 40.* Deinde etiam ad venditionem, quæ sub hasta fieri solebat, vectigal hoc extensum fuisse, ex loco *Sueton. Cal.*

Cal. 15. desumitur, appellat enim centesimam *Auctionum*, quibus venditiones publicæ, hæc posita, quam plurimum significantur. v. *Brissou. de formul. lib. 6.*

C A P. VI.

De Vectigali ex Metallis & Salinis.

Postquam, pro ingenii nostri modo, tria celeberrima reipublicæ & Imperii Romani vectigalia tradidimus, quibus ærarium maxime fulcris sustinebatur, aliud nobis examinandum venit, quod non ex fructibus, quos terra e sinu suo emittit, decerpebatur, sed ex ipsis visceribus extrahebatur. *Metallorum* fuit hoc vectigal, quæ per totum orbem Romanum exercebantur, & ex quibus incredibile ærario emolumentum obveniebat. Sub *Metallis* continentur omnia, quæ ex venis, in terræ penetralibus abstrusis, laboriosa perscrutatione effodiuntur vel extrahuntur. Aurum, Argentum, Æs & Ferrum hic præcipue Metallorum nomine comprehenduntur; deinde Lapidicinæ, Cretifodinæ, Cotoriæ & Salinæ,

huius vectigalis respectu, Metallorum genera sunt, de quibus omnibus in sequentibus ordine agemus.

Primis reipublicæ temporibus in Italia etiam metalla, & ex iis vectigalia ærarium locupletaverunt, sed cum ubertim provinciæ deinde illa suppeditarent, interdictum est, ne Metalla in Italia exerceantur. *Plin. lib. 33. c. 4. Italia parcitum est vetere interdicto Patrum, alioquin nulla fecundior metallorum quoque erat tellus.* Quare præcipue hoc lucro auxerunt rem Romanam subactæ Provinciæ, quæ metalla visceribus suis continebant. Hispania, Macedonia, Illyricum, Africa, Sardinia præcipue hæc irritamenta malorum producebant. In Hispania primum hoc Vectigal instituit Cato. *Liv. 34. c. 21. Pacata Provincia, vectigalia magna instituit, ex ferrariis argentariisque, quibus tum institutis locupletior indies Provincia fuit.* Auri etiam maxima copia in Hispania inveniebatur, quod in arena aurosa, quæ minuta ramenta complectebatur, plerunque investigabatur, & hoc speciali & Hispano vocabulo dicebatur *Balluca*, de qua voce videndi *Cujac. ad l. 1. C. de Metall. & J. Gothofr. ad l. 3. C. Theod. eod. & Salmas. exerc. plin. tom. 1. p. 196.*

169. quam grande & pingue autem hoc vectigal ex Hispaniarum Metallis fuerit, maxime ex Strabon. lib. 3. colligi potest, qui testatur, nulli terrarum neque aurum, neque argentum, neque aes, neque ferrum, nec tantum, nec tam probatum generari, & non solum aurum ex Metallis effodi, sed flumina & torrentes auream deferre arenam. imo argentifodinas prope Carthaginem novam esse, in quibus, memorante Polybio, quadraginta Millia operarum Metalla exercent, & eo tempore Populo Romano viginti quinque millia Drachmarum singulis diebus præstabant. Africa quoque Romam saxis & lapidibus marmo eis ornavit, quos Romani inde excidi sibi iusserunt. Frequens apud autores est Lybici & Numidici marmoris mentio, unde vectigal & emolumentum habuisse tiscum, indicio est l. 1. C. Theod. de Metall. quæ inscripta est *Rationali Africa*, qui vectigalia & redditus in ea provincia curabat. Macedonia, jam antequam Romanorum provincia esset facta, regibus suis vectigalia ex Metallis solvebat, quæ præcipue opes ejus regni erant. Perseus inde maxime multas concessit divitias, quibus bellum cum Romanis sustinere posset

104 *De Vectigalibus Pop. Rom.*

Liv. 39. c. 24. Vectigalia regni non fructibus tantum agrorum, portoriisque maritimis auxit, sed metalla etiam, & vetera intermissa recoluit, & nova multis locis instituit. Deinde subactâ eâ a Romanis Coss. Æl. Pato & M. Junio A. U. C. 586. Metalli vectigal sublatum est Senatusconsulto, quo liberi & suis legibus relictî sunt Macedones. Liv. 45. c. 18. Metalli quoque Macedonici, quod ingens vectigal erat, locationesque rusticorum pradiorum, tolli placuit. quod non ita absolute, quasi omne vectigal remissum sit, intelligendum est, cum idem auctor postea c. 29. narret, Paulum Macedonibus ex Scto & Concilii sententia pronuntiasse, Metalla auri atque argenti ne exercerent Macedones, (ne scilicet divitiis affluentes, Romanis obsequium negarent) ferri & aris permitti: vectigal exercentibus dimidium ejus impositum, quod pendissent Regi; tradit autem Cassiodor. in Chronico. Coss. Æm. Lepido & C. Popillio, qui Coss. fuere A. U. C. 595. Metalla in Macedonia instituta fuisse. qui aut error est in tempore, quo ex Metallis Macedoniae Romani vectigal habere cæperunt, statuendo, aut si vera ejus sit sententia, credendum est, eo tempore

pore rursus auri & argenti Metalla exerceri Macedonibus permessa fuisse, vel antiquum, regibus pendere solitum, vectigal iterum exactum. Eodem modo, quo Macedonia habita fuit, cum Illyrico actum est: addit enim *Liv. d. lib. c. 18. similia his & in Illyricum mandata sunt.* his vicina Thracia etiam Metallorum ferax erat, ex cujus, ut & Macedoniae & Illyrici, lapidicinis & cæteris Metallis, vectigalis frequens mentio est in *tit. C. utriusque de Metallar. l. 7. & 8. C. Theod. l. 4. C. Inst.* his provinciis accessit Britannia, quæ Metalla auri & argenti Romanis pendebat. *Tacit. Agric. 12. Fert Britannia aurum & argentum & alia Metalla, pretum victoria. & c. 31.* Galgacus Caledonios ad pugnam exhortans dicit. *Neque enim arva nobis, aut Metalla, aut portus sunt, quibus exercendis reservemur.* Sardinia etiam argentum Romæ suppeditabat, cujus meminerunt *l. 6. & 9. C. Theod. eod. & Sidon. Apoll. in carm. 7.* quod supra laudavimus

Sardinia argentum, naves Hispania defert. Hæc de provinciis, quæ vectigal illud imperio solvebant; accuratius paulo nunc ipsa Metalla & eorum vectigal examinanda erunt. Metalla autem dupliciter hic nobis considera

randa veniunt: erant enim vel publica, vel privata; Publici juris sub republica fuisse, vix credam, nam sublatis Italiae Metallis, res publica subjectis gentibus videtur exercitium Metallorum reliquisse, sibi tantum vectigali inde percepto, sic Macedonibus, Illyriis & Hispanis exercere Metalla, sub vectigali, permissum, docent antea allata auctorum loca: versa vero republica, Principes sibi plurima Metalla vindicarunt, & fiscum eorum redditibus beaverunt, quæ per damnatos in Metalla, quorum frequens mentio & in iure & passim apud historicos reperitur, exercebant, si vero quasdam fodinas privatis relinquerent, vel potestatem illas indagandi facerent, vectigal illis certum imponebant: privati enim jus Metallorum habuisse docet locus *Suetonii Tiber. c. 49.* ubi dicit *plurimis etiam civitatibus & privatis, veteres immunitates, & jus Metallorum ac vectigalia ademta.* & privatorum jus scriptorum loca, quæ singulis Metallorum generibus annectemus, asserent.

Primum in Metallis locum tenent Auri & Argenti fodinae, quarum etiam, libera republica, ut cætera, vectigalia, a Censoribus locabantur. *Plin. 33. 4. exstat lex Censoria Isti-*
mulo-

mulorum, qua in Vercellensi agro cavebatur, ne plus quinque M. hominum in opere publicani haberent. Aurifodinæ, utpote ex quibus maximæ opes extrahebantur, plerumque in Principum patrimonium transiere, sic testatur Strabo. lib. 3. Nunc etiam sunt argentifodinæ, non quidem publicæ, neque hic, neque aliis in locis, sed in privatorum possessiones demigrarunt, Aurariæ vero fisci habentur ut plurimum. Sic etiam Tiberius Sex. Marii Hispanorum ditissimi aurarias, ob incestum cum filia publicatas sibi met seposuit. Tacit. ann. 6. c. 19. & hoc etiam colligitur. ex l. 6. §. 2. ff. ad L. Jul. peculat. & l. 38. ff. de pæn. & l. 1. ff. quod cujusq. univ. nom. fuisse vero, ut argentifodinas, ita & aurifodininas privati juris, ex Amm. lib. 31. c. 6. discimus, quibus, inquit, accedere sequendarum auri venarum periti non pauci, vectigalium perferre posse non sufficientes sarcinas graves. ex quo loco maximum vectigal, inde Imperatori præstari solitum, colligitur; quantum vero fuerit, definiiri anceps est, nec videtur æquale ex omnibus Metallis exactum, sed pro venarum fecunditate vel sterilitate definitum. Constitutione Valentiniani & Valentis. l. 2. C. Just. & 3. C.

108 *De Vectigalibus Pop. Rom.*

3. *Cod. Theod. de Metallar.* qua invitantur privati ad auri exercitium, *Canon Metallicus* (ita enim hoc vectigal appellatur *l. 4. C. Theod. eod.*) ab aurilegulis exsolvi dicitur, ut nimir. inferant octonos scrupulos in balluca, de quorum supputatione accuratissime ibi agit *Jacob. Gothofredus.* eodem jure, quo auri & argentifodinæ habebantur, fuisse etiam cretifodinæ & cotorias, & si quæ aliæ res ex terra eruebantur, verosimile est: omnia enim sub Metallis continentur, & publici juris plerumque erant, unde redemptorum *cotoriarum* Insulæ Cretæ meminit *l. 13. ff. de publican.*

Sub Metallis etiam lapidicinæ habentur: marmora enim & saxa, ut aurum & cætera Metalla, ex terra effodiuntur, hinc in Codicum titulis *de Metallariis* pleræque leges de lapidibus loquuntur, & hoc aperte indicat. *l. 9. §. 3. ff. de usufr.* ubi, cum JCrus in §. præcedenti egisset de lapidicinis, subjicit, *sed si hæc Metalla,* & in *l. 13. §. 5. ff. eod. & l. 3. §. ult. ff. de reb. eor.* inter Metalla lapidicinæ referuntur, hocque & scriptoribus aliis usitatum fuisse docent. *Cujac. obs. 15. 21. & Salm. & Casaub. ad Spart. Pescen. Nigr. c. ult.* Vectigalis ex lapidicinis quantitas certior definiri

finiri potest, ea erat decima pars emolumentum, quod ex lapidicinis dominis obveniebat. *l. 3. C. de metallar.* qua lege conceditur privatis, ubicunque venas saxorum laboriosis effossionibus persequuntur, marmora excindere, si in proprio solo, sub vectigali decimarum, si in alieno, coguntur, ultra fisco debitum vectigal, etiam alteras decimas domino loci præstare, a quibus nemo immunis habebatur, ne privati obnoxii essent injuriis potentium, sed decimas sibi debitas Imperatores remittere poterant, ideoque jam vectigal Senatoribus olim remiserat Gratianus, *l. 8. C. Theod. de Metallar.* Potestas autem ex alieno saxa effodiendi, ob duas præcipue rationes, ab Imperatoribus concessa esse videtur: prima & antiquior ratio fuit, quod quidam sordido negotiationis genere, urbem deformabant: solebant enim plerumque, qui novas ædes excitare velent, non nova marmora & recenter ex terra eruta coëmere, sed vetustate delapsorum ædificiorum materiem vili pretio emebant, deinde ædes illas destruebant, & lapides & marmora ad novas moles erigendas transferebant, quo facto urbs plurimis ruinis & collapsarum ædium sordido spectaculo dehonestabatur: nemo enim

110 *De Vectigalibus Pop. Rom.*

enim super ruinas illas ædificabat, sed eæ ita destructæ relinquebantur. Huic malo jam remedium adhibuit Claudius Imperator, quo imperante Cn. Hosidio Geta & L. Vagellio Coss. Senatusconsultum factum fuit, quo cruentissimum hoc negotiationis genus severe prohibet, statuens ut, qui emissset materiem delapsarum ædium, ut inde novas extrueret, *duplam pecuniam, qua mercatus eam rem esset, in ærarium inferret, & ipse venditiones irritæ essent.* Exhibet hoc Senatusconsultum integrum Reines. 7. *inscript. 11.* Et postea hujus rei curam gessit Vespasianus l. 2. *C. de Edif. privat. Negotiandi causa ædificia demoliri, & marmora detrahere edicto Divi Vespasiani, & Senatusconsulto cautum est.* ex qua lege viri docti & imprimis *Cuj. 5. obs. 26.* putant, sub Adriano factum fuisse hoc senatusconsultum Aviola & Pansa Consulibus, cujus & mentio est in l. 52. ff. *de contr. empt.* & l. 41. §. 1. ff. *de legat. 1.* quo Edictum, non Vespasiani, sed Adriani ipsius, confirmatum sit, itaque Vespasiano totum hoc SCtum & Edictum ablatum Adriano tribuit *Cujac.* & errorem in nomine esse contendit, quod tamen vix est ut admittamus, nam certe Imperatoria Majestate indignum

dignum mihi fuisse videtur, si Imperatores
 edicta sua SCis confirmari juberent, quia eo
 majorem Senatui auctoritatem praeberent, quam
 sibi, cum legis valor a confirmatione pendeat,
 & Edictum Imperatoris inane & infirmum
 esset, si omne robur a Senatusconsulto ei ac-
 cederet: contrario plane modo rem se habuisse
 credimus, Senatusconsultis nullam vim fuisse,
 nisi placitum Principis accessisset: nam ita fere
 Imperatorum mos fuit, postquam omnem
 potestatem, quae olim penes populum erat, in
 se receperant, ut, si quid novi juris promul-
 gare vellent, orationem in senatu haberent,
 qua Patribus aperiebant, quid statuere vellent,
 & simul, quid ii censerent, consulebant. In-
 signe argumentum peti potest ex *l. 22. ff. de
 pet. hered.* de his orationibus nihil dicam,
 cum ubique in jure earum mentio occurrat.
 Oratione Principis audita Patres sententias fe-
 rebant, Senatusconsultum de ea re, quam
 Princeps proposuerat, fiebat, ut clare appa-
 ret ex *l. 16. ff. de jure nupt.* hinc in jure saepe
 una & eadem res Orationi Principis & Sena-
 tusconsulto adscribitur; sic in *pr. ff. de SCto.
 Orficio.* dicuntur Senatusconsulto admitti li-
 bri ad bona matrum, quod in *l. 9. ff. ad Senatusc.*
Ter-

112 *De Vectigalibus Pop. Rom.*

Tertul. & Orphit. adscribitur Orationi Divi Marci : deinde factum SCtum ad Imperatorem perferebatur, qui si illud approbabat, exire & legis vim habere jubebat, ita ut omne robur, non a Senatu, sed a Principe accederet, plerunque vero hoc Edicto fiebat. Vestigia hujus moris multa supersunt. Sic in *l. 1. ff. in quib. caus. pig. vel hyp.* Senatusconsulto aliquid factum esse dicitur quod in *l. 24. §. 1. ff. de reb. auct. jud. poss.* Edicto Marci tribuitur, quod SCtum confirmavit, quem ordinem male invertit Cujacius. & in *l. 3. C. de his qui sibi adscr. in test.* Senatusconsulto & Edicto Divi Claudii prohibitum est, eos, qui ad scribenda testamenta adhibentur, aliquod emolumentum ipsis futurum scribere. Deinde aperte hoc indicat *Tacitus. 13. ann. 51.* ubi Nero, cum consultasset Patres de abrogandis vectigalibus, & postquam Senatores libere, quæ sentirent, dicendo ejus impetum attinissent, a Tacito narratur *Edixisse*, illud, quod Patres decreverant; Quin & hoc ipsum SCtum Claudianum de negotiatione lapidum dirutarum ædium, credibile est per Edictum populo propositum: Claudius enim cum Censuram gereret, imprimis in eo veteres Censores

fores æmulabatur, ut Ædificiorum curam gereret, quod tam anxie & sollicite præstitit, ut uno die in Censurâ viginti edicta proposuerit, inter quæ, quin illud, de non diruendis ædibus & transferendis lapidibus, fuerit, non dubitandum est. Denique ut res manifestissima fiat, ita constituerunt Theodosius & Valentinianus Imperatores, ut non aliter lex valeat, nisi in Senatu tractatum de ea sit, & postea in consistorio Principis recitata, Serenitatis auctoritate confirmetur, ut ad Senatum rescripsere l. 8. C. de legib. quod ipsum innuit Symmach. lib. 10. ep. 21. *superest, ut ea, quæ Serenitas vestra Patribus deliberanda legavit, cognito Senatusconsulto lex Augusta confirmet.* & paulo post. *Hæc Æternitas vestra venerabilis, cum Senatui statuenda mandaret, referri ad se protinus imperavit, ut placita cunctis immortalī lege solidentur:* recte ergo de iisdem rebus & Senatusconsulto & Edicto caveri potuit, & in d. l. 2. C. de edif. privat. non necesse est, ut Vespasiani nomen deleatur, cum nihil absurdi, nec a more solito alieni sit, quod diversi Principes, de eadem re, idem jus statuisse dicantur, cum oblivione & intermissa observantia caducas leges sæpe revocaverint, &

H

præ-

præcipue enixa plurimorum Imperatorum cura circa hanc negotiationem deprehenditur, & post Claudium, Vespasianum, Adrianum eam vetuere Alexander Severus, cujus est *d. l. 2.* & deinde Gratianus in *l. 19. C. Theod. de operibus public.* (quæ cum *d. l. 8. de Metallar.* conjungenda cum sit, clare docet, hanc fuisse rationem concedendi licentiam marmora exscindendi.) Dein Arcadius & Honorius in *l. 37. C. Theod. de oper. publ.* & ultimo etiam Theodoricus apud *Cassiodor. 2. var. 7. & 3. 9.* dat licentiam, edificandi ex delapsorum adificiorum marmoribus, si vera fide constet sine usu jacere columnas, & lapides vetustatis invidia demolitos, quo casu licet ex iis novas domos exstruere, aliter non vult, ornatum urbis, cujusquam temeraria præscriptione violari.

Altera ratio, qua permoti Imperatores posteriores privatis, ubicunque invenerint, saxa exscindendi facultatem dederunt, erat, ut Urbs Constantinopolis superbis ædificiis instauraretur, quibus antiquæ Romæ moles & machinas æmularetur; cum autem quorundam cupiditate & avaritia ad immensum pretium marmora excrevissent, nec hominibus mediocribus ea comparandi facultas esset, Constan-

tinus, Julianus & cæteri Imperatores, ut sumptuosa voluptas relaxaretur, permiserunt omnibus, qui vellent, saxa cædere l. 1. & 2. *C. Theod. de Metall.* Augebat etiam pretium lapidum, horum temporum luxus in ædificandis ædibus, quo & Imperatores, & ad eorum exemplum privati discurrerant, ita ut ipsi milites, pro tentoriis & ex pellibus contextis tabernaculis, jam marmoreis in ædibus delitescerent, teste *Annamian. Marcel. lib. 22. c. 24.* & præcipue hoc studium ædificandi incendebat Theodosius, qui ornandæ novæ Romæ omnem curam adhibuit ut testantur l. 10. & 11. *C. Theod. de Metallar.*

Proximum Metallorum vectigal est illud quod ex Salinis redigitur: nam plerumque Salinæ cum argenti & aurifodinis & reliquis Metallis conjunguntur l. 1. ff. *quod cujusque univ.* & l. 117 §. 1. *de V. S. & Solin. c. 5.* dicit *Salinarum Metalla.*

Vectigal salis ex *Salinis*, in quibus sal conficiebatur, cogebatur; Salinas primus apud Romanos instituit Ancus Marcius, testibus *Plin. lib. 31. c. 7. & Liv. 1. c. 33.* quæ fuere circa Hostiam. Aliæ fuere in ipsa etiam Urbe Roma; postea plures Salinæ, adjectis provinciis;

H 2 fuere;

fuere, quæ, ut de Metallis supra diximus, dupliciter considerandæ sunt: fuere enim vel publici vel privati juris. Publici erant illæ, quæ ad reipublicæ, & postea ad Imperatorum patrimonium spectabant, ut illæ Anci Marci & plures. Hinc vectigalis & Mancipum Salinarum, qui Imperatorum salinas exercerent, sæpe mentio fit *l. 59. §. 1. ff. de hered. instit. l. 17. §. 1. de V. S. l. 11. C. de Vectigal.* in has salinas damnati aliquando detrudebantur, eodem modo ut in Metalla; ordinaria vero hæc erat noxiarum foeminarum pœna. *l. 6. ff. de captiv. & post. l. 8. ff. de pœn.* Privatarum etiam Salinarum mentio fit in *l. 4. §. 1. ff. de reb. eor. qui sub tut. & l. 22. §. 3. de usu. & usufr. leg.*

Primum vectigal sali impositum apud Romanos est a Censoribus M. Livio & C. Claudio qui teste *Liv. lib. 29. c. 37. Novum vectigal ex salaria annona statuerunt*, unde & Livio, cuius id commentum credebatur, *Salinatori indictum cognomen*: nam non audiendus est *Bullenger. de Vect. P. R. c. 16.* qui vult Salinatorem non introduxisse, sed abolitum restituisse hoc vectigal, clare enim *novum*, id est, ante id tempus incognitum & inauditum appellat illud *Livius*. Quantum vero hoc vectigal fuerit nusquam,

Quam, quod equidem sciam, indicatur. Sub Imperatoribus eandem hujus vectigalis quantitatem, quæ Metallorum erat, nim. decimam, fuisse vult *Pancirol. 3. var. lect. 31.* quod an verum sit, nostrum non est definire.

Lege Cæcilia hoc vectigal cum reliquis sublatum esse vult *Bulenger. d. l.* quod an ex loco *Ciceronis 2. ad Att. ep. 16.* erui possit, dubito, cum ibi de vectigalibus sublatis, quæ pro portoriis in Italia solvebantur, tantum sermo est, non de illis, quæ ex Salinis solvebantur, & *Cic. in orat. de Leg. Manil.* manifeste Salinarum meminerit & earum vectigalis: dicit enim *Publicanos maximas familias in Salinis habuisse*: ad quem locum doctissimus *Hottomanus* contrarium sentire videtur, cum scribit, hoc vectigal tantum in Italia fuisse exactum, non vero in provinciis, ideoque pro *Salinis* in loco *Ciceronis* legit *salictis*, & de publicanis scripturæ accipit; quod licet ibi menti *Ciceronis* convenire posset, male tamen a Viro docto negatur ex provinciis hoc vectigal fuisse exactum: cum clara & manifesta sint apud plurimos auctores testimonia, de Salinis in provinciis Romanæ ditionis. v. *Plin. lib. 31. c. 7.* Sic in Macedonia salem fuisse, patet ex

decreto Senatus, quo Macedonibus *verabatur in sale inuito*. Liv. 45. c. 29. Agrigentinis talis meminit Solin. c. 5. neque verosimile est Romanos, cum Syriam subegissent, vectigal salis, quod ante a Regibus ibi exercebatur, neglexisse. De vectigali salis, quod Judæi solvebant Syriæ Regi, insignis locus est 1. *Machab. c. 10. v. 29.* ubi dicitur, Demetrius hoc Judæis remisisse. Sub Imperatoribus minus dubitationis superest: nam cum Cappadocia in provinciæ formam esset redacta, credibile est, ex ea provincia, quæ salis erat abundans *Plin. d. 1.* maxime ærarium eorum, salis vectigal locupletasse, & aperte ex l. 4. §. 7. ff. *de censib.* colligitur, ibi agi de salinis in provinciis, cum toto illo titulo de jure Italico sive immunitate civitatum & colomarum extra Italiam sermo fit.

Vendere olim sal licuit privatis ante tempora libertatis, sed cum eorum avaritia, impenso pretio veniret, exactis Regibus, *vendendi salis arbitrium, in publicum omni sumptu, ademptum privatis*, Liv. 2. 9. neque stante republica iterum vendendi facultas cum privatis communicata esse videtur: cum vero sæpius & in jure & apud auctores mentio fiat Salinarum pri-

privatarum, viri docti putant, vendendi quidem facultatem, non vero fabricandi salinas privatis esse ablatam, & debuisse sal, quod in salinis privatis conficiebatur, vendi fisco, vel mancipibus salinarum publicarum, idque ab Arcadio & Honorio constitutum legimus *l. 11. C. de Vectigal.* cui potest adjungi *l. 3. C. Theod. de Metallar.* ubi Fisco datur jus *πρωτοπραξίας* auri, quod in privatorum fodinis reperitur. Non tamen puto absolute ita vendendi salis copiam privatis ademtam, nam in *l. 32. §. 3. ff. de usu. & usufr. leg.* Ictus loquitur de salinarum usufructu legato, quæ privatorum necessario erant, & in quibus non minimus modus salis venalis erat. Ut omnes species, frumentum, vinum, oleum &c magistratibus & officialibus in salarium esse datas diximus, sic præcipue sal illis sumministrabatur; a sale etiam *Salarium* dictum est, unde in *Gloss. Salarium* *ἐλατικόν*: nam argute magis, quam vere *Cujac. ad l. unic. C. de præbend. salar. lib. 10.* *salarium* dictum, quod inde se alant, putat. Antiquis republicæ temporibus Magistratibus in provincias vel legationis causa peregre abeuntibus, solebant sumptus itineris decerni, ne sociis vel provincialibus molesti esse

cogerentur, mulis, tabernaculis vehiculis & cætero ad iter necessario instrumento ornabantur, quam præstationem locabant publice redemptoribus, qui hæc omnia Magistratibus præberent, qui dicebantur *παρέχοι* a *παρέχειν* *præbere*; hinc in *Gloss.* *Jalarium* vertitur *παροχή*. Inter hæc erat etiam præstatio salis, ut ex *Horat.* 1. *Jat.* 5. v. 45. apparet

*Proxima Campano ponti qua villula, tectum
Præbuit, & Parochi, qui debent ligna sa-
lemque*

Ad quem locum erudita multa commentatus est *Torrentius*. Postea lege Julia præscriptus est modus Magistratibus, quidnam a Provincialibus exigent, & deinde ab Augusto pecunia, loco omnium harum rerum, constituta est. *Suet. c.* 36. & Alexander Severus *Judices* cum promoveret exemplo veterum, ut & Cicero docet, & argento & necessariis instruebat, ita ut *Præsides* provinciarum acciperent argenti pondo vicena, phialas senas, mulos binos, equos binos, vestes forenses binas, domesticas singulas, balneares singulas, aureos centenos, cocos singulos, & si uxores non haberent, singulas concubinas, quod sine his esse non possent. ubi plura de his *Casaub.* & *Salmas.*

CAP. VII.

De jure Constituendi Vectigalia.

Elebribus his vectigalibus, quæ ex agris, pascuis, portubus & Metallis redigebantur, alia, quæ, vel stante etiam republica, illis addita, vel sub Imperio illis diminutis & abolitis, subrogata sunt, annectenda forent. Sed cum quatuor hæc vectigalium genera eodem modo a Romanis exercita sint, commodum visum fuit, disputationem de institutione & locatione vectigalium subjicere, & postea singulis vectigalius diversam ab his exercendi rationem subnectere.

Prima ætate Romæ jus & facultas Vectigalia instituendi penes Reges fuit, *omnia enim Manu Regis agebantur* l. 2. §. 1. ff. de Orig. jur. instituisse autem vectigalia Reges, supra, cum de portoriis ageremus, ostendimus; quibus addi potest locus *Livii*. 1. c. 42. ex quo apparet Servium, cum censum instituisset, populumque in classes & centurias descripsisset, etiam curasse, *ut belli & pacis munia non vi-*
ritim

122 *De Vectigalibus Pop. Rom.*

ritem, ut ante, sed pro habitu pecunia fierent, quam vel ex vectigali, vel ex tributo collegit.

Mutata deinde reipublicæ forma, & ejectis Regibus, quæ ante illis potestas compete-
bat, inter Senatum, Magistratus & Populum divisa
fuit, ut unaquæque pars sibi commissam fa-
cultatem in bonum & utile reipublicæ exerce-
ret. Apud quam vero fuerit potestas Vectiga-
lia nova instituendi, an ea Senatui inconsulto
Populo? an Magistratibus quibusdam, com-
petierit? an vero Senatusconsulto Populi jus-
sus accedere debuerit? anceps & difficile est
definire, cum multa Auctorum loca diverso
modo vectigalium institutiones referant. *Ma-
nut. de Senat. Rom.* scribit. *Vectigal etiam vi-
ctis gentibus, non sine Populo, Senatus impo-
nebat.* cuius tamen sententiæ accedere non
possum, cum argumenta, quibus opinionem
suam firmare conatur, debiliora esse videan-
tur; quare Senatui potius hanc facultatem
competiisse existimo. Nam primo aperte
Manutium refutat, quod de Macedonia sub-
acta refert *Liv. lib. 45. c. 18.* ubi de ordinan-
da Macedonia, & vectigali ex ea cogendo,
nihil ad Populum relatum legitur, solus Se-
natus decem legatos in Macedoniam mittit,
qui

qui ex Senatus sententia omnia perficerent, & deinde c. 29. Paullus Macedonibus recitavit quæ Senatus & sibi ex consilii sententia visa erant. nihil de populi jussu loquens. Similia in Illyrico & cæteris provinciis observata fuere. De Ambracensibus etiam Senatusconsultum factum est, quod refert Liv. 38. c. 44. Populi partes erant tantum bellum vel foedus jubere vel vetare, sed provincias & ærarium curare ad Senatum pertinebat. Accedit gravissimi auctoris Polybii testimonium, qui lib. 6. describens formam reipublicæ Romanæ, & trium partium munera distinguens, expresse de Senatu affirmet καὶ μὴν ἡ σύγκλητος πρῶτον μὲν ἔχει τὴν τῶ ταυιέων κυρίαν. καὶ γὰρ τὸ εἰσόδου πάσης αὐτὴ κρατεῖ, καὶ τὸ ἐξόδου παραπλησίως. Et primo quidem Senatus habet curam ærarii: nam & introituum, & expensarum plenum penes eum est arbitrium; & postquam plura ibi Senatus munera & jura enumerasset, addit Populi nullas in his esse partes; & paulo post iterum agens de vectigalibus, addit ἔχει δὲ περὶ παντὶ τῶ προειρημένων τὴν κυρίαν τὸ συνέδριον. habet vero prædictorum omnium potestatem Senatus; quibus nihil hac in re clarius esse potest. Inde quoque confirmari nostra sententia videtur,

124 *De Vectigalibus Pop. Rom.*

tur, quod verso jam reipublicæ statu, & ad Imperatores delata rei summa, Senatui species hujus potestatis in ludibrium relicta sit. Sic de Tiberio scribit *Sueton. c. 30. eum retulisse ad Senatores de Vectigalibus ac monopolis, extruendis & reficiendis operibus &c. & Tacit. 13. an. 49. dicit aperte, etiam sub Nerone, licere Patribus, de bello aut pace, de Vectigalibus & legibus, suadere & dissuadere.* Imo ipsi loci a Manutio adducti contrarium docere possent. Ac primo *Cicero in 5. Verr. ubi dicit L. Octavio & C. Cotta Consulibus Senatus permisit, ut vini & olei decimas, &c. Romæ venderent, legemque his rebus, quæ ipsis videretur, edicerent.* nihil ejus sententiam juvat, cum ibi tantum agatur de venditione vectigalium Siciliæ, quæ ex privilegio debebant in ipsa Sicilia vendi, sed hic jusserat Senatus ut Romæ venderent Consules, quo, cum jura provinciæ Siciliæ, quæ ipsis fœdere a Romanis essent constituta, mutarentur, necessaria erat & auctoritas Senatus, & jussus Populi, ut illi qui fœdere sanciendo adfuissent, iidem in lege Hieronica vindicanda, perseverarent. Alterum ejus argumentum est, a frumento, quod Prætores in cellam suam sumebant, quod ex

SCIO

Scito & legibus eis licitum esse dicitur, & deinde de lege Terentia & Cassia quædam adjungit, qua Frumentum Populo Romano vendere tenebantur civitates; in quibus tamen nihil subsidii est, cum illæ leges non de vectigalibus, sed de potestate Magistratuum, qui in provincias mittebantur, latæ esse videantur: nam de lege Terentia & Cassia, ita Cic. in 7. Verr. Denique cum ex Senatusconsulto, itemque ex lege Terentia & Cassia frumentum æquabiliter emi ab omnibus Sicilia civitatibus oporteret, id quoque munus leve atque commune Mamertinis remisisti. ex quibus manifestum est, non lege Terentia & Cassia cautum fuisse de frumenti vectigali exigendo, sed ut Magistratus, qui in Siciliam mittendi essent, institutum jam diu hoc empti frumenti onus, æquabiliter omnibus civitatibus describerent, neque uni gratiam faciendo aliam premerent; & sic Verres Mamertinis hoc munus contra legem Terentiam & Cassiam remisit: nam etiam frumentum emptum a Senatu Imperatum esse provinciis, ex Liv. lib. 37. c. 2. & 50. & cæteris locis, quos supra adduximus, manifestum est. Eodem modo res se habet, cum frumento quod in cellam suam

Prætor

Prætor sumebar, ex Scto & lege: nam si Manutius meminisset modo eorum, quæ paulo ante, eadem fere pagina, docuisset, aliter puto censuisset. Magistratibus enim, in provincias euntibus, imperium tantum Senatusconsulto dabatur, sed omnes sumptus ex lege ipsis debebant decerni, quod pluribus exemplis & auctorum locis ibidem adstruit Manutius: sic ergo recte Prætor dici potest frumentum in cellam summisse ex lege, qua ipsi sumptus decreti erant. Alter etiam est Ciceronis locus, nostram opinionem juvans, quem paulo ante adduxerat idem Manutius, ut probaret, quemadmodum lex lege abrogari potuerit, sic Sctum Scto tolli potuisse; eo loco dicitur ex Senatusconsulto civitates quasdam a vectigali, in gratiam Sullæ, liberatas, postea itidem ex Senatusconsulto, vetus vectigal iterum impositum esse. *Cic. 3. de offic* unde abunde in instituendo & abolendo vectigali Senatus auctoritas adstruitur.

Magistratus vero non habebat jus vectigalia instituendi, sed exercendi, locandi & administrandi arbitrium penes *Censores* erat: nam quamvis quidam auctorum loci etiam constituendi, Censoribus facultatem adscribere videantur, rectius id illorum auctoritate & suasionibus

tionibus a Senatu esse factum dici potest; sic Liv. 4. c. 8. de Origine Censuræ differens, dicit, *sub ditione ejus Magistratus publicorum jus privatorumque locorum, & vectigalia Populi Romani sub nutu atque arbitrio esse.* & eodem modo lib. 40. c. 51. dicuntur Censores M. Æmilius & M. Fulvius portoria & multa vectigalia instituisse. Et Livius Salinator novum vectigal ex salaria annona statuisse, quæ omnia tantum, illis inventoribus & suavoribus, instituta fuisse credenda sunt. Neque etiam Magistratibus, qui in provincias mittebantur, vectigalia nova instituere licuit. Sic objectum est M. Fonteio eum portoria vini in Gallia instituisse, quod crimen & crimen ipso genere magnum, Cicero *pro Fonteio*. dicit, & hoc falsum esse & injuria Fonteio obijci, ostendit in parte ea orationis, quæ periit. Pisoni etiam obijcit Cicero, eum Vectigalem Provinciam, singulis rebus, quæ venirent, certo portorio imposito, fecisse. Postea, cum res Romana in arbitrium Cæsarum venisset, Senatui & Magistratibus omnis facultas adempta fuit, vectigalia instituendi vel exercendi, neque cuiquam nisi Imperatori, vel cui ille mandaverat, usurpata. ita Ictus in l. 10. ff. de publico.

Vecti-

Vectigalia sine Imperatoris praecepto, neque Curatori, neque Curiae, constituere, nec praecedentia reformare, & his vel addere, vel diminueret licet. idque multis legibus Imperatores vetuerunt, quarum quaedam in Codice, sub titulo, Vectigalia nova institui non posse, relatae sunt, & gravissimae poenae constitutae sunt contra eos, qui nova vectigalia instituunt, sic eos lege Julia de vi publica, & lege Julia de ambitu teneri a Jctis scriptum est in l. ult. ff. de leg. Jul. de vi publ. & l. unic. §. 3. ff. de amb.

Pauca etiam subjicienda sunt de Civitatum & Municipiorum jure circa Vectigalia. Antea jam ostendimus, plerisque civitatibus, fuisse agros, pascua & metalla, ex quibus vectigal caperent, quibus onera sustinerent; sed jus ipsum vectigalis novi alicujus instituendi non habuerunt, sed illud a Senatu vel postea ab Imperatoribus obtinere debuerunt. Sic in l. ult. §. 15. ff. de muner. & honor. dicuntur quaedam civitates habere praerogativam, ut hi, qui in territorio earum possident, certum quid frumenti, pro mensura agri, per singulos annos, praebeant. & in l. 27. §. 5. ff. de usufr. dicuntur possessores solere viliori pretio frumentum municipio

capio addicere, quod est species frumenti empti. Plura exempla sunt hujus munificentiae, qua Imperatores civitatibus hoc jus largiti sunt. Insigne est monumentum quod refert *Gruer.* p. 164. i. ubi Vespasianus Decurionibus Sabo-
rensis ita rescribit.

VECTIGALIA, QUAE A DIVO AUGUSTO
ACCEPISSE DICITIS, CUSTODITO, SI QUAE
NOVA ADJICERE VULTIS, DE HIS PROCOS.
PROVINCIAE ADIRE DEBETIS, EGO ENIM,
RESPONSO PRIUS AB EO NON ACCEPTO, NI-
HIL CONSTITUERE POSSUM.

Simile ab Imperatoribus Severo & Antonino
rescribitur in l. 1. 2. & 3. C. *vectigal. nov. instit.*
non pos. Eodem modo Alexander Severus, *Vecti-*
galia civitatibus ad proprias fabricas deputavit,
teste *Lamprid.* c. 21. & infinita hujus consue-
tudinis exempla coacervari possent. Contra-
vero, si male merita essent civitates, rursus
vectigalia illis adimebantur. Sic Tiberius, pro-
dente *Suet.* c. 49. *Pluribus civitatibus & priva-*
tis veteres immunitates, & jus Metallorum,
ac Vectigalia ademit. Regibus etiam jus vecti-
galia exercendi ablatum, & non, nisi permissu
Caesarum, illud exercitum. Sic Caligula, si qui-
bus regna restituit, adjecit & fructum omnium
I vecti-

vectigalium, & reditus medii temporis. Sueton. Cal. 16. Eodem jure, quo Municipia, postea illa Urbs, Gentium & orbis domina, Roma ab Imperatoribus habita fuit: nam imminuta Senatus auctoritate, sublato Ærarii & Fisci discrimine, omnia vectigalia in Principis usus & rationes sunt relata. Romæ, ut oppido alicui minori, quædam minuta vectigalia ad opera publica & cæteras necessitates relictæ, & deputata. Sic vectigal, quod ex æquæductibus pendebatur, Populo Romano ademit Domitianus, quod postea Divus Nerva ei restituit, teste *Frontino. de æquæduct. lib. 2.* & Aurelianus *Vectigal, ex Ægypto, vitri, chartæ, lini, stupæ atque anabolicas species Romæ urbi constituisse*, narratur a *Vopisc. in Aurel. c. 45.* quin & Ærarium deinde ipsum ablatum Romæ, &, ut cæteris oppidis, arca aliqua assignata, quam omnibus municipiis, imo & privatis societatibus, habere permittitur *l. 1. ff. quod cuius univ. nom.* hinc idem Aurelianus apud *Vopisc. c. 20.* scribit Senatui, *est præterea vestre auctoritatis arca publica, quam magis referam esse reperio, quam cupio.* Ut Civitatibus, sic etiam Vestalibus virginibus *Vectigalia quædam data sunt; præcipue agri*
vecti-

vectigales. unde ab *Hygin.* & aliis rerum agrariarum auctoribus, *Virginum Vestalium agri Vectigales memorantur.* Hæc beneficia liberalitate Principum postea aucta fuere: de Augusto prodit *Sueton. c. 31.* eum *commoda sacerdotum, sed præcipue Vestalium auxisse;* quo alludit *Ovid. 6. fast. v. 455.*

Nunc bene lucetis sacra sub Casare flamma. Templâ etiam Romanorum opimis redditibus & vectigalibus erant instructa, quibus sacrificia & sacerdotes tuebantur; aperte de templorum vectigalibus *Terull. Apolog. c. 42.* certe templorum vectigalia quotidie decoquunt, stipes quotusquisque jam jactat. hinc intelligitur, quodnam sit *Vectigal Capitolii*, cujus meminit *Senec. consol. ad Helv. c. 10.* ubi dicit Apicium plus commensationibus suis consumsisse, quam Principes in congiaria profundere solerent, vel quam vectigal Capitolii fuerit, quæ, cum commoda sit ejus loci sententia, male a *Lipso* rejicitur, & emendatio sua præfertur: etsi vero à Principibus præcipue templâ vectigalia & redditus impetrabant, plurimum tamen privatorum liberalitas in illa quotidie conferebat; unde frequens in auctoribus & monumentis publicis

mentio fit donariorum, ex voto, Diis & eorum templis ad ornatum & tutelam factorum. Insigne exstat apud *Reines. 1. inscr. 269.* ubi pro restituta valetudine *Felicianus* quidam, ex voto *adiculam cum adjuncto fundo, & ex eo annuo vectigali, Deo Aeterno dedicat.* huc respicere etiam *Horatium* puto. 3. od. 24.

Vel nos in Capitolium,

Quo clamor vocat & turba faventum,

Vel nos in mare proximum

Gemmas, & lapides aurum & inutile

Summi materiam mali

Mittamus.

Vid. J. Rycq. de Capitol. c. 21.

C A P. VIII.

De jure exercendi & locandi Vectigalia.



Æc de instituendi Vectigalis jure sufficient; exercitium Vectigalium, quod in locando, vendendo & pecuniam ex illis redactam in ærarium importando, consistebat, Senatus Magistratibus permisit.

Cura

Dissertatio. CAP. VIII. 133

Cura hæc olim incumbebat Censoribus, quorum sub nutu & arbitrio vectigalia erant; unde passim in locis, quos huc usque adduximus, Censorum jus hoc adstruitur. Hi locaturi vectigalia, publice Romæ tabulas proponebant, quibus leges & conditiones, quibus vectigalia locarent, inscriptæ erant, inde dictas *tabulas Censorias & Leges Censorias*. Cic. 1. *orat. agrar. contr. Rull. Plin. 18. c. 3.* His etiam multæ contra delinquentes & fraudantes continebantur, unde *Varr. 2. de re rust.*, dixit *lege Censoria committere*. Deinde ponebatur hasta in foro *Liv. 43. c. 16.* ad quam locatio fiebat, quæ trita & omnibus nota, hic indicasse sufficiat. Debebat vero locatio omnium vectigalium, quæ per totum imperium Romanum exigebantur, fieri Romæ *Cic. 1. agrar. contr. Rull. Censoribus Vectigalia locare, nisi in conspectu Populi Romani, non licet, his vendere vel in ultimis terris licebit.* & 2. *agrar. Vectigalia locare nusquam licet, nisi in hac urbe, hoc ex loco, hac vestra frequentia.* hinc *Cic. 5. Verr. dicit in Asia constitutam esse Censoriam locationem.* quæ tamen Romæ peragebatur. Hæc porro locatio fiebat mense Martio, ex antiquo instituto, quo

134 *De Vectigalibus Pop. Rom.*

ille mensis primus anni habebatur, & Magistratus honores auspicabantur. *Macrob. 1. Saturn. 12.* Hoc (mense Martio) comitia auspicabantur, vectigalia locabant; hinc & iduum Martiarum mentio fit in l. 15. ff. de publican., & in eo vectigalium locatio a fundorum & ædium locatione differebat, quæ peragebatur Calendis Juliis, ut multis docuerunt viri docti, quos allegat *Reines. comm. ad inscript. 7. 34.*

Deinde locatio hæc in quinquennium sive lustrum fiebat: totidem enim annis Censores Magistratum gerebant, & singulis lustris finitis pecunia a publicanis repræsentari debebat. *Cic. 6. ad Att. 2.* Populi nullo gemitu Publicanis, quibus hæc lustro nihil soluerant, etiam superioris lustris reddiderunt. Sic omne æs ante quadrennium publicanis solutum fuisse, in *Lucull.* testatur *Plutarch.* & hoc infinitis auctorum locis constat, & hinc *Lustrum* dictum, quia quinto quoque anno vectigalia solvebantur, docet *Varro. de Ling. Latin. lib. 5.* Cum autem antiqui Romani non recte Annum degesserint, sed pro arbitrio Sacerdotum & Pontificum intercalationibus uterentur, Publicani cum illis colludebant, ut vel subtraherent tempora, vel au-
gerent

gerent. *Ann. Marcell. 26. c. 1.* plura de locationibus vectigalium hic possent annecti, sed cum ea vulgaria, & cuiusvis, qui mediocriter saltem veterum scripta legerit, nota sint, non amplius his insistemus, duo tantum argumenta, quibus viri docti quidam permoti, non Censoribus solum, sed aliquando etiam Consulibus locandi provinciam competuisse, putant, excutiemus.

Ac primo vectigal, quod ex pascuis scripturæ nomine exigebatur, ad Consules pertinuisse, inde putant probari, quod aliquando Consulibus data sit provincia silvarum & callium; ut illud refert *Sueton. Cæs. c. 19.* operam optimatibus datam esse, dicens, *ut futuris Consulibus provincia minimi negotii, id est silva tallesque darentur, quem locum Bunslinger. de Hæd. P. R. c. 10.* subijcit aliis, quibus vectigal scripturæ datum Romanis probat; quod tamen minime inde excudi posse putamus, sed totum hoc negotium, non nisi commentum *νοήτιον* Romanorum optimatum fuit, qui cum Cæsaris ingenium turbidum, & ad aliquid contra rempublicam audendum paratum cernerent, noluerunt ipsi ordinariam Consulum provinciam obvenire, ad quam co-

piis & exercitu indigeret, quibus contra rempublicam uti posset, sed operam dabant, ut ipsi aliqua provincia decerneretur, ad quam nulla manu militari cum opus haberet, nihil reipublicæ ab ipso metuendum esset; itaque Cæsari silvæ & calles dati sunt, quæ provincia alias a Quæstore administrabatur; ut ex *Tacit. 4. ann. 27.* patet, ubi memoratur *Curtius Lupus*, cui provincia ex veteremore calles evenere, ex quo loco etiam patet hanc provinciam, non in exigendo vectigali scribeuræ, sed in purgandis callibus & viis publicis a latronibus, fuisse positam, quod postea sui immemor *Bulengerus* ex *Juvenali* etiam confirmat. Et deinde semel tantum hoc in tota republica Romana cum factum sit, nihil hinc præjudicari potest. Ridicule etiam *Petr. Crinit. de honest. discipul. lib. 4. c. 5.* scribit, Consulibus ideo silvarum provinciam datam, ut inde arbores & materiem navium fabricandarum cæderent. Manet ergo hoc inconcussum, Censores quoque curam scripturæ locandæ gessisse, quod & locis autorum declarari apertissime potest. Sic *Cic. in Brut.*, quem jam supra laudavimus, dicit *Silvam Scantiam a Censoribus locatam, & manife-*

nifestius Varr. de re rust. lib. 2. c. 1. dicit greges ovium ad publicanum profiteri, ne, si quis inscriptum pecus pavisset, lege Censoria committat.

Plus difficultatis habet secundum, quod nobis contrarium videtur, argumentum, quod ex Cic. 5. Verr. deducitur, ubi referuntur Consules decumas Siciliæ vendidisse; verba sunt. *L. Octavio & C. Cotta Consulibus, Senatus permittit, ut vini & olei decumas & frugum quas ante Verrem Quaestores vendere consuef-
sent, Roma venderent.* Hottomannus optimus Ciceronis interpres, hic valde fluctuat, & perplexe Ciceronem loqui credit, quia, hic Consulibus hanc potestatem a Senatu factam dicit; postea vero leges Censorias appellat; quare ille legit *L. Octavio & C. Cotta Censoribus*, quia sequitur, *cum locatio fieret, publicani postularunt, quasdam res ut ad legem adderent, neque tamen a Censoriis ceteris legibus recederent.* verum cum recte se habeat lectio loci Ciceronis, neque Hottomannus probet Octavium & Cottam unquam eodem tempore Censores fuisse, cum Consule eos fuisse A. U. C. 678. Cassiodorus & Fasti declarent, in illius sententiam de-

scendere non possum; neque etiam Cicero
 Censorias leges vocat, quas ante a Consuli-
 bus datas esse dicit, sed totum negotium ita
 explicandum mihi videtur ut, Octavio &
 Cotta Consulibus (cum ii consules essent)
 Senatus aliquid immutaverit, in locatione
 decumarum Siciliae, quas ante Verris prae-
 ram Quaestores in ipsa Sicilia, non, ut reli-
 qua Vectigalia, Romae, vendere consue-
 sent; nunc vero, ob quam rationem non
 addit Cicero, Romae venditionem, non a
 Consulibus, sed a Quaestoribus peragi jussit,
 utque Consules leges & conditiones lo-
 cationi dicerent, quod eorum officii fuisse, in-
 fra pluribus demonstrabitur. Cumque Pu-
 blicani postularent, ut aliquid adderetur legi
 locationis, quod antea non continebatur,
 contradixit Sthenius Thermitanus, petiitque
 ut lege Hieronica venderentur decumae, quod
 & factum est. Et quod de Censoriis legibus
 adjungit, id tantum significat, Publicanos
 petiisse, ut ad exemplum aliarum locationum,
 quae a Censoribus fiebant, etiam Siciliae de-
 cumae venirent, quod non obtinuerunt, ob-
 loquente Sthenio, unde praerogativa aliqua
 usos fuisse Siculos in locationibus suarum de-
 cumarum.

cumarum colligitur; quæ præcipue in eo consistebat, ut vectigalia Siciliae non a Censoribus, sed ab ipsis Magistratibus, qui eam provinciam obtinebant, non Romæ in foro, sed in ipsa insula, non nova lege & conditione, sed veteri & Hieronica vendi debuerint. Hanc Siciliae & aliarum provinciarum differentiam luculenter paulo ante descripserat Cicero, inquit. *Inter Siciliam ceterasque provincias hoc interest, quod ceteris aut impostum vectigal est certum, quod stipendiarium dicitur, ut Hispanis & plerisque Pœnorum, quasi victoria premium & pœna belli, aut Censoria locatio constituta est, ut Asia lege Sempronia, Sicilia Civitates sic in amicitiam fidemque recepinus, ut eodem jure essent, quo fuissent, eadem conditione populo Romano parerent, quæ suis ante paruissent.* Non autem tota Sicilia æquali jure a Romanis habebatur, sed ea tantum pars, quæ in fidem & obsequium se dediderat, ceteræ vero civitates, quæ bello punico, a Romanis ad Pœnos deficientes, armis provinciæ adjectæ erant, deterioris conditionis habebantur; de iis sic Cicero. *Per pauca civitates Sicilia sunt bello a Majoribus nostris subacta, quarum ager,*
mod cum

cum esset publicus Populi Romani factus; tamen illis est redditus, is ager a Censoribus locari solet. locus obscurus & difficilis, & qui Herald. animad in Salm. ad jus. att. lib. 1. c. 3. §. 27. sollicitum habet, qui, ut se expediat, putat Ciceronem, indicare illarum civitatum agros, cum jure belli potuerint publicari, redditos fuisse antiquis possessoribus, & eodem jure, quo cæteræ Siciliae civitates erant, habitas; decumas etiam ab iis exactas, hoc tamen discrimine, ut, cum reliquarum decumæ a Magistratu Romano, qui provinciæ præerat, locarentur, harum civitatum ab ipsis Censoribus decumæ venderentur, & in eo meliorem harum conditionem fuisse vult, quod nullis publicanorum exactationibus vel avaritiæ expositæ essent, sed decumas ipsis Censoribus præstarent, hocque illis ex fœdere datum, cujus tamen expositioni non accedimus: nam primo, jam ante ostendimus, nunquam decumas Siciliae a Censoribus locatas, quia id privilegium Siculis erat fœdere datum, ut decumæ in ipsa insula venderentur, quod necessario a Prætore debebat peragi, cum Censores Romæ tantum locarent vectigalia; sed præterea ne verbum

bum quidem Cicero facit de decumis venditis, sed de locatione agrorum, qui publici Populi Romani facti, illis sunt redditus; & deinde absurdum haud immerito videri posset, civitatum bello subactarum meliorem esse conditionem, quam earum, quæ deditio & foedere in ditionem Romanorum cesserant. Ut ergo rectus huic loco constet sensus, sciendum est, in Sicilia non omnes agros fuisse decumanos, sed eos tantum earum civitatum, quæ foedere & deditio Romanis concessere, qui eadem lege & onere, quo quondam Hieroni erant obnoxii, Romanis paruerunt, agri autem civitatum bello subactarum, non videntur tam clementer habitum fuisse, nec potuisse præstatione decumarum defungi, sed toti agri a Romanis publicati cum essent, postea videntur illis esse redditus, quod tamen non tam ample cum Heraldio capimus, ut totus ager ita antiquis possessoribus sit restitutus, ut eodem jure cum reliquis Siculis essent: nulla enim tunc poena defectionis in eos statuta fuisset, & deinde absurde subjungeret Cicero, *eum agrum a Censoribus fuisse locatum*, sed verosimile est Romanos, retento sibi dominio, agros illos publi-

publicatos, antiquis possessoribus arandos locasse certa mercede & pretio, quod lege Censoria definiebatur, & quod præstatione decumarum erat uberius; aperte hoc indicat *Cic. in 7. Verr.* ubi distinctio horum agrorum a decumanis manifesta est. *Qui agros publicos arant, certum est, quid ex lege Censoria dare debeant, cur iis quicquam præterea ex alio genere impera visti? quid decumani? numquid præter singulas decumas ex lege Heronica debent?* neque hoc inusitatum erat Romanis, ut agros victis ademptos antiquis possessoribus arandos certa mercede concederent, quo eos illis reddere videbantur, sic *Hygin de condit agror.* cum dixisset, quosdam agros, qui in divisione superfuerant, & publici remanserant, fuisse locatos per annos quinos vel in annos centenos, addit, *in quo tamen genere sunt aliquibus nominatim redditæ possessiones.* Hi ergo agri videntur a Censoribus esse locati, quia caput patrimonii populi Rom. videbantur esse, cuius omnis cura erat Censori, ut patrifamilias reipublicæ, commissa. Abunde jam puto Censorum in locationibus vectigalium auctoritatem esse assertam, quæ tanta fuit, ut pro arbitrio illi vel

magno

magno locarent, vel parvo etiam addicerent. Insigne acerbitatis Censorie exemplum est apud Liv. lib. 43. c. 16. ubi cum Censores edixissent, ne quis eorum, qui Q. Fulvio & A. Posthumio Censoribus publica vectigalia & ultra tributa conduxissent, ad hastam suam accederet, sociusque aut affinis ejus conductionis esset, frustra veteres publicani petebant, ut modus Censoriæ potestati fieret: omnis autem eorum potestas circa locationes finiebatur, pecuniam ex vectigalibus redactam ipsi non recipiebant, sed Quæstorum ea cura erat, qui ærarium & ejus redditus administrabant, quod notissimum est. Deinde non licebat Censoribus pecuniam ullam, absque decreto Senatus, ex ærario sumere, ad opera publica facienda. Liv. 44. c. 16. *Quum* iis (Censoribus) dimidium ex vectigalibus ejus anni attributum ex senatusconsulto a Quæstoribus esset. Ti. Sempronius ex ea pecunia, que ipsi attributa erat, ædes P. Africani pone veteres, ad Fortumni signum, lanienasque & tabernas conjunctas in publicum emit, basilicamque faciendam curavit & lib. 40. c. 46. Censoribus postulantibus ut pecunia summa sibi, qua in opera publica uterentur, attribueretur, vectigal au-

144 *De Vectigalibus Pop. Rom.*

num decretum est. Imo Quæstores ne minimam quidem summam, etiam ad quotidianos usus, ex ærario poterant promere, sine jussu Senatus, ut hæc luculenter describit *Polyb. lib. 6.* deinde etiam in locationibus Consulum aliquod officium versatum fuit, ut illi nimirum inspicerent, ut omnia fide & sine detrimento republicæ peragerentur, & deinde peracta locatione rationes publicorum inspicerent & cum publicanis deducerent; hucque respexisse puto *Ovid. epist. ex pont. lib. 4. epist. 5. v. 19,* ad Sextum Pompejum Consulem ita scribentem.

Aut Populi redditus positam componet ad hastam

Et minui magna non sinet Urbis opus.

& *epist. 9. v. 45.* Græcino Consuli designato gratulatur hoc modo;

Nunc longi redditus hasta supponere Iustri

Cernet, & exacta cuncta locare fide.

qui loci illud clare videntur innuere; & clarius de rationibus publicanorum *Cic. 4. ad Att. ep. 11.* Dixit Pompejus Crassum a se in Albano expectari ante diem *iv. Kal. is* cum venisset Romam, esse statim venturos, ut rationes cum Publicanis putarent: aut enim Consules erant Pompejus

ejus & Crassus, aut iis, ut Consularibus, a Senatu erat mandatum, de hoc enim Interpretes non idem sentiunt. Et sic supra vidimus Octavium & Cottam Consules, cum decumæ Siciliæ Romæ venderentur, leges & conditiones locationi dixisse, & totam locationem eorum auspiciis peractam fuisse.

Hæc fuit Vectigalium administrandorum ratio sub republica, quæ postea ab Imperatoribus multum immutata est, cum ii aut veteres Magistratus abrogarent, vel eadem nomina relinquerent, adempta omni, quæ olim compete-
bat, vi & potestate; sic Censuræ munus fere extinctum bellorum civilium tempore fuit, quod postea reduxit Augustus. *Suet. Aug. 37.* creati Censores sub eo memorantur Paullus Æmilius Lepidus & L. Munacius Plancus A. U. C. 731. nono Augusti Imperii anno post pugnam Actiacam, ex quo iterum intermissa Censura usque ad A. U. C. 800, quo Claudius ipse Censuram gessit, testibus *Sueton. Claud. 16. & Plin. 10. cap. 2.* quod deinde posteri Imperatores æmulati sunt, ut Domitianus, & alii, de quibus varia monumenta exstant. Quæstoribus etiam curia ærarii ablata est, & a Julio Cæsare ad
K Ædi-

Ædiles translata, deinde ab Augusto Prætorii ærario præfecti, & postea valde circa Præfecturam ærarii variatum est, de quo videri potest *Lips. in excursu ad Lib. 13. ann. Tacit. & Gothofr. ad l. 42. ff. de iur. fisc.* Vectigalia ipsa etiam aliter administrata sunt, neque æqualem & eandem rationem in illis exercendis observatam fuisse credo. *Jul. Caesar publicis vectigalibus peculiares servos præposuit, teste Sueton. c. 76. deinde a Tacit. 15. ann. 18. dicuntur a Nerone tres Consulares L. Piso, Ducennius Geminus & Pompejus Paulinus vectigalibus præpositi esse.* Ordinarie vero vectigalium cura spectabat in provinciis ad Procuratores, quos Cæsares mittebant, ut fisci redditus & commoda curarent, si parvæ essent provinciæ, solus Procurator mittebatur, qui simul jure Præsidis provinciam regebat, & ut Procurator redditus publicos administrabat: si major esset provincia, cum Proconsule etiam Procurator in illam mittebatur, quæ omnia doctè Lipsius ad *Tacit. 12. ann. in excurs. & Vertran. ibid. & ad 1. Hist. 2. & 3. Hist. 42. tradiderunt.* Hi Procuratores plurimum ex Equitibus erant, ut ex *Tacit. 16. ann. 17. & in vita Agricola. c. 4. patet, & sæpe etiam liber-*

libertos Procuratores factos docent lapides veteres. Plura de Procuratoribus & eorum officio hic annectere, instituti non est nostri, luculenter satis Gutherius, Pancirolus & Commentatores ad Historias Augustas id præstiterunt. Deinde, quo tempore incertum, instituti sunt *Comites Sacrarum Largitionum*, qui omnibus vectigalibus totius Imperii præerant, & ad quos omne aurum & argentum ex vectigalibus collectum transmittebatur, hujus Magistratus officium & munus describere hic non est animus, adeat Lector *Guther. de off. dom. Aug. lib. 3. c. 16. & Pancirol. in comm. ad notit. dignit. Imp. orient. & occid.* Hinc plurimæ leges, quæ de vectigalibus latæ sunt, huic Comiti inscriptæ leguntur, *ut. l. 6. 8. 9. & 12. C. de Vectigal.* hic per singulas provincias sub sua dispositione habebat minores Magistratus, qui vectigali exigendo incumbabant, qui vel generaliter *Rationales* dicebantur, quorum in unaquaque provincia unus constituebatur, si vero mediocris esset provincia, tres vel plures sub uno Rationali erant; sic in *Notitia Imperii Occidentis* sub dispositione Comitum S. L. leguntur *Rationales summarum Italia, Asia, Galliarum &c. & Rationalis summarum*

marum trium Provinciarum Sicilia, Sardinia & Corsica. Deinde alius Magistratus in Provinciis erat, qui dicebatur *Præpositus Thesaurorum*, inde dictus, quia omnis pecunia, quæ per totas provincias colligebatur, ab exactoribus vectigalium, statim ut exactio celebrata fuerat, debebat transferri in aliquem locum Provinciæ, qui *Thesaurus* dicebatur. l. 1. C. de Canon. Largit. tit. lib. 10. cui *Præpositus* eam deinde *Comiti S. L.* trans mittebat. Hinc sub ejus dispositione in notitia dignitatis plurimi *Præpositi Thesaurorum* enumerantur. Ultra hos erant etiam *Comites Commerciorum*, qui in Notitia Orientis sub dispositione *Comitis S. L.* enumerantur; *Comites Commerciorum per Orientem & Ægyptum, per Mæsiam &c.* quorum quidem præcipuum munus erat, vestes, purpuram, gemmas & sericum domui Augustæ comparare, sed simul tamen operam dabant ne vectigalibus fraus fieret, ut ex l. 7. C. de Vectigal. colligitur; ita apud Gruter. 433. 4. in lapide reperitur *Comes Orientis Ægypti & Mesopotamie.* Deinde etiam vectigalia & tributa municipiorum ab ipsis *Decurionibus* exigebantur; spectabat vero hoc munus plerumque ad *Decem primos*, qui erant ii, qui

qui universis muneribus expletis, ad summum gradum pervenissent. Hi exigere tenebantur suo periculo. *l. 1. ff. de muner. & honor. & l. ult. §. 26. ff. eod.* Hæc in genere de cura vectigalium annotavimus, nunc breviter, quid in unoquoque genere obtinuerit, inspiciendum est, quidque diversum ab cæteris in singulis occurrat.

Primi vectigalis, quod in frumento consistebat, cura erat penes *Præfectum annonæ*; hic non ordinarius sub republica erat Magistratus, sed angustis temporibus, cum Urbs fame premeretur, extra ordinem creabatur, ut frumentum per provincias & vicinas gentes advehi curaret. Sic apud *Liv. lib. 9. c. 12.* in summa fame creatus est *L. Minucius Præfectus annonæ*, postea ampliori cum potestate hic Magistratus in Pompejum collatus est, & *omnis potestas rei frumentariæ toto orbe in quinquennium ei data est. Cic. 4. ad Att. 1.* Deinde ad exemplum Pompeji ipse Augustus Præfecturam annonæ suscepit, qui tamen, ne ipse molestia muneris defungeretur, singulis annis binos ex Prætoriis constituit, qui frumentum Populo dividerent, ut narrat *Dion. l. 54. in principio.* & hi sunt, quos *Suetonius* in
 K 3 ejus

ejus vita c. 37. vocat *Curatores frumenti populo dividundi*. Nescio autem, unde *Pancirolo* in *comm. ad Notit. dign. Occid. c. 5.* asserat, Augustum ex Equestri ordine unum elegisse Præfectum annonæ, cum ipse manifeste ad Dionis locum respiciat, ex quo aliter discere potuisset, video etiam male viros quosdam eruditos hos *Curatores* confundere cum *Præfecto annonæ*, cum hi inferiores & sub dispositione Præfecti erant. Non videtur vero Augustus diu Præfecturam hanc retinuisse, sed in alium transtulisse, hinc in initio imperii Tiberii memoratur Turranius Præfectus annonæ, *Tacit. 1. ann. 7.* qui ab eodem auctore *lib. II. c. 31.* dicitur *rei Frumentariæ Præfectus*, & ex illo tempore ordinaria potestas & dignitas fuit. Proximus hic Præfectus erat dignitate Præfecto Urbis, sub cujus dispositione erat, ut in *Notitia Utriusque Imperii* habetur, ad quam plura de hujus Magistratus officio *Pancirolo*.

Alterius vectigalis scripturæ cura ad nullos alios, quam Censores pertinuisse videtur, de quibus jam abunde dictum; *Ædiles* tamen curam etiam gessisse, ut pascua publica rite, & ab iis, quibus competeabat jus, depascerentur,
ex

ex locis supra adductis posset conjici, quibus eos multâ pecuarios, & alios contra legem pascentes affecisse, ostendimus. Sub Imperatoribus vero mutata pascuorum forma & ratione, ut supra diximus, etiam peculiares ministri, qui fisci curam gererent, constituti sunt. Præcipui erant Procuratores saltus, quorum mentio fit in *l. 1. C. de fund. & salt. rei dom.* & in inscriptione apud Gruter. p. 474. 4. dicitur *Proc. Saltus Domitiani*, in aliis inscriptionibus memorantur *Rationales saltuum*. Hi curabant pascua Imperatorum; aliud vero vectigalis genus, quod in carne & pecude præstatur, curabat Præfectus Annonæ, de quo jam satis egimus.

In exercendo etiam Portorio varie Magistratum cura versata est, & abrogata Censoribus potestate, præcipue hoc munus *Comitum Commenciorum* fuisse puto, de quibus paulo ante egimus, & ex *l. 7. C. de vect.* quæ, de portorio agens inscribitur *Comiti orienti*, colligitur; in portu Hostiensi peculiaris *Comes Portus Hostiensis* constitutus fuit, qui in notitia Imperii, sub dispositione Præfecti Urbis, habetur, hujus præcipua quidem cura erat, providere, ut negotiatores merces tuto in por-

tus inferrent, nec injuriæ obnoxii essent, ut multis docet *Panciroli in comment.* & ex *Cassiodor. 2. var. 11. & 7. 23.* liquet; sed & vectigalium & portorum, quæ pro mercibus solvebantur, credibile est rationem ad eum spectasse. Sub hujus dispositione credo fuisse, qui in *inscript. Reines. 1. 33.* dicitur. *Tabularius Ostiensis.*

Metalla olim etiam a Censoribus locabantur, ut supra ex *Plinio* docuimus, & hinc *Liv. lib. 45. c. 18.* appellat *Publicanos Metallum Macedonici.* Sub Principibus, quamvis etiam sub illis conductores Metallorum reperiuntur *l. 1. C. de Metallar.* hæc cura ad alios Magistratus translata fuit. Præfectum Prætorio Metalla curasse, docent leges, quæ huic inscriptæ sunt, *l. 3. C. de Metall. l. 6. 7. 10. & 11. C. Theod. eod.* Distinctione vero, quam antea tradidimus, observata, ut nimirum Metalla vel ut publica vel privata considerentur, etiam diverse officium Magistratuum versabatur circa ea: si enim in patrimonio Principis erant, ea curabat *Comes Rerum Privatarum*, cui inscripta est *l. 5. C. Theod. eod.* Ordinarie vero omnis proventus, qui ex Metallis reliquis fisco obveniebat, spectabat ad Comitem sacrarum largi-

largitionum, ut plurimarum legum inscriptiones docent. Sub hujus dispositione erant *Comites Metallorum*, ad quos est, *l. 1. C. de Metall.* & in Notitia Imperii recensetur sub dispositione Comitum S. L. *Comes Metallorum per Illyricum*. Hi sub se habebant Procuratores & tabularios, quorum opera in colligendo vectigali utebantur. Hi Procuratores ex Decurionibus creabantur *l. 4. C. de Metallar.* & Metalla curabant, & rationes vectigalis ex illis ad Numerarios deferebant, ut ex *l. ult. C. de numer. colligit Pancir. ad Notit. dign. imp. Orient. c. 15.* quia in ea lege vocatur *Numerarius scrinii Operum*, quæ opera proprie de Metallis vult accipi, quod & ex inscriptione legis, quæ ad Illyricos, qui plurima Metalla exercebant, data est, & ex ipso contextu patet: conjunguntur enim Numerarii scrinii Macedoniae, Daciae, Operum & Auri, & in *Nov. 128. c. 18.* itidem *scriniarii operum* memorantur, alias autem Numerarii Scrinii Operum possent referri ad opera publica, de quibus v. *Pancir. ibid. & Reines 9. inscr. 54.* Hi Numerarii frequentius Tabularii appellantur. Ita apud *Reines. 9. inscr. 71.* legitur *Tabularius ad Marmora*, & apud *Gruter.* sæpius; ut in commen-

tario docet *Reinesius*, qui & ad class. 1. infer. 3. 1. ostendit, simpliciter a *Metallis* & a *Lapidicinis*, eosdictos fuisse. A *Lazio de repub. Rom. lib. 2. c. 13.* inscriptio adfertur, ubi *M. Ulpus Libertus Aug.* dicitur *Procurator Aurariarum*, quem *Guther. de Offic. Dom. Aug. lib. 3. c. 18.* interpretatur procuratorem *ῥευσσεργισ* sive aurariæ collationis; melius vero puto, accipi lapidem de procuratore Metallorum auri, nam altera inscriptio, quæ ei juncta est, meminit *Collegii aurariarum*, quod est Metalla auri exercentium, quod nullo modo ad aurariam collationem referri potest; & Metalla auri absolute *aurarie* dicuntur a *Tacit. 6. ann. c. 19.* Salinæ ad eisdem Magistratus, ad quos reliqua Metalla, pertinuerunt. Præfecto Prætorio inscripta est *l. 1. c. de Vectigal.* ubi de venditione salis constituitur, unde cum Salinis præfuisse concluditur. Comiti quoque Sacrarum Largitionum Salinarum curam incubuisse, ex formula Comitivæ, quam exhibet *Cassiodor. 6. var. 7.* patet; Salis quoque commercium, inter vestes sericas & pretiosissimam margaritam, non inepte tibi depuravit antiquitas. & in *l. 9. c. de Vectigal. Vectigal Alabarchie* committitur Comiti Sacrarum Largitionum,

tionum, sub quo fuisse Alabarchem, qui vectigal salis curabat, credibile est: de voce vero *Alabarches*, cum jam tot congesserint viri docti, lectorem remittimus ad *Cujac. 8. obs. 37. Pancir. 2. var. lect. 204. Gothofr. ad. d. l. & commentatores ad Cic. 2. ad Att. c. 17.* qui avido abunde satisficient. *Bulengerus* vero c. 16. legit *ἀλασάρχην* vel *ἀλοσάρχην*.

C A P. IX.

De Publicanis & Exactoribus vectigalium.



Superest, ut quibus vectigalia, quæ jam explicuimus, locata & vendita, & deinde per quos ex agris, pascuis, portubus & metallis exacta fuerint, doceamus.

Ac primo generaliter de Publicanis, qui conducendis vectigalibus operam dabant, agemus, deinde, quænam differentia in locatione & exactione diversorum vectigalium fuerit, ostendemus.

Generali nomine, omnes qui publicos rei-publicæ redditus redimunt, *Publicani* dicti sunt

156 *De Vectigalibus Pop. Rom.*

sunt, ita appellati, quia *Publico fruuntur* l. 1. §. 1. ff. de *Public.* Publicum autem apud probatos linguæ latinæ auctores, omne illud, unde respublica emolumentum & redditum habet, significat, inde plerumque *publicum* pro vectigali ponitur, sic *Suet. Vesp.* 1. *Publicum Quadragesimæ*, pro vectigali *Quadragesimæ* dixit. *Cic. pro Rabir. Post. magnas partes habuit publicorum*, ut recte ibi legit *Cujacius*. plura possent coacervari exempla, sed linguæ studiosus satis magnam copiam reperiet apud *Gronov.* 4. obs. 23. *Lips. & Gruter. ad Tacit.* 13 ann. c. 1. Hi Publicani, non erant vile & sordidum genus hominum, sed ex Equestri ordine, quos *Cic. pro Planc.* vocat *Florem Equitum Romanorum*, ornamentum Civitatis, firmamentum reipublicæ: & hinc in §. *Verrin.* & apud *Suet. Aug.* 24. simpliciter Publicani pro Equitibus ponuntur, quia eorum maxima pars in vectigalibus conducendis occupabatur. Plura de Equitibus, qui ad publica accedere solebant, passim apud Ciceronem occurrunt. v. 2. ad *Att.* 1. Nec solum reipublicæ temporibus, sed & sub prioribus Imperatoribus, Equites perseverarunt in conducendis vectigalibus, clare id indicat *Tacit.* 4. ann.

ann. 6. Frumenta & pecunie Vectigales, cetera publicorum fructuum, societatibus Equitum Romanorum agitabantur.

Cum autem vectigalia conducere esset res magni impendii, & ad quam amplo patrimonio & pecunia opus foret, quia totius alicujus Provinciæ vectigalia simul locabantur, non erat unius Equitis, etsi ditissimi, ea redimere, quare plerumque Equites societates inibant de emendis vectigalibus, ut collatis opibus sufficerent magnæ & immensæ administrationi; hinc sæpissime *sociorum & societatis* appellatio apud Ciceronem & in commentariis J. Ctorum occurrit, qua publicanorum conventiones significantur. Inita societate, cuique pars sua administranda assignabatur, & quo portio, quam quis contulerat, lucentior vel minor erat, attribuebatur. Hinc de Rabirio Postumo Cicero dicit, eum *magnas partes habuisse publicorum*, quia scilicet ditissimus, majorem, quam reliqui loci, pecuniæ copiam contulerat. Deinde ditiores Equites, amicos pauperes, & qui redimendis vectigalibus non pares erant, hoc beneficio beabant, ut iis minutas aliquas partes concederent, unde rem facere possent; ita de eodem

158 *De Vectigalibus Pop. Rom.*

Rabirio testatur Cicero, *cum locupletasse amicos, misisse in negotium, dedisse partes.*

Hæ societates postea, etsi non ab Equitibus initæ, sed ab alio genere negotiatorum, sub Imperatoribus mansere, unde in pandectis frequens earum memoria fit, & jura de societatibus illis exponuntur. *l. 1. ff. quod cuiusque. univ. nom.* Singulare vero aliquod, & contra naturam reliquarum societatum, jus constitutum invenimus de vectigalium societate, in *l. 59. & 63. §. 8. ff. pro socio*, in quibus interpretandis Juri doctissimi varie se exercuerunt, nos breviter, quid de his sentiamus, exponemus.

Privatæ & ordinariæ societates voluntate contrahentium initæ, semper morte unius ex sociis dissolvebantur, ut cuique, qui prima juris elementa gustaverit, notum est, neque pacto poterat ab aliquo sociorum caveri, ut mortuo sibi heres in societatem succedat: nam absurdum & incommodum duplex hinc oriebatur: aut enim certa persona heredis erat pacto comprehensa, & eo casu, socius, qui de herede pactus fuerat, amittebat liberam testandi facultatem, cum necessario illum, quem in societatem succedere voluerat, heredem

dem scribere cogeretur, vel incerta persona erat designata, ut quisquis mihi heres futurus erit, in societatem succedat, & tunc pactum erat contra naturam societatis, in qua, cum opera & industria alicujus spectetur, certa debet esse socii persona, ne si minus idoneus sit, damnum reliquis afferat. §. 5. 7. *de societ.* hæc ita in privatis societatibus obtinebant, in vectigalium vero societate aliter se res habebat, nec post mortem socii unius reliquorum societas dissolvebatur, siue de hærede pactum fuisset, vel non; siue persona heredis idonea esset, vel minus capax, & ratio est, quia hæ societates erant necessariae, quod non ita intelligendum est, quasi quis cogeretur societatem inire invitus, sed quod, cum privatae societati semper, dummodo sine fraude, renunciari posset, ab hac ante tempus, ad quod vectigalia conductæ sunt, discedere non liceat. De ratione singularis hujus juris variae sunt Interpretum sententiæ, quas recenset & refellit *Anth. Matth. de Auction. lib. 2. c. 8. §. 6.* qui tamen non recte leges Jctorum percepisse mihi videtur, cum statuatur, hoc casu tantum, non solvi societatem vectigalium, si modo heredi defuncti pars adscripta

scripta sit, quæ si non adscripta sit, societatem extinguere, partem autem defuncti adscribere, est nihil aliud, quam heredem adsciscere. Nos vero breviter exponemus, quam non recte mentem Jctorum Mathæus viderit, & quid sit hoc in casu, *in societatem adsciscere, & partem adscribere* docebimus: hoc autem vult Pomponius in *d. l. 59.* societatem vectigalium, post mortem unius ex socii omnimodo manere, nec quicquam interesse, an heres defuncti in societatem vectigalium a superstitionibus adsumatur, nec ne: hoc enim ex arbitrio sociorum pendebat, qui si hæredem defuncti idoneum satis judicarent, partem defuncti ipsi adscribebant, quo facto, ipse etiam socius fiebat, si vero minus habilis videbatur hæres, ipsi partem defuncti suscipiebant, communicato lucro & damno cum herede, atque tunc heres socius non erat, nec tamen dissolvebatur societas, quæ inter superstites manebat; atque in eo maxima differentia sita erat inter privatam & publicam societatem, quia privata societas morte unius dissoluta & extincta, non poterat cum ejus hærede continuari, sed si superstites heredem in socium adsciscere vellent, nova erat societas

& novus contractus, publica vero nunquam morte interibat, sed semper eadem societas erat, siue hæres in societatem esset adscitus siue non; hocque clare in l. 63. §. 8. dicitur, ut *heres socius non sit, nisi fuerit adscitus, verum tamen omne emolumentum societatis ad eum pertineat, simili modo & damnum agnoscat.* Verba legis. 59. quæ Interpretes fefellerunt, alio modo etiam sunt accipienda; dicit ibi J Ctus, *manere societatem post mortem alicujus: sed ita demum, si pars defuncti ad personam hæredis ejus adscripta sit.* Unde putant, societatem eo casu tantum manere, si hæres adscitus sit, si vero repudiatur, cadere societatem, sed male: nam ita hæc verba sunt exponenda, ut hæres ita demum sit socius, si pars ipsi sit adscripta, manente nihilominus societate inter superstites, sed non cum hærede, nisi fuerit adscitus; ut recte hæc interpretatus est J Ctus subtilissimus *Janus a Costa* ad §. 5. *f. de societate.* Et, ut error errorem trahit, ita ex mala interpretatione horum verborum, etiam sequentia male exposuerunt, quod ipsum ex causa æstimandum est, quid enim si is mortuus sit, propter cujus operam maxime societas coita sit, aut sine quo socie-

L

tas



ti erant. *Ascon. ibid.* Hi omnes exigenda a sociis suo periculo exigunt, & reipublica representant. diversi ab his erant Magistri societatis. Sic a Cicerone Plancii pater dicitur *maximarum societatum auctor, plurimarum Magister*: (nam auctor hic idem est, quod Manceps, ut ex *Ascon.* didicimus:) & ad *famil. lib. 13. ep. 9.* P. Rupilius Magister in societate *vectigalium Bithynia*, & 5. ad *Attic. 15.* Magistri *scriptura & portuum*. Hic Magister omnes rationes societatis conficiebat, & per provinciam, cujus vectigalia conduxerat, alium mittebat, qui ejus vicem gerebat, qui pro Magistro dicebatur, *Cic. 10. ad Att. ep. 10.* *Terentius meus necessarius, magnas operas in portu & scriptura pro Magistro dedit, & passim.* Ut autem reipublicæ consulere, tenebantur hi mancipēs, datis fidejussoribus, cavere Populo, qui proprie dicebantur *prædes*. *Festus.* *Præses* is, qui Populo se obligat, interrogatusque a Magistratu, si præ sit, ille respondet *præs*. Hi vero vel totam fidem suam interponebant pro conductoribus, vel etiam bona sua publico pro publicanis obligabant, *Polyb. lib. 6.* quæ bona inde dicebantur *Prædia*. *Ascon. in Verr. de prætur. Urban.* *Prædia dicuntur bo-*

sunt, ita appellati, quia *Publico fruuntur* l. 1. §. 1. ff. de *Public.* Publicum autem apud probatos linguæ latinæ auctores, omne illud, unde respublica emolumentum & redditum habet, significat, inde plerumque *publicum* pro vectigali ponitur, sic *Suet. Vesp.* 1. *Publicum Quadragesima*, pro vectigali *Quadragesimæ* dixit. *Cic. pro Rabir. Post. magnas partes habuit publicorum*, ut recte ibi legit *Cujacius*. plura possent coacervari exempla, sed linguæ studiosus satis magnam copiam reperiet apud *Gronov.* 4. obs. 23. *Lips. & Gruter. ad Tacit.* 13 ann. c. 1. Hi Publicani, non erant vile & sordidum genus hominum, sed ex Equestri ordine, quos *Cic. pro Planc.* vocat *Florem Equitum Romanorum*, ornamentum Civitatis, firmamentum reipublicæ: & hinc in *5. Verrin.* & apud *Suet. Aug.* 24. simpliciter *Publicani* pro Equitibus ponuntur, quia eorum maxima pars in vectigalibus conducendis occupabatur. Plura de Equitibus, qui ad publica accedere solebant, passim apud Ciceronem occurrunt. v. 2. ad *Att.* 1. Nec solum reipublicæ temporibus, sed & sub prioribus Imperatoribus, Equites perseverarunt in conducendis vectigalibus, clare id indicat *Tacit.* 4. ann.

ann. 6. Frumenta & pecunia Vectigales, cetera publicorum fructuum, societatibus Equitum Romanorum agitabantur.

Cum autem vectigalia conducere esset res magni impendii, & ad quam amplo patrimonio & pecunia opus foret, quia totius alicujus Provinciæ vectigalia simul locabantur, non erat unius Equitis, etsi ditissimi, ea redimere, quare plerumque Equites societates inibant de emendis vectigalibus, ut collatis opibus sufficerent magnæ & immensæ administrationi; hinc sæpissime *sociorum & societatis* appellatio apud Ciceronem & in commentariis Jctorum occurrit, qua publicanorum conventiones significantur. Inita societate, cuique pars sua administranda assignabatur, & quo portio, quam quis contulerat, lucentior vel minor erat, attribuebatur. Hinc de Rabirio Postumo Cicero dicit, eum *magnas partes habuisse publicorum*, quia scilicet ditissimus, majorem, quam reliqui loci, pecuniæ copiam contulerat. Deinde ditiores Equites, amicos pauperes, & qui redimendis vectigalibus non pares erant, hoc beneficio beabant, ut iis minutas aliquas partes concederent, unde rem facere possent; ita de eodem

Rabirio testatur Cicero, *cum locupletasse amicos, misisse in negotium, dedisse partes.*

Hæ societates postea, etsi non ab Equitibus initæ, sed ab alio genere negotiatorum, sub Imperatoribus mansere, unde in pandectis frequens earum memoria fit, & jura de societatibus illis exponuntur. *l. 1. ff. quod cuiusque. univ. nom.* Singulare vero aliquod, & contra naturam reliquarum societatum, jus constitutum invenimus de vectigalium societate, in *l. 59. & 63. §. 8. ff. pro socio*, in quibus interpretandis Juri doctissimi varie se exercuerunt, nos breviter, quid de his sentiamus, exponemus.

Privatæ & ordinariæ societates voluntate contrahentium initæ, semper morte unius ex sociis dissolvebantur, ut cuique, qui prima juris elementa gustaverit, notum est, neque pacto poterat ab aliquo sociorum caveri, ut mortuo sibi heres in societatem succedat: nam absurdum & incommodum duplex hinc oriebatur: aut enim certa persona heredis erat pacto comprehensa, & eo casu, socius, qui de herede pactus fuerat, amittebat liberam testandi facultatem, cum necessario illum, quem in societatem succedere voluerat, heredem

dem scribere cogeretur, vel incerta persona erat designata, ut quisquis mihi heres futurus erit, in societatem succedat, & tunc pactum erat contra naturam societatis, in qua, cum opera & industria alicujus spectetur, certa debet esse socii persona, ne si minus idoneus sit, damnum reliquis afferat. §. 5. 7. *de societ.* hæc ita in privatis societatibus obtinebant, in vectigalium vero societate aliter se res habebat, nec post mortem socii unius reliquorum societas dissolvebatur, si de hærede pactum fuisset, vel non; si persona heredis idonea esset, vel minus capax, & ratio est, quia hæ societates erant necessariae, quod non ita intelligendum est, quasi quis cogeretur societatem inire invitus, sed quod, cum privatæ societati semper, dummodo sine fraude, renunciari posset, ab hac ante tempus, ad quod vectigalia conductæ sunt, discedere non liceat. De ratione singularis hujus juris variæ sunt Interpretum sententiæ, quas recenset & refellit *Anth. Matth. de Auction. lib. 2. c. 8. §. 6.* qui tamen non recte leges Jctorum percepisse mihi videtur, cum statuat, hoc casu tantum, non solvi societatem vectigalium, si modo heredi defuncti pars ad-

scripta

scripta sit, quæ si non adscripta sit, societatem extinguere, partem autem defuncti adscribere, est nihil aliud, quam heredem adsciscere. Nos vero breviter exponemus, quam non recte mentem Jctorum Mathæus viderit, & quid sit hoc in casu, *in societatem adsciscere, & partem adscribere* docebimus: hoc autem vult Pomponius in *d. l. 59.* societatem vectigalium, post mortem unius ex socii omnimodo manere, nec quicquam interesse, an heres defuncti in societatem vectigalium a superstitis adsumatur, nec ne: hoc enim ex arbitrio sociorum pendebat, qui si hæredem defuncti idoneum satis judicarent, partem defuncti ipsi adscribebant, quo facto, ipse etiam socius fiebat, si vero minus habilis videbatur hæres, ipsi partem defuncti suscipiebant, communicato lucro & damno cum herede, atque tunc heres socius non erat, nec tamen dissolvebatur societas, quæ inter superstites manebat; atque in eo maxima differentia sita erat inter privatam & publicam societatem, quia privata societas morte unius dissoluta & extincta, non poterat cum ejus herede continuari, sed si superstites heredem in socium adsciscere vellent, nova erat societas

&

& novus contractus, publica vero nunquam morte interibat, sed semper eadem societas erat, siue hæres in societatem esset adscitus siue non; hocque clare in l. 63. §. 8. dicitur, ut *hæres socius non sit, nisi fuerit adscitus, verum tamen omne emolumentum societatis ad eum pertineat, simili modo & damnum agnoscat.* Verba legis. 59. quæ Interpretes fefellerunt, alio modo etiam sunt accipienda; dicit ibi J Ctus, *manere societatem post mortem alicujus: sed ita demum, si pars defuncti ad personam hæredis ejus adscripta sit.* Unde putant, societatem eo casu tantum manere, si hæres adscitus sit, si vero repudiatur, cadere societatem, sed male: nam ita hæc verba sunt exponenda, ut hæres ita demum sit socius, si pars ipsi sit adscripta, manente nihilominus societate inter superstites, sed non cum hærede, nisi fuerit adscitus; ut recte hæc interpretatus est J Ctus subtilissimus *Janus a Costa ad §. 5. f. de societate.* Et, ut error errorem trahit, ita ex mala interpretatione horum verborum, etiam sequentia male exposuerunt, quod ipsum ex causa æstimandum est, quid enim si is mortuus sit, propter cujus operam maxime societas coita sit, aut sine quo socie-

L

tas

162 *De Vectigalibus Pop. Rom.*

tas administrari non possit. Quæ ita accipiunt Interpretes, quasi æstimandum sit hoc casu, num utile sit, societatem durare, nec ne, cum Ictus respiciat proxime antecedentia verba, quibus dixerat, partem defuncti conferri oportere in heredem, nim. si socii cum adsciscere volunt, quod, num societati expediat, æstimare illos debere, num persona hæredis tam idonea sit, ut operam & industriam defuncti impleat, atque ita in rem suam sit, hæredi partem defuncti adscribere, nihil vero dicit de societate continuanda, sed manente ea disserit, num utile sit sociis adsciscere heredem, an vero sibi administrationem retinere, communicato cum hærede lucro & damno.

In his societatibus vectigalium alii conductionem curabant, alii pro illis fidejubebant, alii societatem cum illis contrahebant; ut dicit Polyb. lib. 6. qui conducebat, ille totius societatis princeps quasi erat, & dicebatur Mancipis, quia in licitatione, qui superior erat, manu sublata significabat, se esse auctorem emptionis. Festus. Ab Asconio Ped. in Divinat. Mancipes explicantur, publicanorum principes, Romani homines. Horum periculo totum negotium gerebatur, & iidem republicæ obligati

ti erant. *Ascon. ibid.* Hi omnes exigenda a sociis suo periculo exigunt, & reipublica representant. diversi ab his erant Magistri societatis. Sic a Cicerone Plancii pater dicitur maximarum societatum auctor, plurimarum Magister: (nam auctor hic idem est, quod Manceps, ut ex *Ascon.* didicimus:) & ad *famil. lib. 13. ep. 9.* P. Rupilius Magister in societate vectigalium Bithynia, & 5. ad *Attic. 15.* Magistri scriptura & portuum. Hic Magister omnes rationes societatis conficiebat, & per provinciam, cuius vectigalia conduxerat, alium mittebat, qui ejus vicem gerebat, qui pro Magistro dicebatur, *Cic. 10. ad Att. ep. 10.* Terentius meus necessarius, magnas operas in portu & scriptura pro Magistro dedit, & passim. Ut autem reipublicæ consuleretur, tenebantur hi mancipēs, datis fidejussoribus, cavere Populo, qui proprie dicebantur prades. *Festus.* Præstis, qui Populo se obligat, interrogatusque a Magistratu, si præ sit, ille respondet præstis. Hi vero vel solam fidem suam interponebant pro conductoribus, vel etiam bona sua publico pro publicanis obligabant, *Polyb. lib. 6.* quæ bona inde dicebantur Prædia. *Ascon. in Verr. de prætur. Urban.* Prædia dicuntur bo-

164 *De Vectigalibus Pop. Rom.*

na satisfactionibus obnoxia, sive sint in mancipiis, sive in pecunia numerata; aliquando autem prædiis, non fidejussoribus solum, publicani reipublicæ cavebant: Ascon. d. l. aliquando & prædiis & prædibus cavere tenebantur v. Briffon. de formul. lib. 6.

Deinde erant alii equites Romani, qui neque conducebant, neque fidejubebant, sed simpliciter societatem cum Mancipibus inibant, & solum opes & pecuniam suppeditabant, talis fuit Atticus, qui teste *Cornel. Nep. c. 6. nunquam ad hastam publicam accessit, nullius rei neque præses, neque Manceps factus fuit, sed tamen partes in vectigalibus habuit, ut patet ex Cic. ad Att. 1. ep. 19.*

Ultra hos, qui societatem constituebant, erant etiam alii, qui societatis res in provinciis curabant, & cæteris serviebant. De pro Magistro jam egimus, Magistri, qui Romæ manebat, vicem gerente. Cæteri generaliter dicebantur *Operas Publicanis dare. Sic Valer. Max. lib. 6. c. 9. §. 8. P. Rupilius non publicanum in Sicilia egit, sed operas publicanis dedit. & Cic. ad famil. 13. c. 9. C. Pupius, qui est in operis ejus societatis. neque hi, qui operas præstabant, confundendi sunt cum publicanis ipsis,*
qui

qui conduxerunt vectigalia, quod quosdam fecisse video: hi enim ministri erant publicanorum. Ut etiam facile, quid in provinciis gereretur, Magister & Socii, qui Romæ substituerant, nossent, peculiares habebant tabellarios, qui continuo literas Romam & inde iterum in provincias perferebant. *Cic. ad Att. 5. ep. 15. Tu autem saepe dare tabellariis Publicanorum poteris, per Magistros scripturæ & portus nostrarum diocesium. & epist. 18. & 21. & passim.*

Quidam autem videntur prohibiti legibus & more fuisse, vectigalia conducere, vel societatem cum publicanis inire, sic Magistratibus, quibus cura reddituum republicæ commissa fuit, vetitum erat, ne ipsi conducerent, vel etiam partes haberent in societatibus. Verres, qui omnia subvertebat, etiam in hanc legem commisit, & cum Prætor esset Siciliæ, cum publicanis colludebat, & partes cum iis habebat. *Cicero in 5. Verrin. vocat hoc crimen grave & vehemens, & post hominum memoriam, judiciaque de pecuniis repetundis constituta gravissimum, Prætorem Populi Romani, socios habuisse decumanos. A conductione etiam remoti fuisse videntur peregrini & servi, soli*

cives Romani admissi, hinc false tangit Ver-
ris publicanos Cicero in 5. *Verrin. cum eorum*,
inquit, *decumas med. DCCC. vendidisses*
Banobali Venerio, (cognoscite nomina publicano-
rum) *cogis eos plus lucri addere &c.* & hoc
ex *Asconio* patet, qui ad *divinat.* dicit *Manci-*
pes, publicanorum principes, Romani homines.

Hæ societates Publicanorum, quæ ab Equi-
tibus agitabantur, maximæ dignitatis & au-
toritatis in republica Romana erant, ita ut,
qui aliquid efficere in republica vellet, maxi-
mam curam gereret, ut sibi adjungeret pu-
blicos. Sæpe Cicero sibi applaudit de amo-
re & benevolentia, qua ipsum Publicani am-
plectebantur, ita ut etiam de se scribat, *Publi-*
blicanis in oculis sumus. ad Att. 6. c. 2. Quin
& horum maxime opera & studio Cæsar rem-
publicam pessundedit: nam cum societas, quæ
Asiæ vectigalia conduxerat, calore licitatio-
nis abrepta, pluris, quam reddebant vectiga-
lia, emisset, & peteret a Senatu, ut locatio in-
duceretur, Senatus ipsi hanc gratiam fecisset,
nisi Cato, præfracte & omnibus viribus æra-
rium tuendo, contendisset, nullam illis con-
cedendam remissionem, quo facto Equitem
a Senatu disjuxit, & Cæsar, callide tempus
captans,

captans, effecit, ut tertia pars mercedis, qua conduxerat societas, ipsi remitteretur, quo præcipue beneficio Equestrem ordinem sibi devinxit, & rerum potitus fuit. *Suet. Caf. c. 20. Cic. ad Att. lib. 1. ep. 17. & lib. 2. ep. 1. & passim.*

Hæc in genere de publicanis; nunc, videndum, quid in unoquoque genere vectigalium exigendo observatum fuerit, unde diversa nomina Publicani sortiti sint. hoc docet *Ascon. Pedian. in divinat. Mancipes, si questus sui gratia decumas redimunt, decumani appellantur, si portum aut pascua publica, Portitores & Pecuarii, quorum ratio scriptura dicitur. Decumani erant, qui Decumas conducebant exigendas ab aratoribus; de his frequens apud Cicer. in 5. Verr. mentio est. Hi solebant cum aratoribus pactiones facere de sationibus, secundum quas, frumenti certa quantitas illis daretur. Iniquas decumano- rum Verrinorum pactiones late describit Cicer. d. l. Hæ autem pactiones conficiebantur, ut lites, quæ inter publicanos & provinciales semper oriebantur, exstingerentur. Cic. ad Q. Frat. 1. ep. 1. possunt in pactionibus faciendis, non legem spectare Censoriam, sed potius com-*

168 *De Vectigalibus Pop. Rom.*

moderatam conficiendi negotii & liberationem molestia. Secundum has pactiones, Magistratus in provinciis controversias dirimebant, unde sibi in provincia agenti gratulatur Cicero, *se posse omnibus satisfacere, eo facilius, quod in sua provincia confecta essent pactiones. ad Att. lib. 5. ep. 14. & 15.* Solebant etiam Praetores & Proconsules in Provinciis edicta de his pactionibus proponere, quibus profitebantur, *se pacta, quae nec vi, nec dolo facta erant, inter Publicanos & Provinciales, servaturos;* de quibus agit. *Cic. 6. ad Att. ep. 1.* unde etiam colligitur, his pactionibus Publicanos usuras adscripsisse, si intra tempus pacto comprehensum, non solum esset vectigal, de quo convenerant: dicit enim. *Usuras eorum, quas pactionibus adscripserant, servavit etiam Servilius, ego sic. Diem statuo satis laxam, quam ante si solverint, dico me centesimas ducturum, si non solverint, ex pactione.*

Qui pascua publica conduxerant, ut inde vectigal colligerent, ab *Asconio* vocantur *Pecuarii* & ita *Livius lib. 33. c. 42. & lib. 35. c. 10.* eos appellat. Aliter etiam *scripturarii* dicuntur, quia pro pecude, quam scribebant sive notabant in rationibus, *res accipiebant, ut*

supra

supra ostendimus; hujus vectigalis Magistri sæpe apud Ciceronem occurrunt. 5. *ad Att. ep.* 15. & pro Magistris. *ad Famil.* 13. *ep.* 65. & *ad Att.* 15. *ep.* 10.

Portitorum conductores ab *Asconio Portitores* appellantur, in quo tamen eum errare credimus, cum portitores non ipsi publicani vel Mancipes, quos describit ibi *Asconius*, sed eorum ministri erant, qui operas ipsis in portibus præstabant. *Cic. ad Att.* 10. *ep.* 10. Eos describit *Nonius*. *Portitores sunt telonarii, portum obsidentes, omnia sciscitantes, ut ex eo vectigal acciperent.* Horum mores & curiosam indagationem lepide describit *Plautus Menachm.* 1. 2. v. 6.

Rogitas quo eam? quam rem agam? quid negotii geram?

Quid petam? quid feram? quid foris egerim?

Portitorem domum duxi, ita omnem mihi,

Rem necesse loqui est, quicquid egi atque ago.

Eos etiam aperte a publicanis, distinguit *Donat.* *ad Terent. Phorm.* 1. 2. & dicit *Portitores esse, More veterum magistros tributorum, qui operam in portu dabant, inferendarum rerum & efferendarum vectigal exigentes.* horum acerbæ

& iniquæ exactiones causam præcipue dederunt, ut tollerentur portoria. *Cic. 1. ad Q. Frat. 1. Illa causa publicanorum quantam acerbitatem afferat sociis, intelleximus ex civibus, qui nuper in portoriis Italia tollendis, non tam de portorio, quam de nonnullis injuriis portitorum querebantur. De Metallorum conductoribus, nihil singulare invenimus, sed eos generali publicanorum nomine designatos fuisse credimus; sic Liv. 44. c. 18. agens de Macedoniæ Metallis, dicit; ea sine publicano exerceri non posse.*

Ita sub libera republica vectigalium exactio fiebat, quæ deinde sub Imperatoribus, ut fere omnia, aliquantum immutata est, ac primo frumenti & carnis, sive pecudum, exactio non amplius publicanis commissa est, neque post ea tempora decumanorum vel scripturiorum nomen reperies, sed translata curâ vectigalium ad quosdam Magistratus, ut superiori capite retulimus, certi sub eorum dispositione & cura constituti sunt homines, qui per provincias mittebantur, ut vectigalia, tam frumenti, quam pecudum, & vini & olei colligerent, hi vel a speciebus *Frumentarii*, vel *Pecuarii* vel *Suarii* dicuntur, de quibus
singula.

singulis agere non constituimus, vel generali voce *Susceptores* appellantur, de quibus frequens mentio apud posterioris ævi scriptores, & titulus in Utrouque Codice. Hi accipiebant a provincialibus frumentum, oleum, vinum, pecudes, & ne cum provincialibus colluderent, illis adjuncti erant *Annotatores* sive *Tabularii*, qui apochas, quas conlatores a susceptoribus accipiebant, servabant, ut inde inlatio tributorum & vectigalium cognosceretur. *l. 2. C. Theod. de annon & trib.* & contra susceptorum & tabulariorum fraudes est *l. 27. C. Theod. de suscept.* plura de susceptoribus *tit. C. Theod. de suscept.* habet *Jacob Gothofred.* Hi susceptores, ultra vectigal, quod a provincialibus exigebant, adhuc augmentum aliquod capiebant, quod *Interpretium* vel *Epimetron* dicitur. Non enim eandem quantitatem frumenti, vini &c. poterant susceptores Romæ reddere, quam in provinciis receperant, quia vel naturalem diminutionem patiebantur illæ species, vel corrumpebatur pars aliqua, hinc necessarium damnum illis eveniebat; quapropter Imperatores constituerunt, ut illis aliquid Epimetri nomine daretur; non vero una & eadem quantitas erat

172 *De Vectigalibus Pop. Rom.*

erat Epimetri, sed pro ratione Provinciarum, vel specierum differentia, major vel minor erat; in remotioribus provinciis plus Epimetri nomine dabatur, quam in propinquioribus *l. 9. C. de suscept.* Lucania dabat decimæ semissem carnis porcinae *l. 4. C. Theod. de suar.* pro vino & lardo exigebatur vigesima, pro frumento quinquagesima, pro hordeo quadragesima. *d. l. 9. & l. 15. C. Theod. de suscept.* Aridarum frugum, quia eæ facilius transportantur, epimetron erat Centesima *l. 3. 14. & 15. C. Theod. eod.* de qua & agi in *l. 11. C. Theod. de jur. fisc.* docet *Jac. Gothofr.* non autem totum Epimetron susceptores tulisse, sed dimidium cum Annotatoribus communicare debuisse, colligitur ex *l. 3. C. Theod. de suscept.* Ab Epimetro immunes erant quædam provinciæ, quarum vectigalia ad certum pretium redacta erant, & qui non ipsas species, sed earum loco pecuniam susceptoribus dabant. *Cassiod. 11. var. 39. Redactum est ad pretium, ubi pati non poterant detrimentum, quod nec itineribus imminuitur, nec laboribus sauciatur.* Ultra hos susceptores erant etiam Exactores, de quibus est *tit. lib. 11. C. Theod.* ad quem multa de his *Jac. Gothofr.* deinde erant etiam

Com-

Compulsores, qui tempore lapso, quo vectigalia persolvi debebant, mittebantur, ut compellerent, & si solvere negarent, excuterent provinciales. *l. 34. C. Theod. de Annon. & Tribut.* erant etiam *Opinatores*; qui erant milites, missi ut annonam militarem a provincialibus exigerent *l. 26. Theod. de erogat. milit. annon.* hæc strictim modo annotanda duximus, quia jam ample de illis egit vir incomparabilis *Jac. Gothofr. ad de ll.* nec nobis rationem officiorum domus Aug. describere animus est.

Ut vero commodius susceptores & exactores species, a frumentariis provinciis exactas, Romæ redderent, institutæ sunt ab Imperatoribus classes navium, quibus species a susceptoribus exactæ, & in provinciarum horrea conditæ, Romam transveherentur. Primus Augustus instituit classem Alexandrinam, quæ frumentum, quod quotannis Ægyptus præbebat, deveheret; omne vero frumentum Ægyptium Alexandriam deportabatur, unde dicitur *Frumentum Alexandrinum* in rubrica *C. Theod. de frument. Alexandr.* & ipsa urbs Alexandria in nummis mulieris habitu, spicas frumenti dextra tenentis, pingitur. *v. Harduin. numism. in Alexandria.* Hujus classis celebris

174 *De Vectigalibus Pop. Rom.*

bris apud auctores est memoria, & multa & præclara de ea congeffit *Casaubon. ad Suet. Aug. c. 98.* cuius scrinia non compilabimus. Alteram postea instituit Imperator Commodus, quæ Africana dicta fuit. *Lamprid. c. 17.* Classẽ Africanam instituit, quæ subsidio esset, si forte Alexandrina frumenta cessassent. hac classe frumenta ex ulteriori Africa, & agro Carthaginiensi & Lybia deferebantur, unde in veteri Inscriptione apud *Reines. 3. 21.* dicuntur *Naves Carthaginienses ex Africa* & in Codice Theodosiano titulus de *Frumento Carthaginiensi.* Translato deinde imperio Constantinopolim, Africana classe veteri Romæ alendæ relicta, Alexandrina sive Ægyptia novæ Romæ deputata est. Eleganter admodum Romam, de hac divisione querentem, inducit *Claud. de bell. Gildon. v. 52. & seqq.*

Tot mihi pro meritis Libyam Nilumque dedere

*Ut dominam plebem, bellatoremque Senatum
Classibus æstivis alerent, geminoque vicissim
Litore diversi complerent horrea venti.*

*Stabat certa salus, Memphis si forte negasset,
Pensabam Pharium Getulis messibus annum;*

Fru-

*Frugiferas certare rates, lateque videbam
Panica Niliacis concurrere carbasa velis.*

*Cum subito par Roma mihi, divisaque
sumsit*

*Aequales Aurora togas. Ægyptia rura
In partem cessere novam, spes unica nobis
Restabat Libya. &c.*

Hæ classes exercebantur a Naviculariis, qui navium harum domini erant, quorum erat collegium & corpus quoddam, variis legibus & conditionibus obnoxium, & vicissim privilegiis quibusdam fruens. *l. 13. ff. de vacat. & excus. mun. l. 5. §. 3. ff. de Immunit. de his in Utroque Codice titulus est, & plura qui de his desiderat, adeat doctissimos commentarios Jacobi Gothofredi.*

Sub Imperatoribus Portoria locari solita, fuisse docent *l. 4. C. de vectig. l. 7. C. de locat.* & aperte *Conductores Portuum* vocantur in *l. 36. Theod. de indul. debitor*, qui a Magistratibus, quos vectigalibus præfuisse ante docuimus, redimebant. Apellati hi sunt singulari nomine *Octavarii*, ab Octava, quæ, iis temporibus portorii nomine exigebantur. In eo autem mutatio aliqua accidit, ut, cum antiquo-

quioribus reipublicæ sæculis, privata auctoritate & propriis ministris Publicani vectigalia exigent, Octavariis adjuncti sint milites, qui illis contra vim & fraudes mercatorum adessent, hoc colligitur ex *Dione. lib. 48.* ubi narrat Plebem tumultuantem contra publicanos, αὐτοῖς ἐκείνοις καὶ τοῖς ὑπερέταις, τοῖς τε στρατιώταις τοῖς συνεισπράσσουσι σφίσι τὰ χρήματα εἰς χεῖρας ἤεσαν. cum illis & eorum ministris & militibus, qui illis in exigendis pecuniis opitularentur, ad manus venisse: Precipue vero Publicanis adjuncti fuere milites *Stationarii & Urbani. l. 5. C. de vectig.* de quibus pauca quædam subjungemus.

Stationariorum militum origo referri debet ad Augustum: *Eum enim, ut grassatores inhiheret, locasse stationes per opportuna loca,* auctor est *Sueton. c. 32.* Causa, quæ Augustum movebat, erat duplex, una, quam prætexeret & præ se ferret, alteram, quia securitati suæ magis, quam Populi consulebat, teget: cum enim per belli civilis licentiam, crebræ per Italiam cædes & latrocinia in viis publicis perpetrarentur, militibus tranquillitatem & publicam securitatem asserendam jactabat, itaque stationes quasdam instituit, per

per quas milites dispositi, possent paci Populorum consulere, sed hoc prætextu iidem milites explorabant, quid ubique in imperio Romano gereretur, & num aliquis nova consilia contra recentem Augusti dominationem iniret, quæ statim ad Augustum deferrebant, qui seditiones & machinationes, antequam vires sumserant, evertibat, quare deinde Tiberius, qui suspicax & diffidens erat, has stationes numero auxit *Sueton. c. 37.* & deinde ab Imperatoribus hoc militum genus ad diversa munera adhibitum est, in quorum historiis frequenseorum mentio est. *l. i. C. de Curios & stationar.* Præcipue eorum indagatione latrones perquirebantur, & alia omnia crimina, quæ quietem populi interromperent, iudicibus indicabantur; unde eorum Præfecti, ab hoc munere, dicuntur *Irenarchæ*, quia debebant ad tutelam provincialium, quietis & pacis concordiam facere, *l. unic C. de Irenarch.* & in *l. 18. §. 7. ff. de muner. & honor.* dicuntur, *Discipline publicæ & corrigendis moribus præfecti.* ex quibus patet verus sensus *l. i. §. 12. ff. de Off. Præf. Urb.* ubi dicitur *Præfectus Urbis, debere dispositos milites stationarios habere, ad tuendam popularium quietem, & re-*

ferendum sibi, quid in urbe agatur. ad quam legem Viri docti varia, ut explicent, quid *Popularium* voce notetur, adierunt. Gothofredus vult *Popularia* esse confessus Theatrales, sed *Nerius analect.* 1. c. 5. secutus *Cujac.* 8. obs. 21. de factionibus Circensibus capit, cum simpliciter, *Popularium* quies sit Populi & Civium Romanorum tranquillitas, unde Sannio Terentianus, Quiritium fidem invocans, proclamat,

Obsecro Populares, ferte misero atque innocentem auxilium.

Ubi *Donatus Populares, cives* interpretatur. Servos etiam fugitivos deprehendere & in carcerem detrudere, ad eorum officium pertinebat; *l. 4. ff. de fugitiv.* ex qua lege etiam apparet, eos in portibus præsidio & auxilio publicanis fuisse: junguntur enim cum *Liminarchis*, qui portus custodirent & trajicientes observarent.

Urbani milites, sub Imperatoribus, diversi plane erant ab Urbanis tempore reipublicæ: hi enim ad subita belli conscriptæ erant legiones, quæ ad custodiam Urbis relinquebantur, dum aliæ in hostem ducerentur, nec genere militiæ vel dignitate distinguebantur, horum

horum frequens apud Livium & alios scriptores mentio fit. Sub Imperatoribus vero Urbani diversa, & ab aliis militibus distincta, legio & cohortes esse cœpere, & aliis militibus honoratiores habiti, solis cedentes Prætorianis, qui, ut ad custodiam Cæsaris & Palatii erant delegati, ita Urbanis Urbis cura commissa fuit, unde eorum castra in ipsa urbe fuere, quæ dicebantur *Castra Urbana* l. 15. §. 3. ff. ad L. *Ful. de adulter.* Horum militum magnus favor erat apud Imperatores, unde in eorum testamentis luculentiora plerunque legata, quam reliqui milites, percipiebant. v. *Tacit. r. ann. 8. Dion. lib. 55. & 59.* variis etiam privilegiis gaudebant, nim. ut, etsi nunquam Roma excederent, sed perpetuo ejus custodiæ causa ibi manerent, tamen beneficio restitutionis, propter absentiam reipublicæ causa, fruerentur, l. 35. §. 4. ff. ex quib. caus. major. quæ tamen legis fictio in causa adulterii ipsis non prodest. l. 15. §. 3. ff. ad L. *Ful. de adulter.* deinde stipendium sesquiplez accipiebant, dimidium ejus quod Prætoriani, ut docuit *Schel. ad Hygin. in addend.* Maturiore etiam vacationem, quam cæteri milites habebant; quod colligere mihi posse videor ex l. 8. §. 9. ff. de

excus. ubi dicitur quis in Urbanis cohortibus permilitasse, licet ante viginti annos mittatur. Unde reliquos milites teneri viginti annos militare, Urbanos sedecim defungi potuisse concilio, hincque locum Tacit. 1. ann. 17. supplendum esse puto, ubi Percennius in oratione, qua Milites ad seditionem accendit, hoc artificio utitur, ut invidiam Prætorianis & urbanis Militibus consiliet, qui lautius habebantur, quam cæteri legionarii. An, inquit, Prætorias cohortes, quæ binos denarios acciperent, quæ post sexdecim annos penatibus suis reddantur, plus periculorum suscipere. Lipsius hic Tacitum cum Dione pugnare putat, qui tradit Augustum definiisse duodecim annos Prætorianis, Tacitus vero hic sexdecim, sed cum in Tacito infinitæ lacunæ & hiulca loca reperiantur, idem hic accidisse puto. & locum sic constituendum, An Prætorias cohortes, quæ binos denarios acciperent, an Urbanas, quæ post sexdecim annos penatibus reddantur. Ita ut Percennius Prætorianis invidiam a stipendio, Cohortibus urbanis a matura vacatione moveat: nam has voces, An Urbanas ibi desiderari, sequentia innuunt, Non obrectari a se Urbanas excubias, sibi tamen apud horridas gentes

gentes & contuberniis hostem aspici. Quæ verba ad Urbanas cohortes, quæ semper in Urbe excubias agebant, sunt necessario referenda; nam Prætoriani, etsi & illi dici possint urbanas excubias agere, non perpetuo tamen ibi erant, sed Cæsari adhærebant, quem in itineribus & bellis comitabantur; quin etiam, quamvis Imperator domi maneret, aliquando pars quædam Prætorianorum cum ducibus in longinqua bella mittebatur; & ita apud Tacitum nostrum in hac ipsa seditione Percennii, cap. 24. legimus, *Tiberium, Drusum filium cum primoribus, duabusque pratorii cohortibus, misisse, & ex c. 27. & 30. apparet, Prætorios non fuisse expertes longinquæ militiæ.* Urbanis cohortibus præerat Præfectus Urbi. *Tacit. hist. 3. c. 64. Esse illi (Flavio Sabino Præfecto Urbi) proprium militem cohortium Urbanarum.*

Verosimile etiam ad exemplum Urbanorum Militum Romæ, in minoribus civitatibus & oppidis, quosdam milites in perpetuo præsidio fuisse, qui earum curam gererent, & simul vectigalia exigèrent, nam cum Urbani Milites Romæ detinerentur, ut jam diximus, & tamen Urbani in l. 5. C. de Vect. di-

cantur vectigalia exigere, necesse est, ut statuamus plures Urbanos in reliquis oppidis, per Imperium Romanorum, fuisse, & fortasse hoc ex *Dione lib. 59.* posset confirmari, ubi Tiberii legata recensens, & quid militibus Caligula ex iis solverit, narrat. τοῖς ἀστικοῖς καὶ τοῖς νυκτοφύλαξι τοῖς τε ἔξω τῆς Ἰταλίας ἐκ τῶν κατὰ λόγους ἔσιν, εἴτε τι ἄλλο σφάτευμα πολιτικὸν ἐν τοῖς μικροτέροις τείχεσιν ἦν, τα καταλειφθέντα διέλυσεν. *Urbanis militibus & vigilibus, ut & legionibus qui extra Italiam militabant, vel si qui alii milites Urbani in minoribus oppidis erant, legata persolvit.*

Salinæ sub Imperatoribus locari perseverarunt, hinc in *l. 59. §. 1. ff. de Hæred. instit.* dicitur *socius in vectigali Salinarum* & in *l. 11. C. de Vectigal. Mancipes, id est Salinarum conductores*, memorantur. Hi videntur collegium & corpus quoddam constituisse, eodem modo ut supra de Naviculariis diximus, quod obnoxium erat variis oneribus, & vicissim quibusdam privilegiis gaudebat, hoc colligitur ex *Symmach. 10. ep. 58.* ubi Symmachus ad Imperatorem Theodosium scribit, *Mancipes Salinarum magno ex numero ad paucos reductos, necessitatis publica molem ferre non posse.*

Præ-

Præcipue vero adstricti erant Mancipes præstationi lignorum, quæ in usus balnearum, thermarum & lavacrorum publicorum desiderabantur, hinc *ibid. Symmach. Navicularios, æque ac Mancipes Salinarum, obnoxios lignorum functioni esse dicit.* Ligna vero, quæ Mancipes præstare solebant, ex Silvis publicis cædebant, quæ balneis erant deputatæ. *Aggen. Urbic. com. ad Front. de limit. agror. Loca autem quæ publica sunt, sunt Silvæ, de quibus lignorum copia, in lavacra publica ministranda caduntur. & hinc dicuntur Salinæ Populi Romani lavacris inservire, in l. 3. C. Theod. de collat. donatar.* quia earum mancipes hoc onere tenebantur. Ex ea lege etiam apparet, Mancipes Salinarum, propter hanc lignorum præstationem, fuisse immunes a collatione, cui donatæ ædes, horrea, ergasteria, domus, cænacula & salinæ erant obnoxia, quam collationem hac lignorum præbitione compensabant: præterea varia illis privilegia indulta ab Imperatoribus fuere, quæ Valentinianus & Valens ipsis confirmarunt in *l. unic. Cod. Theod. de Mancipibus Thermarum.* Cum autem plurimi & privati, & etiam Imperatores balnea & thermas in usum populi

puli fundarent, solebant iis adjungere Silvas, ex quibus ligna ad eorum usum suppeditabantur, sic de privatis est inscriptio apud *Gruter.* p. 181. 7. ubi *Sempronianus* quidam *Thermas*, aqua perducta, cum *Silvis*, sua impensa D. D. & de *Alexandro Severo* refert *Lampridius* c. 24. *Illum Thermas fundasse, & Silvas publicis Thermis deputasse*, ubi malo legere, *Silvas publicas Thermis* deputasse. Quin, ultra ligna, etiam oleum addidit, quod luminibus, quæ in *Thermis* incendebantur, infundebatur, quod postea ex redditibus & mercibus locatarum ædium, quæ in porticibus thermarum erant exstructæ, collectum fuit. L. 52. C. *Theod. de Oper. publ.*

C A P. X.

De Vigesima Manumissionum.

Idimus jam quid *Populo Romano* ex agris, pascuis, portubus & terræ visceribus emolumentum obveniret, quantumque virium & firmamenti, tam luculenta vettigalia conferre potuerint, non sufficebant vero ea quotidianis sumptibus, quibus *respublica*

blica obnoxia erat, itaque nova subinde excogitarunt Romanorum Proceres & Principes, quibus ærarium sustinerent, imprimis nobile & pingue vectigal fuit, quod ex manumissione servorum solvebatur, de quo hoc capite disputabimus.

Origo hujus vectigalis refertur ad Cn. Manlium Consulem, qui *A. U. C.* 396. teste *Livio lib. 7. c. 16.* *Legem novo exemplo, ad Sutrium, in castris, tributum, de vicesima eorum, qui manumitterentur tulit, Patres, quia ea lege haud parvum vectigal inopi ærario additum esset, auctores fuerunt. Tribuni plebis, non tam lege, quam exemplo moti, ne quis postea Populum servocaret, capite sanxerunt.* ab hoc tempore vectigal hoc exigere perseveratum ad ultima reipublicæ tempora, & sublatis portoriis & reliquis vectigalibus Italiæ unicum superfuit. *Cic. ad Att. 2. epist. 16.* *Portoriis sublatis, agro Campano diviso, quod vectigal superest domesticum, præter vicesimam; nimirum manumissionum: nam male Blondus. lib. 3. Rom. Triump. putat, hanc vicesimam e re frumentaria præstitam, eodem modo, ut supra decimas ex subacta Sicilia fuisse exactas diximus, hic autem vicesimas alias*

L 5 quas

186 *De Vectigalibus Pop. Rom.*

quas frumenti intelligi, quod cum nullo antiqui auctoris testimonio firmet, repudiamus cum Godelevao ad *Liv. lib. 7. cap. 16.* Imo & sub Imperatoribus duravit, ut ex insigni loco *Dionis, lib. 77.* qui in excerptis a Constantino, Περι ἀρετῆς καὶ κακίας habetur, apparet, quem postea accuratius, cum de vicesima hæreditatum erit agendum, excutiemus, nunc verba Latina tantum damus. *Præter vectigalia, cum alia, quæ ab ipso (Caracallo) primum reperta sunt, tum vectigalia decima, quam pro vicesima constituit, cum eorum qui manumitterentur. &c.* ex quo & decimam pro vicesima a Caracallo institutam discimus.

Vectigal hoc pro libertate solvebatur, unde disquiri posset, quisnam hocolvere teneretur, an servus manumissus? an vero Dominus? Dominumolvere solitum fuisse ex *Arrian. lib. 2. c. 1. dissert. Epiet.* potest colligi, dicit ὅταν εἴν τρεῖς τὴν ἐπὶ στρατηγῶν αὐτῶν δῶλον εἰδὲν ἐποίησε. τίς; ἔσπεψε τὸ αὐτῶν δῶλον, ἄλλο εἰδὲν; ναί, καὶ εἰκοσὴν αὐτῶν δῶναι ὀφείλει. cum quis servum suum verterit apud Præto-rem, nihilne fecit? fecit. quid? vertit servum suum, nunquid aliud? Certe, vigesimam pro eo dare oportet.

oportet. Sed verius puto servum ipsum debuisse hoc vectigal suis nummisolvere, cum dominus liberalitatem suam satis exeruisse videri possit, dando libertatem, etsi non teneatur vectigali, sed Arriani mens est, dominum, qui manumittit, oportere vigesimamolvere, non jure, sed benevolentia & proprio instinctu, ut ita duplicatum beneficium servo det, & libertatem ipsi immunem & integram largiatur. Non teneri autem dominum vigesimamolvere, ex alio ejusdem *Arriani* loco colligitur. *l. 3. c. 26. dissert. Epict.* ὁ δὲ λ. εὐθὺς εὐχεται ἀφεθῆναι ἐλεύθερον, διὰ τὶ δοκεῖτε; ὅτι τοῖς εἰκοσῶναις ἐπιθυμῶν δῶναι ἀργύριον; ἔ. ἀλλ' ὅτι φαντάζεται &c. *servus imprimis se cupit libertate donari, quam ob causam? an quia vigesimariis argentum dare desiderat, non, sed quia opinatur &c.* Ut recte hunc locum constituit & vertit *Lips. in excurs. ad lib. 13. ann. Tacit. & Loens. misc. Epiphyl. lib. 9. c. 8.* Huic loco *Arriani* adstipulatur alter etiam *Petronii in fragm. Tragicurian*, ex quo servos solitos fuisse vigesimamolvere, colligitur. *Trimalchio* ibi jactans liberalitatem suam, servo *Carrioni* legat insulam, & vicesimam & lectum stratum; frustra & inutiliter autem le-

ga-

garet vicesimam, si servus ab ea solvenda esset immunis, & manumissor eam teneretur præstare, quare Carrioni immunem libertatem legat, & heredi vigesimam solvendam injungit. Potest etiam adjungi alius ejusdem fragmenti locus, ubi inducitur conlibertus Trimalchionis cum Gitone jurgians, quem inter reliqua convicia, hoc modo laceffit. *Pica Cirrata, o saturnalia! Rogo quando mensis december est? quando vicesimam numerasti?* pessime hunc locum explicat Schefserus, qui per vigesimam, diem Decembris vigesimam intelligit, qua licentia servorum finiebatur, & ita conlibertus indicaret, se Gitonis proterviam non posse inhibere, nisi finitis saturnalibus: simpliciter vero ita accipi debet Petronius, ut conlibertus, qui indecenti risu a Gitone insultabatur, ipsi objiciat servilem conditionem, unde eum *Picam ceratam*, vocat, quia servi capillos nutriebant, liberti vero tondebantur, quod aliunde notum: deinde dicit, impune mihi insultas, quia saturnalia celebrantur, quibus servis omnibus licentia, quicquid vellent, agendi dabatur, qua Giton abutebatur, sed tamen eum esse servum exprobat, quia nondum vigesimam
sol-

solverat, se vero esse libertum, quem non decebat irrideri a servo nequam. Dominos tamen etiam aliquid præstitisse in manumissione servorum, videtur erui posse ex loco *Festi in Manumitti. Manumitti servus dicebatur, cum Dominus ejus, aut caput ejusdem servi, aut aliud membrum tenendo dicebat, hunc hominem esse liberum volo & emittebat eum e manu, ejus tenens modo, caput, modo membrum aliud ejusdem servi, ita edicite, hunc hominem librum esse volo, ac pro eo auri x... puri, probi, profani, mei solvo, ut priusquam digrediat, efficiatur sui juris. quod idem repetit postea in voce Puri; probi, profani, sui auri dicitur in manumissione sacrorum causa. quæ loca, ut omnia fere in fragmentis istius auctoris difficillima sunt. Scaliger ad Festum, & eum secutus van Loon de manum. lib. 3. c. 9. & 4. c. 4. nescio quam manumissionem sacrorum causa confingunt, in qua aliquid auri præstari debebat, quod arcæ Pontificum inferebatur, sed lepidum hoc commentum de coëmtione sacrorum & coemtionibus senibus, jam profligavit Doctissimus Gronov. de pecun. veter. lib. 4. c. 7. & ad Plant. Bacchid. 4. 9. 53. & apud Festum, manifeste agi-*

agitur de manumissione, quæ vindicta celebratur, in qua verbis quibusdam solennibus utebantur. *l. 23. ff. de manum. vindicta.* puto autem Scaligerum & alios Viros doctos, deceptos esse, quia in ultimo loco verba *manumissione sacrorum causa* conjunxerint, cum hoc modo distingui debuerint, *Puri, probi, profani, sui auri dicitur in manumissione; sacrorum causa*, ut nempe in manumissione vindictâ, propter sacra quædam & solennia, hæc verba *puri* &c. pronuntientur. Quænam autem hæc sacra sint, vix est ut conjiciamus in tantis antiquitatum tenebris, an Festus respiciat sacrificia, quæ in Templo Deæ Feræniæ a manumissis peragebantur, cum genibus nixi pileum accipiebant, an alia quædam fuerint, ignorare me lubens confiteor. Neque hoc tamen aurum sive argentum Dominus præstare tenebatur, ne ipsi liberalitas sua damnoſa eſſet, sed solebant servi (quemadmodum & ei, qui suis se nummis emebant, de quibus *Lips. ad Tacit. 14. ann. 42.*) hoc aliunde corradere & dominis suppeditare; hoc conjicio ex loco *Plant. ruden. 5. 3. 32.* Ubi Gripus jam a Domino manumittendus, a lenone argentum petit, quod Domino propter manumissionem daret.

Dan-

— Dandum huc argentum est probum,
Id ego continuo huic dabo, adeo me ut hic
emittat manu.

nam argentum *probum* hic servus petit, ut apud
Festum aurum *probum* desideratur.

Vectigal hoc plerumque in auro, antiquis
saltem temporibus, solvi solebat, quod inde
dicebatur *Aurum vicesimarium*, quod in san-
ctiori Saturni ærario, ad ultimos reipublicæ
casus servabatur, ut auctor est *Livius. l. 27. c. 10.*
Errat enim *Blondus, l. 3. Rom. triumph*,
qui vult aurum vicesimarium non ex speciali
aliquo vectigali vel tributo collectum fuisse,
sed ex omnibus reipublicæ introitibus vice-
simam partem, ad extremas reipublicæ angus-
tias in ærario depositam fuisse, sed nullo an-
tiqui scriptoris testimonio, quare hoc au-
ctori suo relinquimus.

A vectigali vigesimæ immunes fuerunt li-
servi, qui manumissi non justam & omnibus
numeris perfectam libertatem consequiebantur,
qua & jus civitatis Romanæ accipiebant, de
qua manumissionem differentia, cum extra
nostrum institutum sit, videri possunt *Alciat.*
1. parerg. c. 16. Revard. de Auctor. prudent. c.
7. & reliqui. Quid enim solverent illi, qui
quo.

quotidie a dominis in servitutem revocari poterant, ut exemplum est apud *Ciceron. 7. ad Att. 2.* hoc quoque inde potest confirmari, quod hæc vigesima semper fere pari passu cum vigesima hæreditatium ambulaverit, & idem juris, quod in ea fuerit, hic obtinuerit, vigesimam vero hæreditatum soli solvebant Romani Cives, ut postea docebimus.

Non etiam vigesima exigebatur ab iis servis, qui a peregrino manumittebantur, sed tantum si a Civibus, optimo jure libertatem consequiebantur, & ratio evidens est, quia a peregrino manumissi, nihil accipiebant, neque Civitatem, neque latinam libertatem, sed jure gentium, quod omnibus commune erat, liberi fiebant, poterant vero rescripto Principis hi manumissi civitatem consequi. Sic *Plin. epist. 10. 4.* Trajanum rogat, ut Medico servo manumisso a peregrina det civitatem, *Rogo des. ei civitatem: est enim peregrine conditionis; manumissus a peregrina v. Cujac. 18. obs. 20.*

Huic vectigali colligendo Præfectus aliquis fuit, qui appellabatur *Vicesimarius*. *Petron fragm. Tragur.* Scissa sacrum novendiale servo suo misello faciebat, quem mortuum manumiserat, & puto cum vicesimariis magnam
mani-

manissam habet; quinquaginta enim millibus existimant mortuum, quo in loco exponendo mire hallucinantur. Viri docti. Schefferus, putat; hinc colligi Scissam habuisse ex bonis servi sui vicesimarias, una cum magna aliqua mantissa; Vicesimarias vero exponit, pecunias, quæ a manumissis dependebantur patronis, quod qua lege, vel quo more introductum fuerit, vellem addidisset. Hic vero commodus sensus ex obscurissimo illo loco potest elici; Scissam, quæ servum suum mortuum, (ut apud *Martial.* *l. ep.* 102. moribundum) manumiserat, vexari a Vicesimariis, qui vectigal pro manumissione servi mortui exigebant, & hoc vectigal vocat mantisam, id est additamentum sacri novendialis: putaverat enim Scissa sacro illo defungi, & nihil ultra illud præstare se debere, sed quia manumiserat mortuum, cogebatur ultra sacrum etiam vigesimam solvere; qui sensus, si cui non placet, placebit certe conjectura viri Doctissimi Præceptoris nostri *Joh. Georg. Grævii*, qui, cum eum de hoc loco consularem, corruptum locum esse mihi suspicionem injiciebat, & forte *manissam* depravatam vocem esse, & ex repetitione vocis *magnam* enatam, quare legi posset

posset magnam litem tristissima cum vicefimar-
riis habet: Quinquaginta enim &c. quo pacto
omnia clara fient, nim. litem fuisse de æsti-
matione servi, ad cuius rationem vicefima
deduci debebat.

Hi vicefimarrii in loco Arriani supra addu-
cto dicuntur *εικοσῶναι*, sed melius a viris do-
ctis legitur *εικοσώτης*; qui in Glossario ex-
ponitur *τας εἰκοσίας ἀπαιτῶν* vicefimas exigens,
apud Aristophan. in ranis. act. 1. sc. 7. dicitur
aliquis *εἰκοσολογ* & vicefimarius, qui de Græ-
corum vigesimis intelligendus, quarum me-
minit Thucid. lib. 6. & 7. v. Pancirol. 3. var.
lect. 31. & Loens miscel. epiphyll. 9. c. 8.

CAP. XI.

De Vigesima Hereditarium

Mnium vectigalium, quæ apud
Romanos exercita fuere, no-
bilissima fuit *Vigesima Heredi-
tarium*, commentum callidi
Imperatoris Augusti, qui lata
lege, quæ Julia, ut pleræque ejus leges, dicta
fuit. Tulit hanc legem Augustus A. U. C.

759. M. Æmilio & L. Aruntio Coss. teste *Dione lib. 55.* unde manifesti erroris convincuntur viri docti, qui *Alciati* vestigiis incedentes, hanc legem cum Papia Poppæa confundunt, ejusque caput fuisse contendunt: ita enim sentiunt post *Alciat. di. p. act. lib. 3. c. 6. Laz. in catalogo legum antiquar. Loens. vi. c. Epiphyl. lib. 9. c. 8. Sc. Gentil. de jure accrescend. c. 1.* Sed recte alii Papiam Poppæam biennio posteriorem statuunt, latam nempe A U.C. 76. M. Papio Murio & Q. Poppæo Coss. *Baldwinus vero in Justiniano & ad Legem Jul. de vices. hered.* eam triennio posteriorem fuisse tradit.

Rationem & occasionem, quæ Augustum ad hanc ferendam legem impulere, nobis explicat *Dion. lib. 55.* nim. cum ærarium laboraret inopia nummorum, quibus stipendia militum solverentur, Augustus metuens, ne si stipendia illis deessent, ad novas res sollicitarentur, ut ea perpetuo ac sine difficultate expedirentur, ærarium militare instituit, & illud novis vectigalibus instruxit *Sueton. Aug. 49.* inter quæ præcipuum fuit hoc, de quo agimus, vectigal vigesimæ partis, quæ ex hæreditatibus detrahebatur. Jam ante Augustum

gustum id cogitaverat instituere J. Cæsar, sed
omissum tunc, ab Augusto relatum est, qui
ne videretur novo & a se reperto vectigali po-
pulum gravare, commentus est, se in com-
mentariis & monumentis D. Cæsaris scriptum
illud invenisse; non tamen facile legem per-
tulit, multis ex Senatoribus reclamantibus,
& plurimis novum hoc vectigalis genus de-
treçantibus, ita ut res ad seditionem & motus
spectare inciperet, quare Augustus septennio,
postquam legem tulisset, in Senatum libellum
misit, quo Senatores rogaret, ut aliam viam
quererent augendis Ærarii redditibus, cum-
que in Senatu magni animorum motus contra
vigesimali orti essent, multis Senatoribus palam
profitentibus, se quidvis potius, quam Vi-
gesimali toleraturos; Augustus metuens, ne
fraudaretur hoc emolumento, callidum con-
siliū iniit, quo sibi vigesimali servaret.
Instituit itaque, vel saltem simulabat se in-
stituturum, vectigal sive pensionem in agros
& domos privatorum, non declarato quan-
tum, aut quo modo cuique pendendum fo-
ret, & simul ut metum incuteret, misit ho-
mines, qui privatorum ac civitatum possessi-
ones describerent. Quo perterriti Senatores
ma-

maluerunt vigesimam intemeratam relinqui, quam majori damno affici *vid. Dion. l. 56.*

Legis ipsius verba, cum perierint, conjectura assequi, & ex monumentis Auctorum colligere, necesse est. *Dion. l. 55.* dixit hac lege Augustum constituisse τὴν εἰκοστὴν τῶν τε κληρῶν καὶ τῶν δωρεῶν, ἃς ἂν οἱ τελευτῶν τεστισι, πλὴν τῶν πάνυ συγγενῶν ἢ καὶ πενήτων, καταλείπωσι. *vicesimam & in hereditatibus, & donationibus, quas morientes quibusdam, exceptis proxime agnatis & pauperibus, relinquebant, sed plura hac lege contenta fuisse, indicio est Paulus, qui in lib. 4. sentent. tit. 6. de vigesima agens, plurima de aperiendis, recitandis, inspiciendis & describendis testamenti tabulis adjicit; unde eadem lege de his cautum fuisse manifestum, quod & deinde ex Jctorum monumentis adstruemus.*

Vigesima ergo imposita fuit Hæreditatibus, legatis & donationibus, ut absolute dicit *Dion.* De Hæreditatibus nullum dubium, cum semper hæreditatium vicesima ab Auctoribus & Jctis appelletur, sed de legatis & donationibus (quas hic mortis causa accipere necesse est) dubitat *Baldwinus*, & *Dionem* imperitiæ legum Romanarum accusat, & vult immu-

198 *De Vectigalibus Pop. Rom.*

ma legata & donationes fuisse a vigesima, quia Auctores nunquam meminerint vigesima legatorum vel donationum, sed semper hereditatum; contrarium tamen verum esse putamus, & vigesimam legatis & donationibus fuisse impositam; tum quia, si ea immunia fuissent, facile eludi lex posset, instituendo aliquem heredem, & hereditatem, legatis exhauriendo, ita ut penes heredem nil nisi Falcidiae quarta remaneret, atque ita parum ærario accederet ex hoc vectigali, deductis prius omnibus legatis. Deinde verosimile est, ut eodem modo vigesima a legatis deducta sit, quo Falcidia, quod ex *l. 68. ad L. Falcid.* colligitur, ubi ad rationem Falcidiae, *Macer* in computatione alimentorum, quæ legata erant, vigesimam deducendam esse ostendit, in qua lege, ubicunque vox Falcidia legitur, a manu Triboniani est, qui eam vocem Vigesima substituit. Ideo autem potissimum vectigal hereditatibus & legatis imposuit Augustus, non aliis rebus & possessionibus, quia videbat, nec grave hoc fore Populo Romano, cum nemo luculentæ & inopinæ hereditatis lucro auctus, modicum vectigal solvere esset recusaturus, i. si
vero

vero utilissimum, cum tot quotidie hæreditates Romæ, & in tam vasto imperio adirentur ab his, qui vectigali tenebantur. Sed ne novum hoc onus intolerabile subjectis & injustum videretur, callide duas exceptiones adjecit, & immunes esse voluit, Pauperes hæreditates, & deinde hæreditates τῶν πτωχῶν. Cum absolute *Dion* pauperem hæreditatem dicat, ut & *Plin. pareg. c. 40. parvam & exilem* vocet, difficile est definire intra quam summam fuerit pauper hæreditas dicta, *Balduinus* hic hæret, & nihil certi definit, ut nec alii, quorum ad hanc legem commentarios vidi. Fortasse definita fuit hæreditati summa centum aureorum; quod deduci posset ex *l. 23. C. de Testam.* ubi Justinianus prohibet aliquid mercedis & sumptuum accipi a Censum administrantibus, ex hæreditate, cujus summa centum aureorum pretium non excedit, sed cum hæc nimis longo intervallo lex a nostra distet, certum statuere, in tantis antiquitatum tenebris supersedemus.

Secundo excipiuntur a vectigali vicefimæ πέντη σὺς γεῖν; proxime agnati, quinam hi autem fuerint, videamus. Procul dubio autem per hos Augustus intellexit omnes illos, qui ab

intestato ad hæreditatem pervenire possent; nam cum ab hæredibus ab intestato succedentibus nihil auferretur, non poterat ipsis fraudi esse, etsi ex testamento hæreditatem cernerent, cum potuissent omiſſa caussa testamenti ab intestato succedere. Qui autem ex lege XII. tabularum ab intestato succedebant, erant vel sui, vel his deficientibus consanguinei, id est fratres & sorores eodem patre prognati, & fratres patruels seu consobrini, & denique, si agnati hi deessent, ad gentiles devolvebatur, hæreditas. *Ulpian. tit. 16. in collat. leg. Mosaicar.* Hos omnes, sub verbis *παύου συγγενῶν*. Dion comprehendit. *Plin. panegy. c. 37.* eos domesticos hæredes vocat. *Vicesima*, inquit, tributum tolerabile & facile hæredibus duntaxat extraneis, domesticis grave. Et paulo post, manifestius omnes gradus indicans, addit. *Itaque illis* (nimirum extraneis) *irrogatum*, his (domesticis) *remissum*, videlicet, quod manifestum erat, quanto cum dolore latu-
 ri, seu potius non latu-
 ri homines essent, deſtrungi ali-
 quid & abradi bonis, quæ sanguine, gentili-
 tate, sacrorum denique societate meruisse-
 nt, quæque nunquam ut aliena & speranda, sed ut
 sua

*sua semperque possessa, ac deinceps proximo
cuique transmittenda, cepissent. Hæc erat ju-
stitia legis, ut soli extranei, ad quos inspera-
ta & inopina hæreditas deveniret, hoc onus
sentirent, & paterentur aliquid abradi & deli-
bari ab opibus, quas nunquam speraverant,
consanguineis vero & agnatis, qui jam bona
proximorum etiam viventium, ut sua semper
putassent, illibata hæreditas concederetur: De-
inde etiam sacrorum societate gentiles mere-
bantur, ne ipsis aliquid decerperetur: nam
cum singulæ gentes & familiæ propria & pri-
vata sua sacra habebant (quod notissimum
est, & doctissime a Sigonio de Ant. Jur. Civ.
Rom. lib. 1. c. 8. expositum) quæ in hæredem
cum pecunia testatoris, transibant, cogeba-
tur hæres ea sacra curare, nec pati ut ea inte-
rissent; magno autem oneri & sumptuosa e-
rant hæredi hæc sacra, nam sacrificandum ipsi
sæpius erat, unde hæc sacra sacrificia dicta fu-
isse, ex Cicerone & Livio docet Sigon. d. l. &
Rittersh. ad L. XII. tab. clas. 1. c. 1. mereban-
tur ergo sui & gentiles, ad quos cum pecu-
nia etiam familiæ sacra & onera transibant,
immunitatem a vicesima, extranei vero, qui-
bus hæreditas sine sacris (ut *Plantus* eam ap-
pellat*

pellat *Capit. 4. 1. 8.*) id est dives & luculenta sine onere obveniebat, facile & libenter vectigal præstabant.

Deinde vectigal hoc non solvebant Peregrini, id est socii & provinciales, qui non erant cives Romani. Ratio autem manifesta est, quare hi immunes haberentur: nam cum commodis carerent civitatis Romanæ, nec ex testamento civis Romani aliquid capere possent, neque honores Romæ gerere, nec suffragium ferre, neque toga uti (uti hæc docte omnia docet *Briffon. select. antiq. lib. 1. c. 13.*) recte etiam huic legi obnoxii non erant, sed ex jure gentium, vel etiam proprio, quo vivebant, parentibus & agnatis suis succedebant, nihilque fisco ex hæreditate pendebant, atque ita videri poterat peregrinorum conditio melior, quam Civium Romanorum, nec videbantur facile Peregrini civitatem Romanam appetituri, & voluntarie se vectigali gravi subjecturi; *Inveniebantur tamen*, inquit *Plinius d. l.*, quibus tantus amor nostri nominis inesset, ut Romanam civitatem, non modo *Vicesima*, verum etiam affinitatum damno bene compensari putarent. Hi ergo cives facti *Vicesimam* eodem modo solvebant, ut cæteri cives

ves Romani, si quam civis Romani hereditatem adirent, imo durior etiam horum conditio fuit, quam aliorum civium Romanorum: nam distincti erant cives Romani in novos & veteres, de quibus, quoniam viri docti non eodem modo sentiunt pauca subnectemus. Hanc distinctionem primum introductam esse post I. gem Antonini, qua omnes cives in orbe Romano effecti sunt, putat *Cassanbon. ad Capuol. Anton. Philos. c. 7. & ad Spart. Pescenn. Nigr. c. 7.* sed male, cum *Plinius. h. l.* agat de temporibus ante Trajanum, imo de ipso jure, quod circa hos constituit Augustus, quare antiquum jam illud discrimen fuit. Veteres autem cives dicti sunt, qui majoribus civibus Romanis prognati sunt, & quorum tota familia jam civitatis jure gauderet, Novi vero erant ii, qui aut per Latium in civitatem, vel beneficio Principis venissent, & ex peregrinis cives essent facti: qui enim jus Latii, hoc est, illud jus, quo socii Latini nominis fruebantur, habebant, ut plurimæ civitates coloniarum & municipia Italiae, quæ suis legibus & magistratibus vivebant, proximi erant juri civitatis Romanæ, quam consequabantur, aut beneficio Principis, aut
fi

si Romæ sedem transtulissent, aut liberis, ite-
 ratione, militia, nave, ædificio, pistrino, &
 ex Scto, si ter enixa erat mulier, ut docet
Ulpian. tit. 3. hi ergo hac ratione civitatem
 adepti dicebantur Novi cives, quemadmo-
 dum & ii, qui ex peregrinitate in civitatem
 beneficio Principis translati erant. Horum con-
 ditio in eo erat deterior veterum, quod cum
 hi possent ex lege xii. tabularum parentibus,
 agnatis & gentilibus succedere, & immunes
 esse a vicesima ex lege Augusti, Novi in ci-
 vitem adoptati, a parentum hæreditatibus &
 agnatorum excluderentur, *Plin. d. l. Hæc*
Mansuetudo legis veteribus civibus servaba-
tur, Novi, seu per Latium in civitatem, seu
beneficio Principis venissent, nisi simul cognat-
ionis jura impetrassent, alienissimi habeban-
tur, quibus conjunctissimi erant. quæ verba
 ut intelligantur, notandum est, peregrinum
 vel Latinæ conditionis hominem, si civita-
 tem Romanam adipisceretur, exiisse ex fa-
 milia sua, quæ in peregrinitate vel jure Latii
 manebat, & plane parentibus & agnatis ex-
 traneum habitum fuisse, unde neque hæredita-
 tem illorum cernere poterat, neque potestati
 patriæ erat subjectus, siye filius, siye pater jus
 civitatis

civitatis consecutus fuisset, quod cum maximum incommodum esset, solebant civitatem a Principe petentes, simul propinquis suis civitatem & jura cognationis impetrare, ut hoc modo sibi invicem succederent, & omnibus juris Civilis Romani beneficiis gauderent. Sic in Inscriptione apud *Reines. class. II. insc. 4.* legitur Calpurnius Asclepiades Prusensis Medicus, a Trajano civitatem Romanam & septem alias impetrasse non tantum sibi, sed Parentibus & fratribus; & hujusmodi petitionis exemplar reliquit nobis *Plin. lib. 10. ep. 6.* qui Trajanum rogat, ut propinquis ejus (Posthumii Marini Medici, cui civitatem a Trajano impetraverat) *det civitatem, Chrysippo Mitridatis, Uxorique Chrysippi, item liberis ejusdem Epigono & Mitridati, ita ut sint in patris potestate;* atque ita se hic res habebat, ut in filio quæsito in servitute, qui patre manumisso non erat in ejus potestate, etsi erat libertinæ conditionis, sed Pater hoc beneficio Principis consequebatur, ut colligitur ex *l. ult. ff. de adopt.* & ita deportatus & ex indulgentia Principis restitutus, non recipiebat filios in potestatem, nisi impetrasset a Principe, neque filius contra deporta-

portationem restitutus, recidebat in patris potestatem nisi rescripto Principis. l. 16. & 9. C. de sent. pass. & restitu. si ergo novi hi cives neglexerint impetrare civitatem & jura cognitionis, extranei habebantur.

Hæc fuit ratio legis Juliæ ab Augusto lata, quæ quas mutationes & vicissitudines passa sit, paucis expediemus. Augustum proxime secutos Principes, nihil in ea innovasse legimus, nam, etsi Nero a Sueton. c. 10. & Tacit. lib. 13. in fin. dicatur graviora vectigalia aut abolevisse aut minuisse, illud ad vicissimam extendendum non est, sed ut supra ostendimus de abolitione Quinquagesimæ & aliarum illicitarum exactionum; Neronem secuti sunt Imperatores, qui aut brevi imperium tenuerunt, aut si diutius rerum potiti sunt, avaritiæ macula notati. ut Vespasianus, qui amissis sub Galba vectigalibus nova & gravia adaddidit. Sueton. c. 6. Primus, de quo certi aliquid statuere possumus, est optimus & civilis ille Imperator Nerva, qui in gratiam norum civium statuit, ut, quod ex matris ad liberos, ex liberorum bonis pervenisset ad matrem, etiamsi cognitionum iura non recepissent, cum civitatem adipiscerentur, ejus vigesimam

ne

ne darent. Qua constitutione dabatur filiis peregrinis jus succedendi matri, & matri peregrinæ filiis, & hoc modo æquabantur veteribus civibus, nec repellebantur ab hæreditatibus hac exceptione, quasi jura cognationis non impetrassent, cum Nerva magis ordinem naturalem succedendi, quam juris Romanis subtilitates intueretur, addidit deinde, *ut eadem immunitate in paternis bonis filius gauderet, si modo reductus esset in patris potestatem*: ratio autem hujus exceptionis illa fuisse videtur, quia filii, qui non erant in potestate parentum, non erant sui hæredes, itaque neque veterum civium filios emancipatos immunes a vicesima fuisse credo, sed si hæreditatem patris cernerent, eodem modo ut extraneos, debuisse solvere vigesimam, quare idem jus in novorum civium filiis obtinere debuit, ne horum conditio melior esset veterum. Hæc Nerva Post eum Trajanus plurima huic legi beneficia & liberalitates addidit, unde amplissimum campum ejus laudes de prædicandi aperit *Plinius in panegyrico*. Primum itaque ille voluit, *ut quemadmodum filius in patris, sic in hæreditate filii pater esset immunis, nec eodem momento, quo pater esse desisset, hoc quoque amitteret,*

mitteret, quod fuisset. Eleganter subji-
 cit Plinius, non pati *Cesarem lachrymas parentum*
esse vettigales. Deinde etiam exceptionem,
 quam Nerva reliquerat, removit, nec inter-
 esse voluit, num filius in potestate patris fuis-
 set nec ne, intuitus vim legemque nature, que
 semper in ditione parentum esse liberos jussit.
 Nec hoc contentus beneficio novam liberali-
 tatem adstruxit, & cavuit, ut in sororis bonis fra-
 ter, & contra in fratris soror, utque avus,
 avia in neptis nepotisque, & invicem illi ser-
 vantur immunes. His quoque, quibus per
Eatium civitas Romana parvisset, idem indul-
 sit: omnibusque inter se cognationum jura
 commisit, simul & pariter & more nature.
 Atque ita Trajanus omnem distinctionem ve-
 terum & novorum civium plane sustulit, &
 vicesimæ immunitatem ex ordine successionis
 naturalis omnibus æqualem esse voluit. Ul-
 tra hæc Trajanus etiam summam statuit, que
publicanum pati posset, & pauperem hæredita-
 tem, quam Augustus immunem a vicesima
 servaverat, definivit, & ut videtur largior a-
 liquantum Augusto fuit, sed cum summa non
 exprimatur, nihil certi a nobis dici potest.
 Deinde etiam statuit, ut sumptus funeris antea
 deduce-

deducerentur, antequam vicesimæ computatio iniretur, cumque Trajanus liberaliter indulgisset sumptus etiam maximos facere funeris causa, aliquando totæ hereditates, præsertim parvæ & exiles, in eos absorbebantur. Addit Plinius, *carebit onere vicesimæ parva & exilis hereditas, & si ita gratus heres volet, tota funerali servetur; ultimo addidit, ut, qui aliquid deberent fisco ex vicesima, nondum tamen intulissent, non inferrent.*

Post Trajanum etiam Hadrianus circa vicesimam occupatus fuit, ac cum videret indulgentia Trajani, qui sumptus funeris causa deduci passus fuerat, multas fraudes inveniri, primum statuit modum sumptuum. Hoc colligitur ex *l. 37. ff. de religio. & sumptib. funer.* Ubi Macer J. C. t. s. scribens ad legem vicesimam hereditatium, explicat, quinam sumptus funeris causa accipiantur, & Edicti Hadriani mentionem facit. Sed præcipue celebris ejus constitutio & edictum fuit, quo, fisco maxime providens, cavit de aperiendo testamento & mittendo in possessionem herede. Voluerat Augustus, ut *Paulus d. l. notat, ut testamentum statim post mortem testatoris aperiretur, a presentibus intra triduum, vel*

O

quin-

quinque dies, ab absentibus quoque intra eosdem dies, cum supervenerint. Nec enim oportet testamento, heredibus, aut legatariis, aut libertatibus, quam necessario vectigali moram fieri. Quod præcipue introductum est, ut cito vicesima solveretur. Huc pertinet etiam *l. 54. ff. de V.S.* quæ est Macri ad legem Juliam, ubi occasione hujus juris definitur, quantum absenti temporis concedatur, ut in Urbem perveniat ad aperiendas testamenti tabulas: dantur vero absentibus itineri perficiendo vicena millia singulis diebus; hinc Macer disquirat, unde hæc millia numeranda sint. Hæc Augustus statuerat: addidit Hadrianus, ne mora vectigali fieret, non recipendam esse appellacionem, si res delationem non recipiat, & illud agatur, ne tabulæ testamenti aperiantur, *l. 7. ff. de appell. recip.* sed præcipue eo edicto voluit, ut hæres scriptus statim in possessionem mitteretur, etsi testamentum falsum vel inofficiosum diceretur, quod introduxit ideo, ut statim ab hærede vigesima solveretur. Sed cum hoc Edictum a Justiniano partim sublatum sit, studiose ejus mentionem ex juris libris removit Tribonianus, ut notat *Cujac. ad Paulum.*

Antoninus Pius vero totum hoc vectigal abroga-

brogavit, si fides habenda sit Zonaræ id tradenti, cujus verba citat *Valesius ad excerpta ex Dione*; sed addit hæc amplius esse consideranda: non enim versomile videtur, si Antoninus Pius sustulisset vicesimam, illam reductam fuisse ab Antonino Philosopho, qui mansuetissimus & optimus Princeps non facile abrogatum tam grave vectigal restitueret, cum de eo testetur *Capitolinus in ejus vita c. 23. cum tributa & vectigalia, ubi necessitas co-gebat, remisisset, nec recte ab eodem c. 11. posset dici, addidisse leges de vicesima*, si abolitum vectigal revocasset. Quidnam autem addiderit Philosophus, non exprimit *Capitolinus*; puto illum, quæ erat animi mansuetudine, immunitates longius extendisse, & iniquas exactiones, quæ per calumnias fiscum locuplebantur, restrinxisse. De Imperatoribus, qui cum securi sunt, nihil tradunt Auctores, qui eorum facta literis mandarunt. Non credo autem ab ullo eorum lucrum hoc neglectum fuisse, cum qui pessimi & crudeles erant, simul etiam rapacissimi essent, ad sustinendos nepotinos sumptus, qui vero civiles & temperanter frena imperii moderarentur, avaritiæ maculam non effugerent, sic *Pertinax* ob pecuniæ

cuniarum aviditatem *erarius Mergus* dictus fuit, teste *Capit. c. 9.* & Severus omnes Imperatores lucri cupiditate superasse, narratur ab *Herodian. lib. 3. c. 8.*

Iisdem tenebris involutum esset, quid durum & immitis Imperator Caracallus circa vigesimam constituisset, nisi beneficio clarissimi Viri & doctorum Mæcenatis Peirescii, excerpta Constantini Augusti Porphyrogenetæ, publicasset Gallorum doctissimus Henricus Valesius, quæ præclarum constitutionis Caracalli monumentum continent. In his excerptis *lib. 77. Dionis.* legitur Caracallus auxisse vigesimam, & ejus loco instituisse, ut decuma solveretur, & immunitates ab Augusto & aliis Imperatoribus datas restrinxisse, verba ejus sunt
 ὅτι τε τελῶν, ὅτι τε ἄλλων, ἃ καὶ ἀπὸ προσκατέδειξε, καὶ τῆς δέκατης, ἣν ἀντὶ τῆς ἐμοσῆς ὑπὲρ τε τῶν ἀπελευθερωμένων, καὶ ὑπὲρ τῶν καταλειπομένων, τισὶ κλήρων καὶ δωρεῶν ἐποίησε, πᾶσας τὰς τε διαδοχὰς καὶ τὰς ἀτελείας τὰς ἐπὶ τούτοις, τὰς δεδομένας τοῖς πᾶσι προσήκῃσι ὅτι τε λευτέρων καταλύσας. Ita enim constituuntur & leguntur a Valeσιο, sed rectius Magnus *Salmasius* in libro de modo usurarum docet, legendum esse, κλήρων καὶ δωρεῶν ἐποίησε πᾶσι, τὰς τε
 &c.

&c. & ita recte vertit idem, *Præter vectigalia cum alia, quæ ab ipso primum reperta sunt, tum vectigalia decumæ, quam pro vicesima constituit, tum eorum, qui manumitterentur, tum, quæ aliquibus relinquerentur, hæreditatum & omnis donationis, successione præterea ab intestato sublatis, & immunitatibus, quæ genere propinquis defunctorum, ab intestato succedentibus, competebant.* Deinde optime docuit Salmasius *διαδοχα* in hoc loco absolute dici successiones ab intestato, & distingui ab hæreditatibus, quæ testamento relinquebantur, siue hæreditates siue legata fuerint: ea enim dicebantur *πᾶς καταλειπόμενα τῶν κληρῶν*, ut discimus ex veteri glossario Vulcanii, ubi *καταλειπόμενα* vertuntur *legata*: nam nullum Græci nomen habent, quo legata exprimant, unde Theophilus & Græci *Ἰσὶ λήματα* Romana voce dixerunt. *Πᾶσαν δωρεάν* vero esse omnem donationem, idem ait, tam mortis causa, quam inter vivos: non enim verosimile esse, illas immunes reliquisse tam avidum pecuniæ Principem, cum etiam agnatorum hæreditates decimæ obnoxias esse voluerit. Hanc legem decimariam a *Thalelæo* dictam esse, docet *Pithæus ad Collat. leg. Mo-*
61017
O 3 sai-

saicar. tit. xvi. ubi Ulpianus hujus decumæ meminit, occasione successionis legitimæ patronorum, qui jure Prætorio non antea ad successionem libertorum admittebantur, nisi deessent decem personæ agnatorum, quas enumerat ibi Ulpianus, quod jus correxisse Caracallus ibi ab eo dicitur. *Sed Imperator noster* (id est Caracallus l. 4. §. 5. ff. de off. proconsul. l. 32. ff. de donat. int. vir & uxor.) in hæreditatibus, quæ ab intestato deferuntur, eas solas personas voluit admitti, quibus devotivæ immunitatem ipse tribuit. Nimirum solis suis hæredibus, exclusis agnatis ab immunitate, & successionem, qui antea ad hæreditates libertorum ex intestato cernendas admittebantur. Licet ergo ex his videre, Caracallum hac lege cavisse, ut pauciores essent, qui immunitate vicecimæ gauderent, & removisse agnatos & gentiles a successionem ab intestato, & nullos præter suos hæredes admisisse; deinde, ut altero tanto vectigal auferetur, decumam vicecimæ substituisse. Nec intra hos fines callidi Imperatoris avaritia stetit, sed ut plures essent, a quibus hoc vectigal exigeretur, videtur ab eo institutum & permissum fuisse personis, quibus antea testamenti factio erat denegata, ultima

tima voluntate hæredes sibi scribere. Hoc ex l. 7. ff. *qui test. fac. pass.* possumus colligere: nam jure veteri neque mutus, neque surdus testamentum facere poterat, sed postea introductum, ut eorum testamenta valerent, si a Principe facultatem testandi impetraverint; quam illos non concessisse, nisi ut vicesima ex illorum hæreditatibus decerperetur, docet legis illius inscriptio, quæ est *Macri ad Legem vicesimam hereditarium*.

Sed nimis angustis adhuc terminis circumscribatur personarum numerus, ex quarum hæreditatibus vectigal hoc detrahebatur; immunes erant in vasto illo imperio, omnes peregrini, latini, socii & provinciales, & quicumque a jure civitatis Romanæ erant alieni; itaque ut æqualiter ab omnibus hoc vectigal solveretur, æqualem etiam omnium conditionem esse voluit Caracallus, atque omnes, qui in Imperio Romano erant, civitate donavit. Sic enim idem *Dion in excerptis* scribit οὐ ἐνεκὰ καὶ τῶν Ῥωμαίων πάντας τὰς ἐν τῇ ἀρχῇ αὐτοῦ, λόγῳ ἰσχυρῶν, ἔργῳ δὲ ὅπως πλείων αὐτῷ καὶ ἐκ τοῦ ταύτης προση, διὰ τοῦ τὰς ξένων τὰ πολλὰ αὐτῶν μη συντελεῖν, ἀπέδειξεν. *Cujus rei causa etiam omnibus, qui in orbe Romano erant, civitatem*

216 *De Vectigalibus Pop. Rom.*

dedit, specie quidem ipsa eis honorem tribuens; sed re vera ut fiscum suum augetet, quippe cum peregrini pleraque horum vectigalium non penderent. Qui locus liquido nos docet, quisnam sit ille Antoninus, de quo loquitur Ulpianus in l. 17. ff. de stat. homin. In orbe Romano qui sunt, ex constitutione Imperatoris Antonini cives Romani effecti sint; ut optime ibi docet Valesius.

Magna autem semper inter viros eruditos contentio fuit, quisnam celebris hujus constitutionis & beneficii auctor fuerit, & æternum de eo quæreretur, nisi Dionis hoc fragmentum omnem controversiam diremisset. Nos breviter Caracallo hoc munus asseremus, & contrarium sentientes redarguemus. Veteres plerique patres, ut *Hieronymus & Chrysostomus*, hujus constitutionis auctorem faciunt Imperatorem Adrianum, qui error exinde provenit, quia sæpissime Adrianus a scriptoribus confunditur cum Antonino Pio, & quod hic fecisse narratur, illi adscribitur; ita in jure sæpe dicitur aliquid constitutum esse ab Adriano, quod in aliis locis Antonino Pio tribuitur, ut id plurimis exemplis confirmat *Bertrand. in vita Titi Caji. & Cujac. in not. poster.* ad

ad §. 2. 7. de *Scto Tertullian.* Quod & in rebus, quæ historica fide nituntur, evenit; sic historia illa de Alexandrina muliere a Jcto ad Adriani tempora refertur in *l. 3. ff. si pars hered. petat.* a Capitolino vero ad Antonini Pii Imperium. *c. 9.* Sic etiam salaria & gymnasia doctoribus constituisse Adrianum narrat *Aurelius Victor*, quod Antonini Pii commenum esse tradit *Capitolin. in ejus vita. cap. 11.* Deinde aperte huic sententiæ repugnat *Spartiani* locus in *vita Adriani c. 21.* ubi dicitur Imperator *Adrianus Latium dedisse multis civitatibus*, ergo nondum jus civitatis promiscuum fecit, ut recte ibi notat *Casanbonus*, & aliter sentientes refellit. Hinc in alium errorem lapsi sunt viri docti, quia enim Antonino noverant adscribi hanc constitutionem, putarunt hoc esse introductum ab Antonino Pio, ita enim sentiunt plerique doctorum & *Salmas. ad Vopisc. Prob. c. 14.* & *Casamb. ad Spart. Sever. c. 1.* horum sententiam maxime firmat Justinianus Imperator in *Novell. 78. c. ult.* ubi ille expresse hoc Antonini Pii beneficium esse dicit, male autem *Aurelius Victor* a Valesio tanquam hujus opinionis auctor adducitur, cum ille de Marco Antonino Philo-

sopho verba faciat. Sed Justinianum & reliquos, qui id tradiderunt, errare putamus, cum clarissime id Caracalli beneficium esse tradat Dion, auctor certissimus, & qui illis temporibus floruit, deinde etiam Pium non dedisse omnibus civitatem, ex lapide apud *Reines. 6. insc. 129.* potest probari; nam ibi Camertes precibus & interpretatione Mœnii cujusdam, hospitis quondam Adriani, civitatem ab Antonino Pio consecuti dicuntur: nec, si omnibus data esset a Pio Civitas, Camertes, tanquam peculiaris ipsis gratia facta fuisset, monumento publico hoc mandassent. Neque Pii constitutionem hanc fuisse patebit, si docuerimus, neque Marcum hoc primum statuisse, quod tamen plerisque persuasum est. Error autem, cui & affinis fuit *Aurelius Victor* ut creditur, ex confusione Antoninorum manavit: cum enim plures Antonini fuerint, scriptores non rite ad rationem temporum attendentes, eorum res gestas & constitutiones confuderunt, ita etiam circa auctorem *l. 9. ff. ad L. Rhod. de jact.* variatur. de quo vid. *Clarissimum Huberum in digress. lib. 1. c. 23.* Itaque si lis quædam de Antoninorum gestis oriatur, nulli melius consulendi, ut dirimatur controversia, quam ii scriptores,

ptores, qui sui ævi & temporis res gestas li-
teris consignarunt, quod si fecissent Viri do-
cti, non Antonino Philosopho, de quo nul-
lus, qui sub ejus Imperio vixit, scriptor, id
testatur, adscripsissent, sed secuti fuissent Dio-
nem & Ulpianum, qui, his temporibus proxi-
mi, Caracallo hoc tribuerunt. Communi huic
errori tepidum sane patrocinium præbet Ictus
cæterum doctissimus *Galvanus. de Usufunct.*
c. 5. n. 12. Qui inde Philosophi hoc institu-
tum fuisse arguit, quia Marcus philosophiæ
Stoicæ præceptis imbutus, secundum ejus a-
xiomata ac placita mores & imperium dirige-
ret, cumque ex sapientum Stoicorum opinio-
ne, natura commune aliquod vinculum & co-
gnationem esse voluisset, absurdum visum fuit
summo philosopho Imperatori, hominum non
tantum in eodem orbe, sed uno in Imperio vi-
ventium diversam esse conditionem & jura, i-
taque ut omnes æquales haberentur, civitatis
jura promiscue illis largitus fuit. Ita, ut
errorem tueantur, sæpe viri docti nugæ agunt.
Deinde neque ex loco Aurelii Victoris, qui
plurimos decepit, plane constare puto, eum
Antoninum Philosophum hujus munificentiae
autorem facere. Ejus verba sunt, *data cunctis*
pro-

promiscue civitas Romana, unde male colligitur; omnibus in orbe Romano datam esse civitatem; sed hoc tantum, Antoninum, nullo habito discrimine, cujus gentis & nationis homines essent, dedisse civitatem plurimis, cum alii Imperatores difficiliore in largienda civitate essent; hoc *promiscue* significat, id est nullo habito discrimine personarum vel conditionis, ita *Liv. lib. 1. c. 43.* dicit *olim a Regibus eodem jure promiscue omnibus datum suffragium*, cum postea gradus a Servio facti sint; eodem modo Suetonius *promiscue spectare* dixit. in *Aug. c. 44.* *Domit. c. 8.* & fortasse idem voluit Victor, quod *Capitolinus in ejus vita c. 24.* notat, *Philosophum infinitas ex gentibus in Romano solo collocasse.* Caracalli ergo hoc, non tam beneficium, quam avaritiæ commentum fuit, ut præter Dionem etiam Ulpianum in *d. l. 17.* testari hinc probamus, quod Ulpianus, cum simpliciter Antoninum appellet, semper Caracallum designet, cum vero Pium vel Marcum velit significare, semper eos Divum Marcum & Divum Pium nominare solitus sit, ut animadvertit Vir magnæ doctrinæ & dignationis *Hieronymus Bignonius.* Multa possent coacervari loca ex juris commen-

tariis

tariis, ubi Ulpiani hæc consuetudo observatur, uno aut altero contenti erimus. In l. 4. §. 5. ff. de offic. Procons. Ulpianus dicit, *Imperator noster Antoninus Augustus*, qui nullus alius quam Caracallus esse potest, & manifestius in l. 32. ff. de donat. inter vir. & uxor. *Imperator noster Antoninus Augustus*, ante excessum Divi Severi patris sui; addi potest l. 12. ff. de Senatoribus & plures. Sed nec solus Ulpianus, sed & alii scriptores simpliciter Antoninum appellando, Caracallum designarunt, sic notante Salmasio ad *Spartian. Sever. c. 18. Philostratus Antoninum* pro Caracallo posuit. Unicus est tamen locus, qui sententiæ Valesii, quam huc usque defendimus, contrarius videtur, ex quo, ante Caracallum jam communem civitatem fuisse, posset colligi. Is est *Spartiani in vita Sept. Severi c. 1. Severus Africa oriundus imperium obtinuit, cui civitas Leptis, Pater Geta, majores Equites Romani, ante civitatem omnibus datam.* Hinc confici videtur, ante Caracallum jam omnibus fuisse datam civitatem. Respondet ei Valesius, vocem *omnibus*, non de universis in orbe Romano viventibus, sed de omnibus *Leptitanis* esse accipiendam, quæ commoda sane explicatio

catio est, addam tamen & quid ego sentiam de eo loco. Nimirum nequaquam hinc probari, ante Caracallum civitatem datam esse; nam eodem modo jam ante Adrianum ex eo loco concluderem datam civitatem, atque ita nimium hic locus probaret, & aperte omnium sententiis repugnaret: nam si rationem temporum ineas, Severus natus octavo anno Pii, ejus Pater sub Adriano jam floruit, Majores vero longius sub prioribus Imperatoribus necesse est vixisse, & ab iis civitatem accepisse, ut testatur Spartianus. Jam vero non commoda neque congruens Spartiani esset locutio, si, cum de aliquo civitate a Nerone vel Vespasiano donato, vellet agere, eum civem fuisse ante legem & constitutionem Antonini, qua omnibus data est civitas, diceret; sed hoc innuit Spartianus, Majores Severi ob præclara merita ab Imperatoribus prioribus fuisse civitate donatos: solebant enim Imperatores, primores & optimates aliquarum civitatum, si gratiam ipsis operam præstitissent, jure civitatis donare, ita Julius Florus Trevirensis & Julius Sacrovir Æduus apud Tacit. 3. ann. 40. & primores Galliarum Comata, apud eundem 1. 1. ann. 23. civitate gaudebant; tales etiam erant

Septimii Severi majores, quibus data fuit civitas. Unde commodius legendum puto, *ante civitate omnibus data*, id est, majores ejus fuere Equites Romani, cum iis omnibus antea civitas esset ab Imperatoribus data; quæ conjectura si cui non placeat, ille doctissimi Valesii amplectatur interpretationem, qui tamen & mecum statuit, speciali privilegio jus civitatis solis Majoribus, vel saltem Leptitanis concessum fuisse.

Hæc Antoninus Caracallus circa vice-
simam constituit, cui succedens Macrinus,
multa contraria Antonini institutis & studiis
constituit, & ab eo introducta abrogavit *Dion.
in fragm. lib. 78.* τὰ τε περὶ τοὺς κλήρους, καὶ
τὰ περὶ τὰς ἐλευθέριας, καταδείχθαι ὡς τὰ
Καρακάλλου πάύσας, ea, quæ Caracallus circa
*hereditates & manumissiones constituerat, ces-
sare jussit.* Qui tamen non totum vectigal ab-
rogasse præsumendus est, sed decimam sustu-
lisse & vicestimam restituisse: nam sub sequen-
tibus Imperatoribus eam non neglectam fuisse,
indicio sunt loci, qui vicestimæ meminērunt.
Elagabali tempore *multo ad vicestimam cura-
vit*, teste *Lamprid. Elagab. c. 12.* nec a sequen-
tibus facile id lucrum ærario ademptum. Sub
Valen-

Valente adhuc durasse indicat Lapis apud Gruter. p. 287. 4. Gratianum hoc vectigal plane sustulisse primus affirmavit *Alciat. lib. 3. dispuñt. c. 6.* idque Ausonium in gratiarum actione tradere dixit, quem secutus est *Pancirollus. in thes. var. lection. lib. 3. c. 31. & Goveanus ad l. 68. ff. ad Leg. Falcid. citante Bertrandro in vita Emilii Macri.* Alciatum & reliquos viros doctos decepit non recte intellectus locus *Ausonii in gratiarum actione* Imperatori Gratiano facta, quem male illos huc trahere & abuti jam ostendit *Cujacius ad Paul. 4. sent. 6.* verba Ausonii sunt, *Vel illud unum, cujusmodi est, de condonatis residuis tributorum? Quod tu quam cumulata bonitate fecisti? Quis unquam Imperatorum hoc provinciis suis aut uberiore indulgentia dedidit, aut certiore securitate prospexit, aut prudentia consultiore munivit? Fecerat & Trajanus olim: sed partibus retentis non habebat tantam oblectationem concessi debiti portio, quam suberat amaritudo servati. Et Antoninus indulserat. &c.* Nemo unquam credo hæc verba legens, hinc de vicesimæ abolitione Ausonium loqui colligeret, cum nulla illius mentio fiat, sed in errorem eos duxit, quod

quod legissent præcipue Trajanum & Antoninum plurima in hoc vectigali mutasse, quorum benevolentia & liberalitati Ausonius Gratiani munificentiam comparat & præfert. Sed nihil definit de vicesima, imo generaliter de remissione residuorum & reliquorum agit, de qua Imperatorum benignitate supra egimus; atque hoc de Trajano testatur *Plinius in panegyric. c. 40.* & veteres lapides & nummi. De Antonini, sive Pii sive Philosophi, remissionibus loquuntur auctores, quos citat *Jacob. Gothofred. ad l. 1. C. Theod. de indulg. debitor.* Male etiam viri docti & interpretes, ut *Vinetus ad Ausonium & Lips. ad Plin. paneg. d. 1.* solam Gratiani beneficentiam ad remissa reliqua hujus tantum vectigalis restringunt, cum generaliter Ausonius de *condonatis residuis tributorum* verba faciat. ut recte vidit *Loens. misc. Epiphyl. lib. 9. c. 9.* Difficile vero dictu est, quis tandem eam sustulerit. Justinianus in *l. ult. C. de Edict. Div. Hadr. toll. dicit vicesimam e republica recessisse*, unde *Cujacius ad l. 17. ff. de V. S.* (quem secutus videtur *Sc. Gentil. de jure accresc. c. 1.*) a Justiniano eam sublatam scribit, quod verosimile esse putamus, neque post ejus tempora vicesima

226 *De Vectigalibus Pop. Rom.*

amplius reperitur, & cum ante ejus imperium variæ Imperatorum constitutiones circa hoc vectigal fuerint, & Jurisconsulti sæpius in suis commentariis ejus meminissent, studiose Tribonianus omnem illius memoriam ex monumentis juris removit, vel mutatis quibusdam verbis, aliis speciebus & casibus accomodavit. Multa vestigia vicesimæ jam viri docti indagati sunt, quæ breviter, ne quid huic argumento desit, exhibebimus, prætermisiss illis legibus, quas jam ante huc retulimus.

Duo memorantur J Cti, qui ad hanc legem commentarios scripserunt, primus fuit *C. Aulus Osius*, qui tempore Augusti & ejus familiaris vixit. *l. 2. §. 44. ff. de Origin. Jur.* Qui videtur hoc in gratiam Augusti suscepisse, ut novam legem Senatoribus & populo commendaret, ut animadvertit *Baldwinus*. Ex hujus libris nihil in Pandectas relatum est. Post eum etiam *Æmilius Macer*, qui sub Alexandro Severo floruit, duos libros *εἰκοσῶν* conscripsit, ex quibus quinque leges in Digesta Tribonianus intulit, sed omnes ommissa vicesimæ mentione alio detorsit. de lege 7. ff. qui test. fac. pos. *l. 57. de relig. & sumpt. fun. & l. 154. ff. de V. S. & l. 68. ad leg. Falc.* jam egimus.

mus. In l. 13. de ff. Transact. dicitur, *Nulli Procuratorum Principis, inconsulto Principe, transigere licere.* Quod generale effatum ad solam vicesimam restrinxerat Macer, docendo, non licere Procuratori cum hæredibus transigere de vicesima, sed eum secundum æstimationem justam vectigal hoc deducere debere, ne fraudi & collusioni fenestra ei aperiretur, *cum Procuratori diligenter rem Caesaris gerere, non alienare commissum sit, neque ei donationis, venditionis vel transactionis causa quid agere liceat l. 1. §. 1. ff. de offic. Procurat.*

Ultra has leges, quæ manifeste ad vicesimam referri debent, occultiora quædam indicia quibusdam insunt. Sic quod rescribitur in l. 114. §. 14. ff. de legat. 1. huc refert Cujac. 5. obs. 16. Dicitur ibi *rerum alienationem in testamento vetitam, neque creditoribus, neque fisco fraudi esse debere.* Quæ fraus in eo consistebat, quod hæredes, quibus rem alienare prohibebatur, putabant simul eam esse immunem a vicesima, quia si vicesima detraheretur ex ea re, jam portio aliqua alienabatur & fisco cedebat, sed rescripsere Imperatores, nihil hoc prætextu Fisco posse noceri, quia hæredes ex reliqua hæreditate partem illam vi-

228 *De Vectigalibus Pop. Rom.*

cesimam possent dependere, vel si reliquæ res non sufficerent, non servandam esse alienationis prohibitionem: nam hoc modo maxima legi fraus fieret, cum aliquis omnia bona posset alienari prohibere; quo casu etiam testator æri grandi obrutus alieno, creditores posset decipere, si nec illi, habita ratione alienationis vetitæ, possent debitum suum consequi, quod absurdum & iniquum quum esset, neque creditoribus neque fisco hanc prohibitionem fraudi esse voluerunt; male autem *Rævardus var. 3. c. 16.* hanc legem ad vicesimam rerum venditarum & venalium refert, qualem nunquam fuisse, jam supra ostendimus, & pluribus contra eum probat *Cujac. 9. obs. 24.* Locus, quo Rævardus innititur, est apud *Plin. lib. 7. ep. 14.* ubi scribit Corellix, eam partem vicesimam a Publicanis emisse nongentis, sed eum non recte Plinium intellexisse docet Cujacius: non enim ibi agitur de vicesima, quæ in auctione detrahebatur, sed de hac ipsa vicesima hæreditatium: ut enim ex *epist. 11. ejusdem libri* apparet, erant agri, quos ex hæreditate aliqua Plinius acceperat, unde vicesima deberet detrahi; vendiderat autem Plinius Corellix quincuncem suam per Hermetem

tem libertum, septingentis millibus, modico pretio, cum possent nongentis millibus venire. Videntur vero publicani, qui vicesimam redemerant, in eo fraudem fisco factam esse, contendisse, & vicesimam ad summam nongentorum millium voluisse detrahere, quod pati coacta fuit Corellia; & partem illam vicesimam ad rationem nongentorum a Publicanis redimere, quæ itidem Plinio offerebat nongenta, quia tanti poterant vendi; quod Plinius recusavit, & contractum ab Hermete suo factum servari voluit. Nihil hic ergo de vicesima rerum venalium, sed aperte de vicesima, quæ ex rebus hæreditariis detrahebatur. Ad vicesimam etiam refert *Cujac. 9. obs. 24. l. 2. C. de transact.* ubi proponitur fater cum sorore transegisse de aliqua hæreditate, de qua lis inter eos metuebatur, & sorori cavisse certam pecuniam debere, postea ex ea causa aliquid fisco solvisse, quod an repetere possit? ibi quæritur. *Cujacium* in exponenda hac lege errare putat *Anton. Fab. conject. 17. c. 4.* cum lex accipi debeat, de hæreditate paterna, de qua transactio interposita sit, & ex qua vigesima non debebatur, & idcirca nullus locus fisco quare ille corrigit,

& legit, ex *quā causa si ilico solvisses*, sed revera neque Faber probat, ibi agi de hæreditate patris, cum nullum de ea verbum fiat, neque emendationem MSS fide firmat. Potest itaque lex de hæreditate extranei vel patrui, vel alterius sumi, unde vicesima debebatur, cum autem lis inter sororem & fratrem metuebatur, cautâ certâ pecuniæ summâ, frater eam totam adiit, qui ut hæres a fisco conventus ad vicesimæ solationem, ejus nomine postea a sorore repetere voluit, quod fisco solverat, & hoc ei negabatur, quia transactione omne negotium in eum translatum, & totius hæreditatis ille possessor factus fuerat, sorori vero ex transactione certa illa summa debebatur, ex quâ illa nihil fisco debebat, utpote quæ hæreditati renuntiaverat, & omne jus in fratrem transtulerat. Huc etiam respicere puto *l. 32. ff. de jure fisci*. ubi agitur de jure obsidum. In *l. 31.* Jurisconsultus dixerat ex rescripto Commodi *obsidum bona, ut captivorum, in fiscum esse redigenda*, postea autem limitat hanc regulam, & *si accepto jure & usu togæ, Romæ, ut cives Romani, semper egerint, eorum jus esse separatim ab obsidum, & illis esse servandum, quod habent,*
si a

si a legitimis civibus Romanis hæredes instituti sunt. Nim. obsides erant peregrini, ideoque non poterant hæredes institui a cive Romano, sed iis legata & relicta caduca fiebant, & fisco cedebant, *d. l. 31.* nam eam non ita accipere debemus, ut video interpretes fecisse, quasi obsidibus non licuisset de suo patrimonio disponere, & mortuorum omnia bona in fiscum redigi vellet, hoc enim contra omnem æquitatem constitueretur, cum obsides filios & agnatos domi haberent, qui sine injuria non poterant privari hæreditate, sed tantum voluit Commodus, eos nihil posse acquirere ex testamento Civis Romani, quia erant Peregrini, nec capaces juris Civilis Romani; si vero beneficio Principis togæ usus illis erat concessus, (de quo multa ibi *Gothofredus*) cives facti esse videbantur, & jure ex civium testamento capere legata & hæreditates poterant, sed eo casu vicesimam debebant præstare fisco, quod colligitur inde: quia hoc Divi Fratres *Procuratoribus hæreditatum* rescripserunt, de quibus mox agendi locus, & ex verbis ultimis, quæ ita constitui debent, *idem jus iis servandum, quod habent, qui a legitimis civibus Romanis hæredes instituti*

232 *De Vectigalibus Pop. Rom.*

sunt : nim. ut tantum vicesimam, non totam hæreditatem fiscus sibi vendicet, ut in testamentis civium.

Vicesimæ Vectigal, ut cætera omnia vectigalia, a Publicanis publice redimebatur, ita vidimus ex plurimis Auctorum locis, quos in hoc capite adduximus. *Plin. lib. 9. ep. 14. & in panegy. c. 37. Ratus insolenter, ac pene impie, his nominibus inferi Publicanum & apud Gruter. pag. 591. legitur PUBL. XX. Hi publicani etiam societates habuerunt, ut de reliquis supra ostendimus, hoc colligo ex inscriptione apud Gruter. pag. 426. 5. & 454. 8. ubi mentio fit Promagistri XX. hæreditatum, qui erat, qui vices Magistri societatis gerebat, de quo alio loco egimus; dicebantur etiam simpliciter Vicesimarii, ut apud Reines. inscr. 13. 43.*

Deinde speciali etiam Magistratui commissæ fuit hujus vectigalis cura, qui *Procurator* dicebatur, de quo plurima apud Auctores & in veteribus lapidibus mentio; dicebatur autem sæpius simpliciter *Procurator Cæsaris* ut in l. 13. ff. de transact. sive, quia sæpe in provinciis Procuratoribus, qui res Cæsaris curabant, etiam hujus vectigalis commissæ fuit

exactio, unde sæpe conjunctum legitur fuisse munus patrimonii Cæsaris & hujus vectigalis, ut apud *Gruter. pag. 59. 11.* plurimum vero specialis quidam Procurator erat vicesimæ, qui vel *hereditatium Procurator* ut in *l. 31. de jur. fisc.* & apud *Rein. 6. insc. 57.* vel *Procurator XX. hereditatium* ut apud *Gruter. p. 389. Reines. 6. inscr. 123. & passim.* vel etiam *Procurator XX.* apud *Gruter. p. 286. 4.* Reperiuntur etiam *Procuratores Augusti XX. Hared.* apud *Gruter. p. 359. 3.* & *Procurator Augg. Stationis Hereditatium* apud *Ursin. de famil. Rom. in gente Petronia:* plurimas enim stationes habebat fiscus, quæ erant diversæ mansiones in quibus officia fiscalia erant constituta. *Cujac. ad l. 1. C. ne fisc. rem quam vend.* unde tot fuere stationes fisci, quot genera vectigalium & tributorum, hinc in *l. 1. C. de compensat* dicitur *compensationi in causa fiscali* ita demum locum esse, si eadem statio quid debeat, quæ petiit. ubi plura *Gothofred.* ita *Stationes Marmorum* in antiquo lapide inveniuntur, quod immerito repudiat *Reines. comm. ad inscr. 9. 71.* Dicebatur etiam simpliciter *super Hereditates* ὁ ἐπὶ τῇ κληρονομίῳν, ut ex *Scribonio Largo* ostendunt *Casaub. ad*

234 *De Vectigalibus Pop. Rom.*

Suet. Claud. 2. Salm. ad Spart. Hadr. 2. & Reines. ad 9. inscr. 17. & ad vicesimam curare dixit Lamprid. in Elagab. c. 12. Hæc Procuratoria dignitas ampla latis & honesta quondam fuisse videtur: nam in inscriptionibus hoc munus sæpe a nobilioribus & illustribus viris legitur administratum. Sic a Prefecto Urbi apud *Gruter. p. 286. 4.* a Præfecto cohortis, Tribuno Militum &c. apud *Reines. 6. 123. & hinc Lamprid. d. l.* ut insolitum in Elagabalo notat, illum *Malionem ad vicesimam curare jussisse.* postea tamen sæpe hoc libertis commissum munus fuisse, docent lapides plurimi, v. *Gruter. p. 59. 10. & 11. & Reines. comm. ad 14. inscr. 162.* Hic Procurator sub se habuit alium, qui dicebatur *Supprocurator XX. Gruter. p. 591. 1.* Inveniuntur & *rationales Hereditatium.* apud *Gruter. 589. 7. & a comment. XX. Hæred. 589. 9. & a Comment. Rat. Hereditat. 599. 1. & Exactores Hæred. 589. 2. & 3.*

Omne autem ex vectigali vicesimæ argentum in ærarium Militare inferebatur, ut *Dion & Suet.* locis supra adductis testantur. cui etiam inlata est centesima rerum venalium. *Tacit. i. ann. 78.* Hoc Ærarium curasse tres Prætorios scribit

scribit *Baldinnus*, idque *Dionem* testari, quod falsum; scribit vero *Dion. lib. 55.* Augustum adhibuisse tres Consulares ad sumptus contrahendos. Nihil de cura hujus ærarii, quæ spectavit ad *Præfectos Ærarii Militaris*, quorum sæpe mentio apud auctores. *Tacit. 5. ann. 8.* de Vitellio dicit, *eum claustra ærarii cui præfectus erat, & militarem pecuniam novis rebus obtulisse.* sic in veteri lapide, quem profert *Lips. ad Tacit. 1. ann. 78.* Memoratur *Neratinus Præfectus Ærarii militaris. v. & Reines. 6. inscr. 130.* sæpe etiam iidem erant & Præfecti Ærarii Saturni & Militaris, ut *C. Plinius Cæcilius* in lapide apud *Laz. de republ. Rom. lib. 2. c. 14.*

C A P. XII.

De reliquis Populi Romani vectigalibus.



Huc usque præcipua vectigalia recensuimus, quæ æraria Populi Romani ditabant, hoc capite minutâ quædam vectigalia, quæ neque pingua, neque etiam diuturna

236. *De Vectigalibus Pop. Rom.*

turna satis fuere, enumerabimus, deinde etiam quædam vectigalia falso credita ostendemus.

Primum occurrit vectigal, quod pro aquæductibus pendebatur; loca enim circa Romam plerunque sicca erant, & aqua destituebantur, unde publicis impensis e longinquis regionibus aqua per canales ducebatur, ex quibus privatis jus ducendæ aquæ concedebatur sub pensitatione annua. De origine & tempore, quo aquæductus primum Romæ in usu esse cæperunt, non consentiunt viri docti. *Lips. de Magnit. Rom. lib. 3. c. 11.* ex *Frontino de aquæd. lib. 1. ad A. U. C. 441.* refert, quo tempore Appius aquam, ab eo Appiam dictam, primus perduxit. Diversi a Lipsio abeunt *Kenchenius ad Frontin. & ut videtur etiam Rittershusius ad Leg. XII. tab. clas. 3. part. 2. c. 5.* qui jam ante tempus XII. tabularum aquæductus, & jus circa eos institutum fuisse, conantur probare duobus argumentis. Primo ex *Plin. lib. 31. c. 3.* ubi Aquam Martiam ab Anco Martio rege derivatam videtur innuere; sed infirmum valde hoc argumentum, cum Aqua Martia non ab Anco, sed a Q. Marcio, qui Prætor fuit A. U. C. 608. sit perducta, & appellata; neque Pli-
nius

nus etiam dicat Ancum perduxisse, sed auspiciatum fuisse, unde eum non absolvisse apparet, & aperte *Frontinus*, (cui hac in re fides habenda, utpote qui consularis, & cui cura aquarum Romanarum a Nerva fuerat commissa, & omnia denique ex antiquis monumentis conquifivit) dicat, *ab Urbe condita per annos CCCCXLI. contentos fuisse Romanos usu aquarum, quas aut ex Tiberi, aut ex puteis, aut ex fontibus hauriebant.* Secundum argumentum, quo antiquiores aquæductus putant demonstrari, petitur ex l. 5. ff. *ne quid in loco publ.* ubi dicitur, *si per publicum locum rivus aquæ ductus privato nocebit, erit actio privato ex lege duodecim tabularum, uti noxa domino caveatur.* unde aquæductus jam tempore Decemvirorum, quod longe ante A. U. C. 441. fuit, fuisse probari autumant. Duplex vero responsio ad hanc l. dari potest, primo legem illam non loqui de æquæductibus, de quibus nobis sermo est, qui per canales ac tubos, & in latericlis fornicibus Romam deducebantur, sed de naturali derivatione aquæ, quæ ex flumine vel rivo aliquo publico ad irrigandos agros privatorum deducebatur, quæ non per lapidem stratum, sed per fistulas ducebatur l. 17. §. 1. ff. d. aq. & aq.

238 *De Vectigalibus Pop. Rom.*

aq. plur. arcend. quæ proprie dicebatur aquagium. l. 15. ff. de servitut. pred. rust. l. 9. ff. quomod. servit. amit. & l. 3. §. 5. de aqua quotid. & a Festo explicatur, dictum aqua agium, id est aqua ductus. græcis dicitur ὑδραγωγεῖον & ὑδροαγία ut in glossis habetur. non autem ita sollicite hæc distinctio aquagii & aquæductus observata fuit, quin sæpe confunderentur, & vectigal aquæductuum dictum fuerit τέλος ὑδροαγίας; deinde etiam, etsi concedamus *Idem* loqui de aquæductibus, non tamen inde probatur lege XII. tabularum de iis cautum fuisse, sed, ut recte *Marcilius* c. 54. ad L. XII. tab. animadvertit, non ejusmodi actio fuit ex l. XII. tab. sed interpretatione prudentum, ex capite legis, quod agebat de noxa & damno infecto, derivata fuit, nequicquam obloquente *Rittershusio*. Constitutis itaque aquæductibus publicis Romæ, vetitum fuit privatis aliquam inde aquæ partem decerpere, sed testante *Frontin.* lib. 2. Apud Antiquos omnis aqua in publicos usus erogabatur; nec privatis quicquam aquæ, nisi quæ ex lacu abundavit, ducere licuit, & hæc ipsa non in alium usum, quam in balnearum aut fullonicarum dabatur, eratque vectigalis statuta merces, quæ in

*in publicum penderetur. Deinde sensim jus
aquam ex publicis canalibus deducendi a Cen-
soribus, vel quoties ii in Republica non essent,
ab Ædilibus, privatis concessum, qui inde
ductis rivis & canalibus agros suos irrigabant,
dato certo vectigali. Postea soli Cæsares sibi
jus, aquam publicam concedendi, servarunt,
nec voluerunt, ut quisquam sine litteris
Cæsaris ducat. v. l. 2. C. Theod. de aqueduct.
& ibi Jac. Goth. Hoc vectigal ordinarie dice-
batur vectigal ex aqueductibus l. 41. ff. de
act. emt. Frontin. lib. 2. Commoda publice
familie ex Arario dantur, quod impendium
exoneratur vectigalium redditu ad jus aquarum
pertinentium. deinde appellatum etiam fuit
vectigal forma; sic in l. 27 §. 5. ff. de usufr. &
l. 39. §. 5. ff. de legat. 1. dicitur aliquid debe-
ri ob formam aqueductus. Forma vero aquæ
dicebantur ductus & canales, per quos aqua
ex publico in privatorum agros & domos de-
rivabatur, sic Frontinus dixit formas ductuum
& cæteri posterioris ævi scriptores ut Symma-
chus, Cassiodorus & reliqui ita hac voce usi
sunt; sic & in inscriptionibus sæpius reper-
tur. apud Gruter. 177. 1. restituta forma. &
180. 2. per formam cursu factam. Hoc vecti-
gal*

gal etiam idem esse, cum illo, quod dicitur
 τέλϞ τ̃ κηπίων, *vectigal hortorum*, & a *Po-
 lyb. lib. 6.* inter reliqua Populi Romani vecti-
 galia recensetur, puto: nam præcipue ideo
 aqua ex publicis ductibus, a privatis deduce-
 batur, ut eorū horti & rura, quæ aquis de-
 stituebantur, irrigarentur, sic expresse *Fronti-
 tin. lib. 2.* loquens de vectigalibus ex aquædu-
 ctibus, dicit ea constare ex hortis ædificiisve,
 quæ sunt circa ductus aut castella &c. & eod.
 libro. ductus publici hominibus privatis ad
 hortorum usum subserviunt. & ita aqua Al-
 fietina sive Augusta, quæ parum salubris
 erat ab Augusto privatis concessa hortis sub-
 jacentibus ad irrigandum. Neque per hortos
 hic solum intelligendi sunt illi agri, qui ob-
 septi solis voluptatibus & deliciis inserviebant,
 sed hortorum nomine omnes omnino villæ
 comprehenduntur. *Festus.* Hortus apud anti-
 quos omnis villa dicebatur, quod ibi, qui ar-
 ma capere possent, orirentur. unde *Plin. lib.
 19. c. 4.* testatur in XII. tabulis nusquam no-
 minari villam, sed semper in ea significatione
Hortum: Hujus vectigalis cura antiquitus ad
 Censores, & si ii non essent, ad Ædiles spe-
 ctasse, ex loco *Frontini* supra adducto patet.

Hi tutelam aquarum redemptoribus locare solebant, ut cætera opera publica; postea Agrippa, qui aquas etiam plurimas in Urbem perduxit, *Sueton. August. c. 42. ipse operum suorum & munerum perpetuus curator fuit. Frontin. lib. 2.* Deinde Censura jam pereunte Augustus, ut plures, qui sibi gratam operam in bellis civilibus præstiterant, obligaret, *nova officia excogitavit*, in quibus erat cura aquarum, *Sueton. Aug. c. 37. & primum curatorem creavit Messalam Corvinum, & adjutores ei dedit Posthumium Sulpitium Prætorium, & L. Comitium Pedarium, & insignia quasi Magistratibus iis concessit, & de eorum officio Senatusconsultum factum*, quod exhibet *Frontinus lib. 2.* post quem ordinaria dignitas hæc facta est. Deinde etiam reperitur *Consularis Aquarum*, qui aquæductuum curam gerebat, ut ex *l. 1. C. Th. de aquæd.* apparet, ubi *v. Jacobi Gothofr.* Et a sequentibus Imperatoribus constitutus fuit *Comes Formarum*, de quo videndus *Panciroli. ad notit. dign. occid. c. 7.* Ad tutelam etiam aquæductuum institutæ sunt duæ familiæ, una ab Agrippa, quam deinde Augustus hæreditatem sibi relictam publicavit, quæ publica inde dicta, & altera,

Q

quam

242 *De Vectigalibus Pop. Rom.*

quam Claudius instituit, quæ Cæsarea appellata est. Hæc familia erat servorum, qui *Aquarii* appellabantur (ita in inscriptione quam laudat *Pignor. de serv. p. 500. Aquarius Augusti* memoratur) qui erant aquarum custodes ὠδερφύλακες l. penult. C. de aquæduct. Hos *custodes* appellat *Tacit. 15. ann. 43.* ubi *Lipsius* non recte his *Castellarios* solos significari docet, qui tantum species aquariorum erant, ut docet *Frontinus*, qui eos *diductos in villicos, castellarios, curatores, silicarios, tectores & alios opifices* dicit. Hi accipiebant stipendia & commoda sua ex *vectigalibus*, quæ ad jus aquarum pertinebant. *Frontin. lib. 2.* Male autem *Brissolinus de Verbor. signif. in aquarius.* putat de his accipiendam esse l. 12. §. 42. ff. de instr. vel instr. legat. Sed manifestum est ibi agi de familia privata, quæ aquas curabat domini, quæ in multiplicem usum habebantur. De his vid. *Pign. de servis. p. 499. & seqq.*

Proximum vectigali ex aqua est vectigal, quod pro cloacis solvebatur, *Cloacarium* vulgo dictum. Hæ cloacæ primum a *Tarquinio Prisco* institutæ fuere, ut sordes, quæ Urbem deformarent, per eas in *Tiberim* deherentur, *Liv. 1. c. 38.* & fuerunt hæ cloacæ admi-

admirandum plane opus, & in quibus deprædicandis Auctores magnifice sibi indulgent; vid. *Lips. de Magnit. Rom. lib. 3. c. 12.* Harum cloacarum cura antiquitus ad Censores spectabat, qui eas purgandas & reficiendas locabant redemptoribus, quod, ut notum, non multis adstruemus: maximi autem sumptus fiebant in has cloacas ex publico, ita ut, teste *Dionysio Halicarnas. lib. 3.* aliquando neglectas cloacas, nec amplius transmittentes aquas, Censores mille talentis purgandas & reparandas locaverint. Ne autem damnum hinc sentiret ærarium, institutum fuit vectigal, ex quo cloacæ purgari & reparari potuerint, quod dicebatur *cloacarium*, ut appellatur in *l. 27. §. 5. ff. de usufr. & l. 39. §. 5. ff. de leg. 1.* Cloacæ postea sub Imperatoribus ad *Curatores* pertinebant, qui earum curam gererent; hi in veteribus monumentis plerumque appellantur *Curatores Alvei Tiberis & riparum & cloacarum Urbis.* V. *Gruter. inscr. p. 197. §. & 198. per. tot.* Hi, ut minori impendio ea purgarentur, utebantur poenæ damnatis. *Trajanus ad Plin. lib. 10. ep. 41.* Solent enim ejusmodi ad balneum, ad purgationes cloacarum, item munitiones viarum & vicorum dari. Præter has

244 *De Vectigalibus Pop. Rom.*

cloacas erant Romæ latrinæ publicæ, in quibus prætereuntes ventris onus deponere poterant, neque ex his etiam lucrum aspernata est Roma, sed eas vilibus hominibus locabant, qui vectigal exigebant ab his, qui subita necessitudine deprehensi se ibi exonerare cogebantur; ut recte rationem hujus sordidi vectigalis explicuit *Cujac. 22. obs. 24.* de his loquitur *Juvenal. 3. sat. v. 38.*

Conducunt foricas, & cur non omnia?

Hi appellantur in *l. 17. §. 5. ff. de usur. Foricarii*, quos male *Salmasius de usuris c. 18.* interpretatur, qui redimunt purgandas latrinas, cum ii non debeant inferre pecuniam fisco, ut in *d. l.* dicitur, sed accipere. Latrinis adjungo Amphoras publice positas in angiportis, de quibus *Macrob. 3. Satur. cap. 16.* Non videtur autem licuisse Romæ urinam publice facere, nisi in his amphoris, quæ in eum usum erant positæ in viis. In has autem gratis urinam conijcere licuit usque ad tempora Vespasiani, qui cum esset avarissimus *commentus est vectigal urinæ, Suet. Vesp. 23.* quod ad similitudinem foricarum, ut puto, vectigal instituit, & has Amphoras sordidis hominibus locavit, qui stipem ab hominibus, qui necessitate coacti in

iis lotium reddebant, exigebant; nam quæ viri docti de Fullonibus excogitarunt, fidem penes me non inveniunt: nam si vectigal aliquod fullones solvebant, erat propter aquæ usum ex publicis aquæductibus, ut supra ex *Frontino* docuimus. p. 38. De eodem Vespasiano testatur etiam *Tzetzes*, illum vectigal ex fimo, equino cœgisse, ut notat doctissimus interpres *Suetonii Casaubonus*.

Nulla magis argumento opulentia & magnificentia Romanorum declarari potest, quam admirandis illis viis, quas lapide sternebant, de quibus v. *Lipsi. de magnit. Rom. c. 10.* Sed ne nimio impendio ærarium exhauriretur, etiam ad illarum munitiones & tutelam privatos contulisse pecunias, declarant antiqua monumenta. Hoc clare docet *Siculus Flaccus, de condit. agror. Sunt via publica regaleque, quæ publice muniuntur, & auctorum nomina obtinent, nam & curatores accipiunt & per redemptores muniuntur; in quarundam tutelam a possessoribus per tempora summa certa exigitur.* Sæpius etiam in jure nostro hujus collationis a possessoribus agrorum viæ affinium, memoria a *JCtis* facta reperitur, ut in *l. 27. §. 5. ff. de usufr. & reliquis, quas ibi allegat. Gothofr.* has vias reficiendas

ciendas & muniendas olim Censores curabant, qui eas redemptoribus locabant. *Liv.* 41. c. 27. *Censores vias sternendas scilicet in urbe, glarea extra urbem substernendas marginandasque primi omnium locavere.* Qui locus ita accipiendus, eos Censores primos ex glarea, quæ minutissimi lapilli sunt, vias fecisse, cum antea ex grandibus & e montibus excisis saxis munitæ fuissent, ut Appia via. Deinde a Censoribus translata hæc potestas ad Quatuorviros *l. 2. §. 30. ff. de orig. jur.* & postea Curatores viarum ab Augusto constituti *Sueton. Aug.* 37. Vide *Lipsi. in excurs. ad Tacit.* 3. *annal.* Ad *Ædiles* vero curam viarum muniendarum pertinuisse, quod quosdam affirmare video, non puto, sed illorum tantum officium fuisse, curare, ne impeditum iter per vias sit, utque omnes sordes, effluxiones, & quicquid tandem viarum usui officeret, removeri juberent, hoc colligi potest ex *Sueton. Vesp.* c. 5. *l. 12. ff. de per. & comm. rei vend. l. unic. ff. de via publ.* Vel si forte legatur, illis etiam muniendi & reficiendi viarum curam fuisse commissam, illud accipiendum est, ut supra de aquæductuum cura ex *Frontino* docuimus, ut, si Censores in republica non essent, *Ædilibus* illud incubuerit. Suc-

Dissertatio. CAP. XII. 247

Succedit *Solarium*, quod vectigal erat, quod pro solo pendebatur *lib. 2. §. 17. ff. ne quid in loco public.* atque hoc plerumque exigebatur ex ædificiis, quæ privati in publico excitarunt, quod vetitum erat, *t. t. ff. ne quid in loco publ. l. 22. C. Theod. de operib. public.* Sed si quis ædificasset, *Præses provincie æstimare potest, utrum vindicanda in publicum sint, an potius iis satius sit vectigal imponi. l. 5. §. 1. ff. de operib. publ.* Sæpe vero controversiæ incidebant de ædificiis & locis, an privati an vero publici juris essent, quas dirimebant Imperatores. Sic Augustus *loca in urbe publica juris ambigui, possessoribus adjudicavit Suet. c. 32.* Et hinc notante Casaubono, *Curatores locorum publicorum judicandorum in lapidibus leguntur.* Hi ordinarie vel ædificia publicabant, vel iis vectigal & pensionem annuam imponebant, quæ *solarium* a JCrīs sæpe dicitur. *v. l. 39. §. 5. ff. de leg. 1. l. 15. ff. qui pot. in pignor.* hinc Imperator Julianus in *l. 1. C. de divers. præd. Urban. & rustic.* jubet pro ædibus, quas nonnulli in solo reipublice extruxerant, placitam pensionem præstare, non voluerat dirui ædificia, quæ sub Constantino maxime in publicis locis erant excitata,

248 *De Vectigalibus Pop. Rom.*

sed solario contentus fuit, v. *Amm. Marcel.* lib. 25. c. 5. & ibi *Vales.* de eodem solario accipienda videtur l. 17. ff. de pignorat. action. ubi *Divi Severus & Antoninus* rescripsere, *superficiarium prædium pignori posse dari, ita tamen, ut sine diminutione mercedis soli obligaretur.* Quod tamen & de privatorum jure, qui in alieno solo superficiem possident, posset intelligi, ut in l. 74. de *Rei. vind.* Postea Imperatores sæpe domos & ædificia publica donare solebant, & inde pensionem seu collationem quandam sibi capere, de qua est tit. in *Cod. Theod. de conlatione donatar. vel relevat. possession.* ubi videndus doctissimus *Interpres.* Præcipue etiam hoc solarium capiebatur ex ædibus, quæ in porticibus balnearum & lavacrorum publicorum exstructæ erant, quibus fruenter solario obligati erant, ut patet ex l. 52. C. *Theod. de oper. public.*

Fuit etiam acerbum olim vectigal, quod pro columnis & ostiis ædium exigebatur, dictum *Columnarium & Ostiarium.* A *Scipione* illud exactum docet *Jul. Cæs. 3. de bell. civ. c. 32.* Interim acerbissime imperatæ pecunie tota provincia exigebantur, multa præterea generatim ad avaritiam excogitabantur, in capita
singula

singula servorum, ac liberorum tributum imponebatur. Columnaria, ostiaria, frumentum, milites, remiges, arma, tormenta, vecturae imperabantur. De eo etiam agit Cic. 3. ad fam. ep. 8. dicens acerbissimam exactiorem capitum atque ostiorum. Institutum illud vectigal a J. Cæsare putarunt viri docti, ut Brantius ad J. Cæs. & alii, sed rectius Bosius & Popma ad Cic. 13. ad Att. 6. statuunt, hoc referendum esse ad legem sumptuariam Juliam, quæ cum omnium impensarum modus & numerus esset definitus, etiam insanum columnarum & ostiorum studium inhibitum est, imposito vectigali, si quis plures columnas, quam lex permetteret, haberet. Male etiam in locis, ubi Columnarii leguntur apud Cicer. legunt alii Colonarii, sic lib. 8. ad fam. ep. 5. Nolo te putare Favonium a columnariis præteritum esse. de quo loco v. Loens. misc. epiph. lib. 8. c. 19. Qui eos interpretatur hujus vectigalis exactores, quamvis ab eo dissentiat Manutius.

Non diuturnum autem hoc vectigal fuit, ut nec aliud, quod in gratiam ejusdem J. Cæsaris in Mutinensi bello a Senatoribus præstitum est. Auctor enim est *Dion. lib. 45.* Senatores

250 *De Vectigalibus Pop. Rom.*

natores quaternos obolos in singulas tegulas ædium, quas in urbe aut suas, aut conductitias habebant, dedisse.

Fuit etiam *Vectigal artium*, quod omnes artifices & negotiatores quotannis solvere tenebantur, pro libero exercitio artium, hoc primus instituit Alexander Severus. *Lamprid. Sever. cap. 24. Braccariorum, Linteonum, vitreariorum, pellionum, plaustrariorum, argentariorum, aurificum & ceterarum artium vectigal pulcherrimum instituit, ex eoque jussit thermas, & quas ipse fundaverat, & superiores populi usibus exhiberi.* Hoc vectigal sub sequentibus Imperatoribus duravit, & dictum fuit *Lustralis collatio*, quia cum antea singulis annis solvebatur, postea a Constantino in singula lustra pendendum iussum est. *v. Jacob. Gothofr. ad l. 1. C. Theod. de lustral. conlat.* dictum etiam fuit *aurum negotiatorum*, quod Alexander Romæ remisit. *Lampr. c. 32.* Non solum autem negotiatores honesti, sed & sordidi & infames huic præstationi obnoxii fuere: Lenones enim & meretrices vectigales erant. Primus id exegit Caligula teste *Suet. c. 40.*, ex quo id duravit sub sequentibus Imperatoribus, hinc *Lamprid. de Severo scribit*

bit c. 24. eum vetuisse *Lenonum vectigal*, & *meretricium* & *exoletorum in sacrum ararium inferri*, sed *sumptibus publicis ad instaurationem theatri, circi, amphitreatri & ararii deputasse*: & *Constantinum illud exegisse* testatur *Zosimus*. Plurima de hoc vectigali posset dici, sed cum aliorum scrinia compilare nolumus, remittimus lectorem ad *Casaubon*, ad *Sueton. Calig. c. 4.* & imprimis ad doctissimum *Jac. Gothofr. commentarium in l. 1. C. Theod. de lustrali conditione*, qui pluribus ibi de eo agit.

Instituit etiam Caligula Octavam partem ex diurnis gerulorum questibus, teste eodem *Sueton. c. 40.* Geruli autem erant vilissimum hominum genus, qui portandis mercibus & aliis rebus vitam sustinebant, hinc in contemptum ille apud *Petron. in fragm. trag. modo, modo collo suo circumferebat onera venalia*. Hi ætate Festi dicebantur Operarii & Græce βασιζοις *Gell. l. 5. c. 3.* dicuntur & Bajuli *Gloss. βασιζις bajulator*; & *Symmach. 10. ep. 27. frugis & olei bajulos dixit*. Et ἀχρόφορος Gerulus, onera ferens, *Sarcinarius, bajulator. in glossis*. Veteres autem videntur servis Bajulis usos fuisse. *Plant. asin. 3. 3. 70.*
Ego

*Ego bajulabo, tu ut decet dominum, ante
me ito inanis.*

& ex *Mercat.* 31. 10. etiam servas bajulas habuisse colligitur, ubi *Pasicompsa* negat *se posse bajulare*. Horum Gerulorum opera præcipue utebantur Redemptores operum publicorum, ad ferendam materiem ædificiorum. *Horat.* 2. ep. 2. v. 70.

Festinat calidus, mulis gerulisque redemptor.

Sed & homines lecticis impositos portare solebant, *Senec. de benef. lib. 3. c. 28.* Quo tandem ab istis gerulis raperis, cubile istud inum circumferentibus: Sic *Capitol. in Elogab. c. 6.* dicit, *Bajulos vice lecticariorum homines lecticis impositos portasse*. Hoc hominum genus etiam portitores postea dictum fuit a portando, qui præcipue literis portandis operam dabant. *Cassiod. 1. var. 46. Sidon. Apoll. 45. & 6. 3. l. 1. C. Theod. si cert. petat.* Denique sub posterioribus Cæsaribus constitutum est corpus aliquod & collegium gerulorum, qui dicebantur *Saccarii Portus Romæ*, qui erant constituti ad portandas merces ex portu in horrea, neque licebat cuicumque, per alios, imo ne per suos quidem, merces vel onera transferre in horrea,

rea, constituta pœna quintæ partis ejus speciei, quæ per alios portata erat, fisco vindicandæ. *l. unic. C. Theod. de Saccar. port. Rom.* Horum meminit & *Paulus in l. 40. §. 3. ff. de contr. empt. Si quid ex sacco saccarii cecidit.* Hi *Saccarii* sæpe in auctoribus ob soni similitudinem confunduntur cum *Sagariis*, qui erant Sagarum confectores, & quorum etiam corpus & collegium erat Romæ, de quibus est *l. 52. §. 4. ff. p. o socio. l. 5. §. 15. ff. de tribut. act. & Reines insc. 10. 9.* sic apud *Apulej. libr. 1. Jacob. Gothofr. ad d. l. unic. C. Theod. de sacc.* recte restituit *Saccariam* *facere*, pro *sagariam*, quia ille, qui *Saccariam* ibi *facere* narratur, *vegetus* dicitur, quod Epitheton maxime *Saccario* convenit, qui expedite & celeriter merces transferre debet, hincque puto in glossis *Gerulum* verti ἀνευτήν, id est, festinantem, & ex supra adducto loco Horatii.

Festinat calidus mulis gerulisque redemptor. hoc colligitur. Qui vero *saccarius* in Glossa vertitur σακκίπλοκ, non est bajulus, sed saccorum confector.

Neque intra hos terminos avaritia Imperatorum stetit, ut sordida & inaudita hæc vestigalia solum extorquerent, sed & alia exigèrent pro

254 *De Vectigalibus Pop. Rom.*

pro rebus , quas natura omnibus communes fecerat. Aër, quem omnes haurimus, non immunis subjectis Imperio Romano fuit. Minatus id olim fuerat Palæstinis Pescennius Niger. *apud Spart. c. 7. quibus rogantibus, ut eorum censitio levaretur, respondit, vos terras vestras levare censitione vultis, ego vero, etiam aërem vestrum censere vellem.* Tandem revera institutum fuit τέλος αἰρικὸν *vectigal aëricum*, quod Cedrensis Michaelis Paphlagoni inventum esse scribit. vid. plura de hoc vectigali apud Cuiac. 10. obs. 7. & Buleng. de *vectigal. P. R. c. 17.* Deinde etiam pro fumo exactum fuit vectigal, quod originem debet Nicephoro Imperatori, & exigebatur pro singulo fumante, vel pro unaquaque domo & lare, ut ex Zonara docuerunt Bulenger. d. 1. & Pancirol. var. lect. 3. 31. Video autem viros doctos, ut Cuiacium & Bulengerum, his duobus addere tertium vectigal *pro umbra* solum, quod ex arboribus exactum fuit, quale tamen nullum unquam existisse, plane mihi persuasum habeo. Utuntur, ut hoc probent, loco *Plin. lib. 12. c. 1.* ubi de Platano agens, dicit, *gentes & vectigal pro umbra pendere.* Sed revera nihil magis menti Plinii con-

contrarium, quam inde novum & inauditum vectigal eruere; Oratorie autem magis quam historice ibi in luxuriam invehitur, quæ eo tempore maxime homines afflaverat, ut platanum arborem, quæ nihil frugum ferret, sed ad solas delicias & umbræ causa in summo honore & pretio habebatur, ex longinquis terris adveherent. Sic in Italiam per mare Jonium erat translata, ubi Romani & Itali ita delectabantur Platano, ut in prædiis loca, quæ voluptati & libidini consecrabant, platanis confererent, ut ex *Mart. 3. ep. 19. Plin. 1. Epist. 3. Petron. c. 86.* & infinitis auctorum locis patet. Quod etsi non frugi patrisfamilias esset, utpote qui nihil redditus ex terra sua inde caperet, tamen id magis mirandum esse in iis gentibus, qui solum tributarium arabant, & coacti erant quotannis tributum Romanæ republicæ pendere. Deberent enim ii, ut tributum hoc facile & sine incommodo solverent, agros suos frugibus & frumento exercere, ut inde vectigalis præstatio ipsis compensaretur, sed eo dementiæ eos pervenisse dicit, ut agros, pro quibus tributum deberent, confererent arboribus, quæ nihil nisi delicias & patulam umbram domino soli præberent, atque

256 *De Vectigalibus Pop. Rom.*

atque ita vectigal pro sola umbra penderent.

Errat quoque Bulengerus, qui in libro *de Vectigalibus P. R.* speciale aliquod vectigal *Macelli* statuit, de quo agit *c. 15.* idque iterum ex *Plinio* adstruere conatur. is *lib. 19. c. 4.* dicit, itaque *hercule nullum macelli vectigal majus fuit Roma*, sed si verba sequentia recte considerasset, non singulare vectigal *Macelli* fuisse, sed portorium, quod omnibus Mercibus impositum, etiam ex *Macello* exactum, vidisset. *Macelli* autem appellatione, omnia obsonia & edulia, quibus vita humana sustentatur, continentur. Sic eodem capite *Plin.* dixit. *Ex horto Plebei macellum, quanto innocentiore victu*: hinc apud *Suet. Tib. c. 34.* legimus, *Tiberium annonam Macelli Senatus arbitratu quotannis temperandam censuisse.* Venditores obsoniorum dicebantur *Macellarii*, quos male Bulengerus pro redemptoribus fictitii sui vectigalis sumsisse videtur. *Sueton. Jul. Caf. 26.* *Munus Populo epulumque pronuntiavit in filie memoriam, quod ante cum nemo.* Quorum ut quam maxima expectatio esset, ea quæ ad epulum pertinerent, quamvis *Macellariis* oblocata, etiam domesticatim apparabat; eosdem autem cum *Laniis* puto fuisse

Ma-

Macellarios, qui agnos & cæteras pecudes subministrabant epulis, & quibus locabantur oves mactandi & præbendi, de quomore v. Gronov. 1. obs. 20. infin.

Ultimo etiam ex vectigalium catalogo erandendum est *Ædilitium vectigal*, quod plerisque persuasum est, fuisse aliquod pecuniæ genus, quod provinciales ludorum nomine *Ædilibus* Romanis pendebant. Subsidium petit *Bulenger. de vect. P. R. c. 40. ex Cic. lib. 1. ad Q. Fratr.* ubi scribit. *Quantum vero illud est beneficium tuum, quod iniquo & gravi vectigali Ædilitiorum, magnis nostris simultatibus, Asiam liberaſti.* Idem sentit. *Turneb. 27. advers. 1.* cujus verba exscripsit *Bulengerus*. Sed error hic inde provenit, quod non recte ritum antiquum *Ædilitium* considerarint, qui honorem auspicatorum debebant ludos edere, in quos maximæ impensæ & sumptus fieri consueverant, quos cum vix sustinere possint, ab amicis imo & a civitatibus sociis, & subjectis populis, hospitibus & clientibus solebant *Ædiles* commodare, quæ ad magnificentiam & pompam ludorum & ornatum fori conferrent, ut tabulas, signa & reliqua. Hoc manifestum est ex *sexta verrina. C. Claudius*, cujus adilita-

R

rom

rem magnificentissimam scimus fuisse, usus est hoc Cupidine, tamdiu, dum forum Diis immortalibus, populoque Romano habuit ornatum, & cum esset hospes Hejorum, Mamerini autem populi patronus, ut illis benignis usus est ad commodandum, sic ipse diligens fuit ad reportandum.

Ita olim erat moris, sed invalescente avaritia, provinciales cogebantur. Aedilibus in ludos & ornatum fori, non commodare, sed plane donare res, & bestias venari ad spectacula. Hoc patet ex Cic. 8. ad fam. ep. 9. & ad Att. 5. ep. ult. & 6. ep. 1. quin & deinde extortæ fuere provincialibus stipes & pecuniæ, quas conferre deberent ad ludorum exhibitionem, de quibus multa reperiet lector apud Lips. ad Tacit. 14. ann. c. 15. & simile fuit hoc tributum fere auro coronario, quod Imperatores imperabant Provinciis, cum aut victoria insigni potiti essent, vel lætum & faustum diem aliquem celebrarent. De quo, quoniam extra institutum nostrum sit v. Casaub. ad Spart. Adr. c. 6. Vales & Lindenbr. ad Ammian. Marcell. lib. 25. c. 4. Hoc autem onus, quod Aediles provincialibus imponebant, eleganter vocat *vectigal Aedilitiarum*, eodem modo

modo ut ad *Att. 5. ep. ult.* vocat *vectigal Prætorium*, pecuniam, quam provinciales solebant Prætoribus dare, ne milites in hyberna reciperent, unde ipsis damnum eveniebat, & quod malebant pecunia redimere; quod onus postea dictum fuit *Epidemeticam*. de quo *V. Tit. C. Just. de Metaris & Epidemeticis*.

Atque hæc sunt, quæ circa vectigalia Populi Romani observaveram, plura forte tempus, & major ex lectione cognitio docebit, interim hos primos conatus benigne, ut spero, favens lector accipiet.



INDEX AUCTORUM

Tam Veterum quam Recentiorum, qui
in hoc opusculo citantur, clu-
strantur vel emendantur.

A.

- A** Ccursius 93.
Aggenus Urbicus. 11. 14. 20.
Alciatus. 64. 93. 191. 195. 224.
Ammianus Marcellinus. 35. 54. 107. 115.
135. 248.
Appianus. 10. 85.
Aristophanes. 194.
Arrianus. 186. 187.
Asconius Pedianus. 30. 162. 163. 167. 168. 169.
Auctores rei agrariae. 9.
Aurelius Victor. 39. 40. 44. 49. 51. 69. 217.
218. 219.
Ausonius. 224.

B.

- Balduinus. 195. 197. 198. 235.
Bertrandus. 216.

AUCTORUM.

Bignonius. 220.

Blondus. 185. 191.

Bosius. 249.

Brantius. 249.

Brissonus. 101. 164. 202. 242.

Bulengerus. 21. 42. 61. 71. 93. 116. 117. 135.
155. 254. 256. 257.

C.

Capitolinus. 35. 80. 211. 212. 217. 220. 252.

Casaubonus. 32. 42. 45. 88. 91. 108. 120. 174.
203. 217. 233. 245. 251. 258.

Cato. 16.

Cassiodorus. 68. 104. 114. 137. 152. 154. 172.
239. 252.

Kenchenius. 236.

Chrysosthomus. 216.

Cicero. 6. 7. 8. 9. 15. 17. 21. 24. 25. 26. 27. 28.
29. 30. 31. 36. 37. 58. 72. 73. 78. 80. 85.
117. 124. 125. 126. 127. 133. 134. 136.
137. 139. 144. 149. 156. 158. 163. 164.
166. 167. 168. 169. 175. 185. 192. 249.
257. 258.

Claudianus. 50. 174.

Codex Justinianus. 41. 46. 64. 66. 76. 77. 81.
91. 92. 94. 105. 107. 109. 110. 112. 113.
114. 116. 119. 127. 129. 147. 148. 151.
152.

I N D E X

152. 153. 154. 171. 172. 175. 176. 177.
 181. 199. 206. 225. 229. 233. 241. 247. 258.
Codex Theodosianus. 41. 42. 43. 48. 52. 54. 55.
 56. 64. 65. 66. 68. 81. 82. 91. 103. 105. 107.
 109. 114. 115. 152. 171. 172. 173. 174. 175.
 183. 239. 241. 247. 248. 250. 252. 253.
Columella. 16. 38. 50.
Cornelius Nepos. 100. 164.
a Costa. 161.
Crinitus. 136.
Cujacius. 4. 17. 18. 65. 67. 76. 87. 93. 94. 102.
 110. 212. 119. 155. 178. 92. 216. 224. 225.
 227. 228. 229. 244. 254.
Cuperus. 22.

D.

Dion Cassius. 72. 73. 94. 95. 96. 97. 149. 176.
 179. 182. 186. 195. 197. 198. 212. 215.
 223. 234. 235. 249.
Dionysius Halicarnassensis. 70. 243.
Donatus. 169. 178.

F.

Faber (Ant.) 229.
Festus. 15. 57. 60. 162. 163. 189. 238. 240. 151.
Frontinus. 130. 236. 237. 238. 239. 240. 241.
 242.

Gal-

AUCTORUM.

G.

- Galvanus*. 219.
Gellius. 251.
Gentilis. (*Scip.*) 195. 225.
Glossæ. 119. 120. 251. 253.
Godelevanus. 186.
Goëddens. 93.
Goefius. II. 14. 62.
Gothofredus (*Dion.*) 42. 146. 155. 178. 231.
Gothofredus (*Jac.*) 41. 43. 45. 49. 52. 67. 102.
 108. 171. 172. 173. 225. 248. 250. 251. 253.
Goueanus 224.
Gratius 99.
Grenovius 156. 189. 257.
Gruterus 25. 45. 55. 84. 98. 148. 151. 153.
 156. 184. 224. 232. 233. 234. 239. 243.
Gutherius 93. 98. 99. 147. 154.

H.

- Harduinus* 173.
Heraldus 140.
Herodianns 75. 212.
Hieronimus 116.
Hyginus 12. 13. 14. 20. 21. 131. 142.
Horatius 120. 132. 252. 253.
Hottomannus 117. 137.
Huberus 218.

I N D E X A

I.

Isidorus 57.

Julius Caesar 24. 248.

Juvenalis 21. 22. 244.

L.

Lampridius 40. 48. 52. 55. 81. 92. 129. 174.
184. 223. 234. 250.

Lazius 16. 99. 100. 154. 235.

Lipsius 20. 43. 87. 95. 97. 146. 156. 180. 187.
190. 225. 235. 236. 242. 243. 245. 246.

Lindenbrogius 258.

Livius 6. 7. 8. 10. 12. 15. 23. 24. 28. 31. 58.
60. 62. 71. 77. 84. 102. 104. 116. 121. 122.
123. 125. 127. 133. 143. 152. 168. 170.
185. 191. 220. 242. 246.

Loensis 187. 194. 195. 225. 249.

van Loon 190.

Lucilius 79.

M.

Machabeorum auctor 118.

Macrobius 134. 244.

Manutius 122. 249.

Marcilius 238.

Martialis 33. 93. 255.

Matthæus (Anth.) 97. 159.

Nerius

AUCTORUM.

Nerius 178.

Nonius 169.

Notitia Imperii 55. 147. 151. 153.

Novella Justiniani 217.

- - - *Valentiniani* 68.

Nummi 41. 88.

O.

Ovidius 16. 59. 60. 131. 144.

P.

Palladius 16.

Pancirolus 42. 55. 87. 92. 147. 150. 152. 153.

155. 194. 224. 241. 254.

Pandecta juris 15. 17. 21. 42. 57. 62. 71. 72.

75. 76. 77. 79. 80. 82. 93. 94. 107. 108.

110. 111. 112. 115. 116. 118. 119. 121.

127. 130. 134. 149. 156. 158. 175. 177.

178. 179. 190. 198. 205. 209. 210. 214.

215. 216. 217. 218. 221. 224. 226. 227.

230. 232. 237. 238. 239. 242. 243. 244.

245. 246. 247. 248. 253.

Paulus 197. 209.

Petronius 16. 187. 188. 251. 255.

Pignorius 242.

Pithæus 213.

Plautus 80. 99. 169. 190. 202. 251.

Plinius

M I N D T E X.

Plinius 17. 32. 42. 47. 58. 59. 102. 115. 117.
 118. 133. 145. 192. 198. 200. 201. 203.
 204. 205. 207. 208. 209. 225. 228. 232.
 236. 240. 243. 254. 256.
Plutarchus 10. 70. 134.
Polybius 123. 144. 162. 163. 240.
Popma 249.

Q.

Quintilianns 78. 79. 86.

R.

Revardus 191. 228.
Reinesius 110. 132. 134. 152. 153. 174. 205.
 218. 232. 233. 234.
Rittershusius 201. 236.
Rycquius 131. 132. 138. 139. 140. 141. 142.
Rubinius 22.
Salmasius 21. 35. 42. 43. 67. 91. 93. 102. 108.
 120. 212. 217. 221. 234.
Scaliger 31. 35. 189. 225.
Schefferus 188. 193.
Schelius 179.
Seneca. 16. 21. 33. 74. 131. 252.
Siculus Flaccus 6. 59. 245.
Sidonius Apollinaris 47. 50. 105. 252.
Sigonius 9. 13. 84. 201. 202. *Solinus* 118.

2000

Spar-

AUCTORUM.

Spartianus 40. 44. 48. 52. 91. 217. 221. 254.

Spanhemius (*Ezec.*) 87.

Statius 51.

Stewechius 43.

Strabo 105. 107.

Suetonius 22. 31. 33. 35. 37. 38. 40. 48. 51. 73.

76. 81. 86. 87. 89. 90. 96. 97. 100. 106.

120. 124. 129. 131. 135. 145. 146. 149. 156.

167. 176. 177. 195. 206. 220. 234. 241.

244. 246. 247. 250. 251. 256.

Suidas 53.

Symmachus 48. 50. 54. 55. 56. 82. 86. 113.

182. 239. 251.

T.

Tacitus 38. 39. 40. 48. 65. 72. 72. 74. 80. 81.

83. 86. 87. 89. 95. 96. 105. 107. 112. 124.

136. 146. 150. 154. 156. 179. 180. 181.

206. 222. 234. 235. 242.

Terentius 169.

Tertullianus 131.

Thalelaus 213.

Thycidides 194.

Torrentius 31. 43. 97. 120.

Turnebus 31. 57. 61. 99. 257.

Tzetzes. 245.

MIUNI D E O X I A

Valerius Maximus 164.
Valesius 35. 98. 211. 212. 217. 248. 258.
Varro 57. 60. 61. 62. 133. 134. 137.
Vellejus Paterculus 71.
Vertranus 146.
Virgilius 57.
Vinetus 225.
Vlitius 100.
Vopiscus 49. 51. 52. 53. 66. 68. 69. 130.
Ulpianus 200. 204. 214.
Ursinus 233.

Z.

Zazius 195.
Zonaras 211.
Zozimus 251.

I N.

I N D E X

Rerum & Verborum.

- Æ** Dificia in publico 247.
 Ædificandi luxus 115.
 Ædiles ærarii curam gesserunt 146.
 --Scripturam exigebant, & pascua publica administrabant 150.
 --viarum curam gerebant 246.
 Ærarium Romæ ablatum 130.
 --- a quibus administratum 145.
 --- militare 195. 234.
 Ægyptus 26. 39.
 Africa 25. 39. 50. 103.
 Agnati immunes a vicefima 199.
 Agri publici 5. & seqq.
 --- vectigales 5.
 --- immunes 12.
 --- municipiorum 16.
 --- scripturarii 60.
 Agricultura neglectus 37.
 Alabarches & alabar-
 chia vectigal 154.
 Alexandria 173.
 Ambracenses 84.
 Amœna asiæ 65.
 Amphoræ in quibus urina reddebatur 244.
 Annotatores 171.
 Ansarium 99.
 Ansata tela 99.
 Apulia 58.
 Aquæductus. 236.
 Aquagium 236.
 Aquarii 242.
 Arbores vectigales. 21.
 Arca civitatum 130.
 ---vinaria 54.
 Argentifodinæ 106.
 Armenia 68.
 Asia 25. 39. 72.
 Auctiones 101.
 Aurariæ 154.
 Aurifodinæ 106.
 Aurum vicesimarium 191.
 B.
 Bajuli 251.
 Balluca 102.

Ba-

RERUM & VERBORUM.

Batavi 83.	Circumvectionis portorium 78.
Britannia 72. 85.	Civitatum agri 18.
Bruttii. 67.	--- vectigalia 128.
C.	Cives novi & veter. 203.
Cadaver transferre non licuit 75.	Classis Alexandrina 173.
Calcis coctores 56.	--- Africana 174.
Calles 57.	Cloacæ 243.
Campania 50. 68.	Cloacarium 242.
Canon frumentarius 40.	Collegia & Corpora quæ vinum accipiebant 55.
--- Metallicus 108.	Coloni vectigales 10. 12. 19.
Capitum 67.	Coloniæ 9.
Capula 49.	Columnarium 249.
Capulatores. 44.	Comes Sacrarum Lar- gitionum 147. 154.
Cappadocia 118.	--- Commerciorum 148. 151.
Carnis distributio 69.	--- Orientis 148.
Castrorum portorium 71	-- Portus Ostiensis 151.
Cella Prætorum 29.	--- Rerum Privatarum 152.
--- vinaria 52.	--- metallorum 153.
Cellaria 52.	--- Formæ 241.
Cellarii 52.	Commissum 79.
Cellarienses 52.	Compascua 13.
Censorum potestas circa vectigalia 126. 133. & seqq.	Compulsores 173.
Censores concedebant jus aquæ ducendæ 239.	Conductores portuum. 175.
--- vias muniendas curabant 246.	
Centesima 95.	

Con-

I N D E X.

- Constantinus M. vinum vestigalia 148.
 primus Populo dedit Divisio agrorum 37.
 53. Donationes vestigali
 Consulum jus in loca- obnoxia 197.
 tionibus vestigalium E.
 135. 144. Edicta subsequebantur
 Consularis aquarum senatusconsultum III.
 241. Edulia vestigali obno-
 Cotoria 108. xia 96. 100.
 Cretifodna 108. Epimetrum 171.
 Cullei 98. 100. Equi Imperatorum 64.
 Curatores cloacarum Equorum praestatio 68.
 243. Equites Romani erant
 --frumenti dividendi Publicani 136.
 150. Equites Romani erant
 ---publicorum locorum etiam Procuratores
 judicandorum 247. 146.
 ---viarum 146. Eunuchi 77.
 Cyclades insulae 50. Exactores 172.
 D. F
 Decemprimi 186. Fœnum debebat prestari
 Decuma Hereditarium stabulis Imperatoris
 212. & seqq. 68.
 ---manumissionum 186. Fœminæ in salinas dam-
 Decumæ frumenti 23. natae 116.
 & seqq. Forma aquæ 239.
 ---duæ imperatae. 28. Forum Collearium 96.
 ---ex gregibus 109. Frumentum Aestimatum 30.
 ---ex salinis 117. Alexandrinum 173.
 Decumani 167. ---in Cellam 29.
 Decuriones colligebant

Ho-

RERUM & VERBORUM.

--- decumanum 28.	Instrumenta itineris im-
--- Emptum 26. 41.	munia 77.
--- Honoratum 31.	Intercalationes in gra-
--- Imperatum 28.	tiam publicanorum
Frumentarii 42. 173.	139.
Fullones an vectigal	Interpretium 171.
soluebant 245.	Irenarchæ 177.
G.	Judæi 22.
Gentibus divictis agri	Jus cognationis 205.
adeinti 8.	Jus instituendi vectiga-
Gentiles 201.	lia. 121. & seqq.
Geruli 251.	L.
Greges dominici 64.	Lacedemonia 47.
H.	Lacus 15.
Hæreditates vectigali	Lacus olearii 16.
obnoxia 197.	Lapides cædere unicui-
Hasta in foro ponebatur,	que permissum 115.
cum locabantur ve-	Lapidicina 108.
ctigalia 133.	a Lapidicinis 154.
Hispania 26. 102.	Latrinæ publicæ 242.
Horrea 42.	Legata vectigali obno-
Horti vectigales 240.	xia 197.
I.	Legati res immunes ha-
Illyricum 105.	bebant 77.
Immunes res a porto-	Lex Decimaria 213.
riis 77.	--- Julia de magistrati-
--- personæ 81.	bus 120.
Immunitates venditæ	--- Julia sumptuaria 249.
81.	--- Terentia & Cassia
Inscriptæ pecudes 61.	125.
--- merces 79.	--- Thoria 63.

I N D E X

- | | |
|--|--|
| <p>Libycum marmor 103.
 Lignorum præstatio 183
 Limenarchæ 178.
 Locatio vectigalium 133.
 Lucania 67.
 Lustrum 134.
 Lustralis collatio 250.
 M.
 Macedonia 103. 118.
 Macellarii 57.
 Macellum 56.
 Magistratibus sumptus itineris decreti 120.
 — non licebat esse publicanis 165.
 Magistri societatis publicanorum 163.
 Manceps 162.
 Mancipes salinarum 182.
 Mancipia 162.
 Marmor Libycum 103
 Martio mense locabantur vectigalia 133.
 Mensa Olearia 49.
 Merces quid significet 22.
 Merces, quæ portorio erant obstrictæ 76.
 Merces immunes 77.</p> | <p>Merces non licebat efferre navi, nisi soluto portorio 80.
 Meretrices vectigales 250.
 a Metallis 154.
 Metalla publica 106.
 Metallum vectigal 101 & seqq.
 Metallicus Canon 108.
 Metalla 101.
 Milites oleum accipiebant 49.
 --- non vero vinum 52
 --- Carnes 69.
 --- non erant immunes a portorio 81.
 --- Urbani & stationarii 176. 178.
 Montes sub pascuis comprehensi 58.
 Mulctæ pecuvariorum 60.
 Municipiorum agri 16.
 --- vectigalia 128.
 N.
 Navicularii 82. 175.
 Negotiatio lapidum 109
 Negotiatores vinarii 55.
 Negotiatorium aurum 250.
 S. Ob-</p> |
|--|--|

RERUM & VERBORUM.

O.	Parochi 120.
Obsidum testamenta	Pascua publica 57. æstiva & hiberna 62.
230.	
Octava portorii 92.	Pastores debebant profi- teri numerum peco- rum 60.
--- gerulorum 251.	
Octavarii 175.	Pastores qui. 62,
Officiales domus Augu- stæ in salarium acci- piebant carnes 69.	Pauper hereditas quæ- nam 199. 208.
--- oleum 49.	Pecuarii 168. 170.
--- sal 119.	Peregrini non poterant esse publicani 165,
vinum 55.	--- immunes erant a vi- cesima 202.
Olei vectigal 43.	Picariæ 21.
Oleum plebi datum 47.	Plantata 20.
--- militibus 41.	Platanus 255.
--- Officialibus domus augustæ 49.	Pœna commissi 79.
Oleum in culleis expo- situm 98.	-- omissæ professionis 61.
Operarii 251.	Popularia & populares 178
Operas publicanis dare 164.	Portitores 169. 252.
Opinatores 173.	Portoria 69. & seqq.
Orationes Principum 111.	--- sublata 72.
Ostiarium 248.	--- restituta 73.
P.	--- concessa devictis gentibus 83.
Pabula & sumptus 66.	Portorium circumve- tionis 78.
Pactiones publicano- rum 167.	Portus Ostiensis 70.
Pannonia 50.	Prædes 163.

Præ-

I N D E X

- | | |
|---|--|
| <p>Prædia 163.
 Præfectus annonæ 48.
 149.
 --- Prætorio 152. 154
 --- Urbi 54.
 Præpositus Thesauro-
 rum 148.
 Prætor 30.
 Primores civitatum &
 gentium jure civitatis
 donati 222.
 Proconsul 30.
 Procuratores 146.
 --- aurariarum 154.
 --- Cæsaris 232.
 --- Hæreditatum 233.
 --- metallorum 153.
 --- Saltus 151.
 --- vicesimæ 233
 Professio jugerum 26.
 --- mercium 78.
 --- pecorum 60.
 Professionis omissæ po-
 na 61.
 Promagistri societatis
 163.
 --- vicesimæ 232.
 Promiscue 220.
 Provinciæ immunes a
 portorio 83.
 Publicani 155.</p> | <p>--- vicesimæ 232.
 Publicanorum exactio-
 nes 80.
 Q.
 Quadragesima litium
 87.
 --- portorii 86.
 Quæstorum officium
 circa vectigalia 143.
 Quæstores immunes 82.
 Quinquagesima 86. 95.
 Quinta 20.
 Quinta & vicesima 95.
 R.
 Rationales 147.
 --- vinorum 55.
 --- saltuum 151.
 Rationarium imperii 89.
 Rationes publicanorum
 deducebant consules
 144.
 Redemptores picariarum
 21.
 Remissiones vectiga-
 lium 90.
 --- reliquorum 91
 Res vectigales 4.
 Roma ut municipium
 habita. 130.
 S.
 Saccarii 252.
 S 2</p> |
|---|--|

RERUM & VERBORUM.

Sacra in manumissione	Silva scantia 58.
quænam 190.	Sitionia 41.
--- Gentilia 201.	Socii publicani 83. 157.
Sacrificia 201.	Societates publicano-
Sal vendere cui licuit 118	rum 157. & seqq.
Salarium 119.	Solarium 247.
Salictæ ad Minturnas	Stationarii milites 176.
58.	Stationes fiscales 233.
Salinæ 115.	Stipendium 3.
Salinarum conductores	Stipendiarii 3.
182.	Suarii 55. 170.
Salinator 116.	Subcesiva 14.
Saltus 57.	Sumptus funeris 209.
Saltuarii 57.	Supprocurator xx. 234.
Samnium 58.	Susceptores 171.
Sardinia 24. 39. 105.	Syria 25. 65. 118.
Scriptura 57. & seqq.	T.
Scripturarius ager 60.	Tabellarii publicano-
Scripturarii 168.	rum 165.
Senatores immunes a	Tabulæ quibus frumenti
decima metalli 109.	summa erat inscripta
Senatus habuit jus insti-	28.
tuendi vectigalia 122.	--- Censoriæ 133.
Senatusconsulta edictis	Tabularius ad marmo-
confirmata 111.	ra 153.
Servi prohibiti esse pu-	Ostiensis 165.
blicani 165.	Tabularii 171.
Sicilia 24. 39. 71. 138.	Tamiaca prædia 64.
& seqq.	Templa vectigalia habe-
Silvæ 57.	bant 131.
Silvæ & calles 135.	Termenses 84.
	Thra-

I N D E X

- | | |
|---|---|
| <p>Thracia 105.
 Thesaurus 148.
 Tribuni fori vinarii 55.
 Tributum & tributarii 3.
 Tripolitani 44.
 Tuscia 50.
 V. U.
 Vestigal quid 4.
 --- æris 254.
 --- Ædilitium 257.
 --- ex agris 18. & seqq.
 --- Ansarii 98.
 --- ex aquæductibus 23.
 --- ex arboribus 20. &
 seqq.
 --- artium 250.
 --- pro cadavere 75.
 --- pro columnis 248.
 --- ex cloacis 242.
 --- Cotoriarum 108.
 --- cretifodinarum 108.
 --- Eduliorum 96. 100.
 --- Foricularii.
 --- Fœni 66.
 --- frugum minutarum
 26.
 --- Hortorum 240.
 --- ex lacubus 15.
 --- Macelli 250.
 --- Meretricum 250.
 --- ex metallis 101.</p> | <p>--- Olei 43.
 --- Pecorum 67.
 --- Portorii 69.
 --- in Pontibus 74.
 --- Prætorium 258.
 --- rerum venalium 93.
 --- pro solo 247.
 --- ex salinis 115.
 --- ex tegulis ædium
 250.
 --- Venalitium 94.
 --- Viarum 245.
 --- Vini 49.
 --- Pro umbra 254.
 --- Urinæ 244.
 Vestigalia instituendi
 jus 121.
 --- locandi 133.
 Vestigalia data civitati-
 bus & municipiis 128.
 --- ipsi Romæ 130.
 --- Vestalibus 130.
 --- Templis 131.
 Vestigalia iterum adema-
 ta civitatibus & regi-
 bus 128. 129.
 Venalia vina 53.
 Venales res. 97.
 Venalitii & Venalitarii
 98.
 Veterani immunes 82.
 Vice-</p> |
|---|---|

RERUM & VERBORUM.

Vicesima Hæreditatum	Vini exactio 50.
194. & seqq.	Vinum non dabatur mi-
-- frumenti 26.	litibus. 52.
-- Manumissionum 184.	Vites serere prohibitum
& seq.	51.
-- Portorii 85.	Urbani milites 178.
-- Venalium 97.	Urinam in publico fa-
Vicesimarii 192. 232.	cere non licuit 244.

F I N I S.

ERRA-

E R R A T A.

Pag. 8. lin. 6.	<i>adempti leg. adempta</i>
72. 15.	<i>servitutum leg. servitutem</i>
77. 21.	<i>l. 18. leg. l. 8.</i>
80. 19.	<i>continua leg. continua</i>
85. 7.	<i>multati leg. multata</i>
91. 10.	<i>hoc leg. hac</i>
92. 21.	<i>c. 37. leg. c. 39.</i>
99. 7.	<i>condebantur leg. condebantur</i>
108. 13.	<i>l. 13. leg. l. 15.</i>
115. 19.	<i>l. 117. leg. l. 17.</i>
116. 15.	<i>l. 22. leg. l. 23.</i>
120. pen.	<i>adde Lamprid. Sever. c. 42.</i>
122. 7. }	
144. 8. }	<i>republica leg. reipublica</i>
165. 45. }	
128. 21.	<i>15. leg. 25.</i>
25.	<i>§. 5. leg. §. 3.</i>
134. 23.	<i>degefferant. leg. digefferant</i>
144. 15.	<i>opus leg. opes.</i>
157. 18.	<i>lucentior leg. luculentior.</i>
160. 9.	<i>ex focii leg. ex sociis</i>
175. 12.	<i>l. 13. leg. l. 3.</i>
178. 19.	<i>Liminararchis leg. Limenarchis.</i>
180. 9.	<i>consiliet. leg. conciliet.</i>
185. 9.	<i>c. 16. leg. c. 6.</i>
188. 19.	<i>cerratam leg. cirratam.</i>
189. 19.	<i>c. 9. leg. c. 5. num. 9.</i>
210. 7.	<i>54. leg. 154.</i>
193. ult.	<i>repetitione leg. repetitione</i>
204. 23.	<i>agnatus leg. agnatis</i>

206. 2.	l. 16. leg. l. 6.
20. 20.	c. 6. leg. c. 16.
207. 7.	Romanis leg. Romani.
211. 17.	locupletabantur leg. locupletabantur
226. penult.	l. 57. leg. l. 37.
229. ult.	idcirca leg. idcirco.
232. 7.	lib. 9. leg. lib. 7.
237. 15.	noxa leg. noxa.
239. 16.	
245. penult. }	§ 5. leg. §. 3.
244. 8.	obs. 24. leg. obs. 34.
249. 17.	ep. 5. leg. 9.
251. 9.	c. 4. leg. c. 40.
11.	conditione leg. collatione





